



Hethadee Waunauyauau

heee

Hejavaneauthusau Henayauthāhe

Vadan Luke

Hewauthaunauhanau

LIBRARY OF THE
Massachusetts
Bible Society

Catalog No. ALG 2/L 1905

Family ALGONQUIAN

Sub-Family

Branch

Group

Language ARAPAHOE

Dialect

Locality Oklahoma + Wyoming

Contents Gospel of LUKE

Version

Translator Rev. J. Roberts

Published by American Bible Socy

Place New York

Date 1905

Accession No. 7

Accession Date July 19 1929

Price \$ 0.25



HETHADENEE WAUNAUYAUNEE

VADAN LUKE VANENĀNA.

THE GOSPEL ACCORDING TO

SAINT LUKE.

NEW YORK:
AMERICAN BIBLE SOCIETY,

INSTITUTED IN THE YEAR MDCCCXVI.

1903.

[*Arapahoe Luke*, 13mo.]

HETHADENEE WAUNAUYAUNEE

VADAN LUKE VANENĀNA.

NEHEDAUNAU 1.

1 Hanau waunauthathee hadnedanuu hejadenenau hadjenanuu hauthase vavese hauthedau hena hayauhuhau nanāe hājavaānethauwuthajauthaunin,

2 Hasevenānauau nanāa hehethee jasesee vasesā hāenuu nau nejaanuu hanadedaunau :

3 Hasethajaunau hethadee heee nananenau jea, vavese-thaugudenau vahee hayauhuhau hehetheejasesee hadnewauthaunauwunathane nedānee, javaānethadee Theauthenus,

4 Hadeaenauwu hethauwu hena hayauhuhau nesechauhauthehane.

5 Hena hese Herod, naja Judea, jasaa vevethahehe Zacharias haseede, hadauchunanede Abia : nau henene hedaunāhene Aarauneau, nau heneseadaunin Elisabeth.

6 Nau haenesauuthāhenauau hathaāhenith Hejavaneauthu, thaunaugudethee vahee nanavaavedaunau nau hauchuwudaunau Vahadāde dejauthauwuvade.

7 Nau hehauwunesaunenauau, hanau henee hehauwunesaune Elisabeth ; nau wauwu haenesauu vaehahenenauau.

8 Nau hethauwu, henee daunausuvadanaude hathaāhenith Hejavaneauthu hāenauauchaude,

9 Nesedaunethe vevethahehehau, nesedaude hadnejaāde yehauthe hevadannauauwunene Vahadāhenith.

10 Nau haunauude henanedanede haevethahedaune jathee nauauchuu jaa.

11 Nau haenauhauva hautheaune Vahadāde haetheaugune hejavese jaanaa.

12 Nau hāenauhauwaude Zacharias, haejanethajau, nau nāthajaude haedasaa.

13 Hau nuu hautheaune, jevanāthajau hathāhuk, Zacharias : havevethahede nanedauwuhuu ; nau hadasea Elisabeth hadjanesewaude hāau, nau Jaun hadeseau.

14 Nau nananin hadaunauwuthajau nau hadeneethajau ; nau hadnewauthathee neethajauthee hāejanesee.

15 Hanau haudvasāthaa hathaāhenith Vahadāhenith, nau haudnehauwuvane daudause dadajevenenaje, wauāthe neauthunaje ; nau haudnechauchaunaude Hevadanauwauthauwunene Hejavaneauthu, haa hehethee hāejanesee.

16 Nau haudnewauthaa dāeyaunenede Israel hadjaechuwauyāaunaude hese Vahadāhenith Henesaunaunau.

17 Nau haudnedauwaunaude nauguu Vadanauwauthauwu nau neesenaudāhenith Elias hadjaechuwauyāauau vadauhau henesaunaunenau hese dāeyaunauau nau nejenedauvathee gaugauuthajaudenau hadauehadee ; hadnesaanude henanedanede hesanaa hese Vahadāhenith.

18 Nau Zacharias naudedusaene nuu ? wauwu vanaehahenenau nau nadasea wauwu vadavehahenede, hathauhuk hautheaune.

19 Nau hautheaune hanaāauchuhananadethāde, Nananenau Gabriel henee theaugudaunauau hathaāhede Hejavaneauthau ; nau janeautheavānau haudnāedauwunathana, nau hadnauhauthehathana nuu neethajaude wau-nauyauau.

20 Nau, naune, nananin haudnejanadene nau haudnehauwuneanade, haunaude hese nuu hayauhuhau nauauchaugu hethauwu, hanau nananin daujethauwaudauwu nadanadede, nuu hadnethauwunauauchuu nauauchaugaune.

21 Nau henanedanede haedauyauhauvanauau Zacharias, nau haegaugauanadauwu henee dauguthetheaugude vadannauauwu.

22 Nau hāejenauāhede, haejeneanadetha : nau haee-

nauwu daunauhauthāde vadannauauwuu: haevathasauwuna nau haejanade.

23 Nau hethauwuu, henee, chauchaunu hese hāesevadanedaude haeyehau heseeh nehayau hedauauwuu.

24 Nau heee hena hese henene Elisabeth hanaāenesauenith, nau haegauduse nehayau hayauthaunenethe hesese heee, hanaāenehede,

25 Hesau Vahadāde naasehānau heseeh hāedaugauhauvānau hadgudanauwunānau nāedayāhede henaneda.

26 Nau nanedauchaauwaude hesese hautheaun Gabriel haejeauthewau hehethee Hejavaneauthu heseehedan Gananee haseenaugu Nazareth,

27 Hesāhedāeyaun haenenehauwaune henanin Joseph haenaneeseenith, hehethee hedauauwuu David; nau hesāhedāeyaun Mare haenaaseede.

28 Nau hautheaun haedasaa, nau hanaāenehethāde, Haunauwuthajau, nananin vechauthaue, Vahadāde hantedaunaunāne: hauwunaunane hesānaa.

29 Nau hāenauhauwaude, haejanethajaude hedanadaunin, nau haegaugauanade daun hadnesenaunenechuhude nuu hadnesauau.

30 Nau hautheaun, Jevanāthajau, hathāhuk, Mare: hanau nananin vechauthāne Hejavaneauthau.

31 Nau, naune, nananin hadnensesaunin, nau hadneahene, nau JESUS hadeseau.

32 Hadvasāthaa, nau Vāā Hejavaa hadethauva: nau Vahadāde Hejavaneauthau hadvenaude naja theaugudau henesaunaune David:

33 Nau hadnajawaudauau hededanin Jacob jethaujenee; nau henajanede hadnehauwuthauvadauaune.

34 Hanaāenehethaude Mare nuu hautheaune, Haddusenesau nuu hanau nāhauwāenaunau henane?

35 Nau hautheaun hanaāauchuhananadethāde, Hejavaneauthau Hevadanauwauthauwu hadnedasāne: nau naunauthauau Hejavaa haddugaunyāaunāne; henaheee jea henee Naunaudāde hadnensesaunewaude Heau Hejavaneauthau hadnethade.

36 Nau, naune, have Elisabeth, jea wauwu henesau-

nede hadneahede wauwu dauvadavehahenede: nau nuu nanedaudauchunethe hesese wauwu hehauwunesaune neethade.

37 Hanau Hejavaneauthau vahee nenedede hayauhuhau.

38 Nau naune, Vahadāde daununānau hahagu Mare, hadnaasauau nuu hasenehene, nau hautheaun hanaāe-nāuthāde:

39 Nau Mare hanaāethauwauthede hena hese, nau hanaāehaude jauaudanenauauwu nauhauhaunee hese hedan Juda;

40 Nau hanaejedāde hedauauwunene Zacharias, nau haenaunenechautha Elisabeth.

41 Nau hethauwuu, henee, Elisabeth hāenedauwauthaude daunaunenechuhunith Mare, dāeyaunaa haenauauwuja hethauwaudauau; nau Elisabeth haeechauchau-naude Vadanauwauthauwu:

42 Nau haevasanade, nau hanaāenehede, Hauwunau-nane hesānaa, nau hauwunaunade dāeyaunaa hethauwaudauau.

43 Nau naudauhuthedasaa nuu, henee henaune Nava-hadāhewaunāde hadnedāsānau ?

44 Hanau, naune, chauchaunu hanadedaunau haunau-nenechauhude hāenedauwaudauwau naunaudaunuu, dāeyaunaa naunauauwujahede naunaudauau hee haunauwuthajaude.

45 Nau hauwunaunade hesā henee hethauwuthajaude: hanau hena hayauhuhau hadnethauwunaasauau neethāe-dauwunade hehethēe Vahadāhenith.

46 Nau Mare hanaāenehede, Navadathuwu hauwaunehāde Vahadāhenith,

47 Nau navadathuwu neethajaudaunaude Hejavaneauthu Nānayauhāde.

48 Hanau nedaugauhauwaude hadavenuhuhau hedau-nunaunau: hanau, naune, hewaunehaa heejasesee vahee henaededaunau hauwunaunade hadnethanau.

49 Hanau hena Naunaudāde vanasaunee hayauhuhau hasehānau; nau vadanaunee heneseede.

50 Nau nauwunaunaude henee headaunādaunau hena-jāthee henaedede nau nausunee henaedede.

51 Nenauhauthethāde hedāahede hejadena; neneā-sauaunaude hesāethajauhuhau hedāhene.

52 Nejananaude naunaudāhenethe hehethēe hetheau-gudaunene, nau nejejenanaude hadavenuhuhau.

53 Negaudauhaude hasenahehau nauguu hethadene; nau nethauyādahehehau negudanaude jessaa.

54 Nenedahewaude heau Israel, nedauyewuwude he-dauwuyau;

55 Neesenehethaude havasevāene, Abraham nau he-dāeyaunewau jethauujenee.

56 Nau Mare haenedauguva hanāenethe hesese hee, nau hanaāejaehaude nehayau hedauauwuu.

57 Wauhā Elisabeth hanaāevadauauaude hadneeja-nesāde; nau hanaāeahede.

58 Nau henedaudevādaunau nau henethesaunau haenedauwauthaa hasauwunaunāde Vahadāhenith haenau-hauthehaa vanasaunee hauwunaunadede, nau haenethe-neethajauvaa.

59 Nau hethauwuu, henee hāenasaudauchunesee haenauusanauau hadgauguusenith dāeyaunauau; nau ha-eadethanauau Zacharias, thauguu heneseedaunin hene-saunaune.

60 Nau henaune hegau, hāheyaugaune, Jaun hadne-thade,

61 Nau hathauhaugaunee hehauwuseenauau hādauā-nauau nuu neseede,

62 Nau haevathasauwunanauau henesaunaunin, haadeneseenethe.

63 Nau haenaudede dasewauthaunauha, nau haewau-thaunauhā, Jaun haseede, hahagu. Nau haunaude haegaugauuthajaudene,

64 Nau haegaunadenanauau, nau henethaune haegau-chauunauaune, nau hanaāanadede, nau haevaveenethe-dauna Hejavaneathu.

65 Nau nāthajaude haedasā haunaude henee hathāe-auchaunauthee: nau vahee nuu nehedaunau haegau-

gauuedaune jedauwuu hathāauau jauaudanenauuwuu Judea.

66 Nau vahee hathāenedauvade haejenanauwu heda-henauau, haudduthā naa dāeyaunaa, hahagaunee? Nau hejadenene Vahadānith haenedaundaunaa.

67 Nau henesaunaune Zacharias haechauchaunau-dene Vadanauwauthauwu, nau haeaeŷānautheda,

68 Vaveenethedaunaa Vahadāde Hejavaneauthau Isra-el; hanau haenauujāda nau daujauaudaunaudauau he-denanedanede,

69 Nau thauwaudanaude henenese hadnenayauhā-nauau jedauwuu hedauauwunene hedaununaune David;

70 Dau nausunanadede hedenaa Hevadanaeŷāhewau neenaedenethe hāejeenaedenauau:

71 Henee hadnenanedanenauau hehethe haujautha-vene, nau hehethē hejadenaa vahee hāthāasānavādaunene;

72 Hethauwuu hauwunaunadede nesayānāedauwu-naude havasevāene, nau hadnedauyewuwude Hevada-nenesedauwau;

73 Deneauwauhude yeseē havasevāene Abraham,

74 Henee hadvenānauau, jenāthajauē hehethē heja-denene haujauthavene hadnenayauhānauau hadneveve-thedaunaunauau.

75 Nauguu vadanaunee nau chuwuu hathaāhede, va-hee heseē hadenaededaunene.

76 Nau nananin, dāeyaunaa, haeyāhe Hejavaa hau-dnethane: hanau nananin hadnedauwaudauwu Vaha-dāde hadnesaanudene hevaunaa;

77 Hadvāde haeyaude hadnenanedanedaunee hede-dane hadjaegudanauwunaude hewauchudaudenenenau,

78 Hehethē havathē hauwunaunadede Hāsaunaune-ne; nanaa Naugusaje hehethē hejavaa hadnenauujā-daunānauau,

79 Hadvenaude heseē hathāetheaugunethe hadauvee-ŷaunee nau hadaudugauyāsaa gaujauaudahede, hadne-dauwaudauau hauauthene heseē hadaudādauyaunee.

80 Nau dāeyaunaa haeseau, nau hevadathuwu haedā-

eaune, nau haenaadaude hadaunechaudanee haunaude hese hadneenauhauthethāde Israel.

NEHEDAUNAŪ 2.

1 Nau hethauwuu hena hese hauchuwude haeneāsanau hehethee Caesar Augustus henee vahee henanedanede hadnayāadee.

2 (Nau nuu nayāadede haenedauwunesede deauchuwuanenede Cyrenius Syria.)

3 Nau vahee haeauāchaudene hadnayāadee haunauude hanesāde hese nehayau hededan.

4 Nau Joseph jea haeyehau hehethee Gananee, hehethee hedan Nazareth, jedauwuu Judea, jedauwuu hededan David Bethlehem neseee, (hanau naadahagu hedauwunene nau nedānee David,)

5 Hadnethenayāade nagnu Mareheau heauthehewauthādaune hadnewaune wauwu haechāthane hee hensaune.

6 Nau hethauwuu, henee hajesenausunanedauthee, hese haevadauaunau hadneejanēsāde.

7 Nau hanaāejanesāde henedauwusaune heau, nau haeajetha, nau haesevana hewauchuhauchave nedau vethehenethe; hanau haeneau vethehedaunauwuu.

8 Nau hena vavade vedauauwuu haudānajauāhehauau haeaudenauau, haeanaunehanaunau haeanauyauhauvanauau hedajauanenau vegau.

9 Nau, wauhā, Vahadāde hedautheaune haedasā, nau havathee haeseenauasāaunauau Vahadānith; nau haevasenāthajauunauau.

10 Nau hautheaun jevanāthajauau hathāhaugaunee: hanau, naune, nauuchaudaunathana hethadee waunauyauau havathee neethajau, nanaa hee vahee henanedanede.

11 Hee nananena janese nuu desenee hededan David Henayauthāhe, nananede Chris Vahadāde.

12 Nau nuu hadneaenauwuna; Nananena hadveehauna

dāeyaunaa hanajehede, saesee hewauchuhauchave nedauvethethee.

13 Nau nauhauhaunee hena haewauthanauau hejavaa hautheaunauau nauguu naa hautheau haevaveenethedaunanauau Hejavaneauthu, nau hasenehehaugaunee,

14 Havathee hauwaunede hese Hejavaneauthau hejavaa, nau dasee vedauauwuu nanethauaunee, hethadee hathanavana henanedanede.

15 Nau hethauwuu, hautheaunauau haejaenauthā hese hejavaa, Wauhā hadeehaunau Bethlehem, hanathadagaunee nuu haudānajauāhehauau, nau nauhaudauwuu nuu hayewhu javeauau, nanaa Vahadāde hāāedauwunādaunene.

16 Nau haenauchuhanauusanauau, nau haeveehanauau Mare nau Joseph, nau dāeyaunauau haesaeseene hewauchuhauchauwauauwuu henee nedauvethethethe hewauchuhauchāve.

17 Nau hāenauhauwauthee, haeneānauthedanauau nuu hathauthedaunāhethee hee dāeyaunauau.

18 Nau vahee hathāenedauvade haegaugauanadauwu henee hayauhuhau nuu hathauthedaunāthee haudānajauāhehau.

19 Nau Mare haeaunaunede vahee nuu hayauhuhau, nau haegaugauanade hedahaa.

20 Nau haudānajauāhehauau haejaesanauau, haevaveenethedaunanauau nau haevaveenethedaunanauau Hejavaneauthu hee vahee hanathadauvathee nau hathauhauthāthee, neethāedauwunāhethee.

21 Nau hāenasaudauchenese hadneegauguusede dāeyaunaa heneseede Jesus, haseadagu nuu haseede haeneeseāde hautheaunau haunauau deejethāsee.

22 Nau hese hāewaudeauchaude hasaunee hedauchuwude Moses hāevadauaunee, haeyehauthanauau hese Dadaunedan hadjenanauwunauthee Vahadāhenith;

23 (Hathauthaunauhunee hauchuwudaunaa Vahadāde, Dajee haunauahee henee nedauwusau vadade hadnethade hese Vahadāhenith:)

24 Nau hadnausāyaudene neesenedaunee hauchu-

wudaunaa Vahadāde, Hanesethee vedāenauau, wauāthe hanesethee neauthuvedāesaunauau.

25 Nau, naune, hena henane haenedau Dādaunedan, Simeon haenaneeseede; nau naa henane haechuvā nau haethauwuthajau, haeejauwuwude hadneneethajauthee Israel: nau Vadanauwauthauwu haethāsade.

26 Nau haeeauthedaunaa Vadanauwauthauwu, henee hadjenauhaudauau gaujauaudahede, haunaude hadnauhauwaude Vahadāhenith Chris.

27 Nau haetjeheenuusa Vadanauwauthauwu jedauwuu Vadannauauwuu: nau hāene henehā Hejavaeneauthusau jedanāde hadnesehāde thauguu hasauau hauchuwude,

28 Hanaāejavethenauanaude hejadena, nau haeva-veenethedauna Hejavaneauthu nau hanaāenehede,

29 Vahadāhene, hewaunehaa nanehājenanaude hauwauwaunave hadnaudauau nanethauaunee, hasauau hadanadede:

30 Hee nasesā naunauhauwauau havāde Henayauthāhe,

31 Naa nananin hadnesaanudene hathaāhedaunee vhee henanedanede;

32 Hesee hadneesenee Hathāauau henanedanede, nau havathee hadnanedanede Israel.

33 Nau Joseph nau henaune haegaugauanadauwu hena hayauhuhau hanasenehethavathe.

34 Nau Simeon haevethasa, nau haēāedauwuna Mareheau henaune, Naune, Naa dāeyaunaa haneejenanade hadneaunenauaudenenee nau hadneejaegauhadenenee hauwauhuu Israel; nau hanau nauhauthethau hadnevathevade;

35 (Haa, gaugauchu hadneegauchuhuguhune nehayau havadathuvaa jea;) henee gaugauuthajaudenau hauwauhuu vadauhau hadneauthasuu.

36 Nau hena haenesā Anna, haeyāhe, hedaunau Phaniel, hanaadāde Aser: haewauthanenau hejajenewau, nau haenethenaedeva hechu nesaudauchu jajene hehethethee neesede;

37 Nau haenevesāne hee nasaudausauau yānenee ja-

jene, nananede haejethauunaude vadannauauwuu, hau haenesedauna Hejavaeneauthu nauguu naugauyaude nau vevethahede dajāee nau hese.

38 Nau haejejedā hee haevaveene jea Vahadāhenith, nau haeheauthedauna vahee nethāejauwuwudethee jau-
audaunauthadede jedauwuu Dādaunedan.

39 Nau hāesedauthee vahee hayauhuhau hasauau hau-
chuwude Vahadāde, haejaesanauau hese Gananee, hada-
hethee hedan Nazareth.

40 Nau dāeyaunaa haeeseau, nau haedāeaune hevada-
thuwu, haechauchaunaude haeyaude: nau Hejavaneau-
thu vadaude haethāsade.

41 Nau wauhā henehā haehaunenau hese Dādaun-
dan hadauchuvejanene vasevadanese Hadavechautha-
dede.

42 Nau denesenene hejajenewau, haehaunauau hese
Dādaunedan hanau nesedaunene vasevadanese.

43 Nau hese hāevadaunaune, hāejāesathee, dāeyaunaa
Hejavaneauthusau haenasedauusa Dādaunedan; nau Jo-
seph nau henaune haejaenauwu.

44 Hau henaneda haenehauvā hathanauwauhaugau-
nee, nau haejanaugudaunee; hanaāenaudehauthee hene-
dauānene nau henedaehāhene.

45 Nau hāejeveehauthee, haejaesanauau hese Dādaun-
nedan, daunaudehauthee.

46 Nau hethauwuu hāenasese hanaāeveehauthee jedau-
wuu vadannauauwuu, haetheaugune nahethāe hauthe-
dahehau, haejaatheha, nau haenaunaudedauna.

47 Nau vahee hathāenedauwauthāthee haegaugauana-
dauwu hedaeyaunene nau hedauchuhanehedanene.

48 Nau hāenauhauwauthee, haegaugauanavanauau :
nau henaune, Nā, naudu hanesehāane? hathāhuk, nau-
ne hāsaunau nau nananenau nenaudehane nejeneetha-
jaunee.

49 Nau hathauhuk, naudu haenaudehena? gauhajae-
ne nachāe wauwu hanedaudauwau Nāsaunau henesetha-
ude?

50 Nau haejaenauwu hasenehethāthee.

51 Nau hanaāenethaunaude, nau haenauusanauau Nazareth, nau haeethauwaudaunā: hau henaune haeaunau-nedene vahee nuu nehedaunau hedahaa.

52 Nau Hejavaneathusau haeneenaneaune hedaeyau nau hajedāde nau vechauthaude Hejavaneauthu nau henanedanede.

NEHEDAUNAU 3.

1 Wauhā yauthaunenee jajene wauwu neenajanede Tiberius Caesar, Pontius Pinade nausunajawaudauau Judea, nau Herod nanajawaudauau Gananee, nau henaauhauwauau Theneb nanajawaudauau Iturea nau vedauauwuu Trachonitis, nau Lysanias naja Abilene,

2 Annas nau Caiaphas vevethahenajanauau, Hejavaneauthu nanadede haeedasaa Jaun heau Zacharias nau-aunee.

3 Nau haeedade vahee vedauauwuu hanathaudanee Jordan, haeauthedaude dusaahede haudneaugauthuu gaugauuthajaudenau hadneegudanee wauchudaudenau;

4 Naathauthaunauhuu wauthaunauhanaa hedanadede Esaias haeyāhe, Jasaye haevasenehe nauaunee, Hesannuu hathaāhede Vahadāhede, nesedee hevau chwuwuu.

5 Hadauchugauaudayauau hadnechauchanaa, nau hadauchāe hauane nau jauaudane hadjananee, nau jajāvāe hadchuvanee, nau hadauhauauyauau bau hadneyauthauau;

6 Nau vahee henanedanede hadnauhaudauau Hejavaneauthu hedenayauthaunene.

7 Haenaāenehethaude waunauthanee henanedanede henee hedaādaunau haddusaanaude, Hau hedenaededaunenau seseyānauau, hanaa hāedauwunādaunenau haddaugauhudauwuna nauthee hasenaunaude hadnauusanauau ?

8 Hethadee nesedee hadeheaenaunee hadnaugauthuu haugaugauuthajaudenenau jevauthenehee hadahenauau, hāsaunaunene Abraham: hanau nāedauwunathana, Hejavaneauthu neene nesehaude nuu hauunaugānau Abraham hedāeyaunewau.

9 Nau wauhā jea hauunauchu janenane hethājee hauhaudee: vahee hauhaudee jeneeauhuk vevenaude-nau haddauwauhude, nau hadneewaudeaunaanee.

10 Nau henanedanau haenaudeaunaa, hauddusedaune? hathāhuk.

11 Hanaāēdauwunaude, Daun nanesevechudaunade, jevena daun janevechudaunenith; nau daun hevethenede jenaasedaude, hahagu.

12 Wauhā haenaēenuusathee hauāyāhehauau haddusaahethee, Hechauhauthethāhe hauddusedaune, hathāhuk,

13 Nau hathāhaugaanee, javaauthaunaudaunāthe hene nethautheavane.

14 Nau vanenanenau hanaasedaunethe, hanaasenehethāde, Nau haddusedaune, hathāhuk? Nau javaauthasenehaa henaneda, hathāhaugaanee, javaauthenanedaunavaa henaneda, nau hadnanethauaunahedava haunaudaunadenenau.

15 Nau henanedanau hathanavāhuk, nau vahee henanedanede haegaugauanavaa hedāhenenau Jaun wauau Chris haenane, nau wauāthe hajee;

16 Jaun hanaāauchuhanehethaude, hathauhuk vahee, Hadneedusaanathana hee naje; hau hanesāde javaānau-dāde javaāhenau jaunaude hewauhugu hewauaunaa nāhauwuneaugunavane, hadneedusaanāna hee Hejava-neauthu Vadanauwauthauwu hee heseda.

17 Henaunasāhau nanewauunauau, nau hadgaunauhauau heyauthee nedauthauayāde, nau hadnauānauau wauchuunethauauhanau nedauthānauau jenayaunau; hau jenethauayaunau hadvadauchauauau hesedaa nedaujesaudaunahee.

18 Nau waunauthanee hanasejāesaanee hayauhuhau hanathauthedaunade henanedanau.

19 Hau Herod naja haeaunaunewau hee Herodias henuhauwauau Thenebeau henenene, nau vahee hathāewaunaanee hanasedaude Herod,

20 Haewauhaunene nuu vahee henee dauaugauhude Jauneau duguhunauauwu.

21 Wauhā hāevahesedusaahedaunee henanedanede, he-thauwuu henee Hejavaneauthusau haenethedusaā, nau haevevetha, hejavaa hanaāegaunanenee,

22 Nau Hejavaneauthuvadanauwauthauwu haejejanauhusane hedanayaunaa hedanayau haenaasaunee wau-de vedāene nau hanadede haejenauusa hehethee hejavaa, hasenehehuk, Nananene vechauthauau Nāa, nananene vaveenethedaunathane.

23 Nau Hejavaneauthusau nehayau wauwu wauau hanasauau jajeneva, hanane (hathanavade) heau Joseph, nananenith heau Heli,

24 Nananenith heau Matthat, nananenith heau Levi, nananenith heau Melchi, nananenith heau Janna, nananenith heau Joseph,

25 Nananenith heau Mattathias, nananenith heau Amos, nananenith heau Naum, nananenith heau Esli, nananenith heau Nagge,

26 Nananenith heau Maath, nananenith heau Mattathias, nananenith heau Semei, nananenith heau Joseph, nananenith heau Juda,

27 Nananenith heau Jonanna, nananenith heau Rhesa, nananenith heau Zorobabel, nananenith heau Salathiel, nananenith heau Neri,

28 Nananenith heau Melchi, nananenith heau Addi, nananenith heau Cosam, nananenith heau Elmodam, nananenith heau Er,

29 Nananenith heau Jose, nananenith heau Eliezer, nananenith heau Jorim, nananenith heau Matthat, nananenith heau Levi.

30 Nananenith heau Simeon, nananenith heau Juda, nananenith heau Joseph, nananenith heau Jonan, nananenith heau Eliakim,

31 Nananenith heau Melea, nananenith heau Menan, nananenith heau Matthatha, nananenith heau Nathan, nananenith heau David,

32 Nananenith heau Jesse, nananenith heau Obed, nananenith heau Booz, nananenith heau Salmon, nananenith heau Naason,

33 Nananenith heau Aminadab, nananenith heau Aram, nananenith heau Esrom, nananenith heau Phares, nananenith heau Juda,

34 Nananenith heau Jacob, nananenith heau Isaac, nananenith heau Abraham, nananenith heau Thara, nananenith heau Nachor,

35 Nananenith heau Saruch, nananenith heau Ragau, nananenith heau Phalec, nananenith heau Heber, nananenith heau Sala,

36 Nananenith heau Cainan, nananenith heau Arphaxad, nananenith heau Sem, nananenith heau Noe, nananenith heau Lamech,

37 Nananenith heau Mathusala, nananenith heau Enoch, nananenith heau Jared, nananenith heau Maleleel, nananenith heau Cainan,

38 Nananenith heau Enos, nananenith heau Seth, nananenith heau Adam, nananenith heau Hejavaneauthau.

NEHEDAUNAU 4.

1 Nau Hejavaneauthusau wauwu haechauchaunaude Vadanauwauthauwu haejeehedesa hehethée Jordan, nau haeyehauthaa Vadanauwauthauwu nauaunee,

2 Yāyauau hese hananeedauchunesee haenayāthehaa Haujaune, nau hena hese haeheejevethē: nau hāevathenesee, haenaāasenade waunee.

3 Nau Haujaune hathāhuk, hith nananene Haāthauwuāvaa Hejavaneauthau hāedauwunene naa hauunauga hadejauaujaunenede.

4 Nau Hejavaneauthusau haeauchuhanehe hathauhuk, Wauthaunauhuu henane hehauwuunaede jauaujaunau jasaa, hau hee haunauude hedanadedauunene Hejavaneauthu.

5 Nau Haujaune haenauauhuchauhaa hauanee hadaujauudanenee, nau haenauhauthehaa vahee najanedē hathāuauvaa henanedanede chauchaūnu.

6 Nau vahee nuu najawaude hadvenathane, nau hauwaunede, hathāhuk Haujaun: hanau henee nana-

nenau devenanau; nau daun navadauvenau hadevenauau.

7 Hith nananene henaheee hevevethedaunenagu, vahee hadnehanāhene.

8 Nau Hejavaneauthusaun hanaāauchuhananadethāde nau hathāhuk, Hedehau naugauvaa, Haujau haugau hathauthaunauhuu, Nananene hadevevethedaunaude Vahadāde Hāsaunau, nau hanesāde haudnevevethedaunaude.

9 Nau hanaāehauthāde Dādaunedan, nau haejenanaa nau nauauchuu vadannauauwuu, nau hith Haāthauwuāvaa Hejavaneauthau hauwujanauau hede hehethee, hathāhuk:

10 Haugau hathauthaunauhuu, Hadāedauwunaude hedautheaunau haddunānaune:

11 Nau hejadenenau hadejedunānaune, havaaugugausene heaudaa dasee hauunaugāe.

12 Nau Hejavaneauthusaun hanaāauchuhananadethāde nau hathāhuk, Hasenehee, Nananene jevanayāthehene Vahadāde Hāsaunau.

13 Nau hāevathenayāthedaude vahee, hanaāejathāaude haujau najee,

14 Nau Hejavaneauthusaun hanaāejaenaudāhede Vadanauwauthauwu haduu Gananee: nau hanaāauthedaunede hanaāeneāsanaunee vahee hathāauau Gananee nauanee.

15 Nau haechauhauthaha vevethahenauauwuu, nau vahee haevaveeneha.

16 Nau haenauusa Nazareth, needaunauuchauhade: nau dajauaunee nesedaude haeyehau vevethahenauauwuu vadanese, nau haetheaugu dasauhaudauau wauthaunauha.

17 Nau haevenau hewauthaunauhanene haeyāhew Esaias. Nau hāegaunanauau wauthaunauha, haeveede hadauwauthaunauhunee,

18 Vahadāde Hedauwauthauwu nanadeaunānau, hanau dehedusaanānau javeda hadnauthedaunu hethadene waunauyaunee hadavenuhunethee: hanejevāde hau-

dnenayauhu naudauwuthajauthee, hadnauthedanau
 haudjaejenanathee wauwaunauau, nau hadnejanauhau-
 thāthee nanenauguthee, haud-jaejenanathee hasenethau-
 nauau,

19 Haudnauthedaudauwau hethadee jaunaunauau jaje
 Vahadāde.

20 Nau haeauauvane wauthaunauha nau haejaevana
 vevethahehew, nau hanaāejanaugude. Nau vasesā va-
 hee hathāanedauthee vevethahenauauwuu haenāauhau-
 vanauau.

21 Nau hanaāejasesenehethaude, nuu desenee nuu
 hathauthaunauhuu hethauvaa haunaudaununenau.

22 Nau vahee haesegaugauudedaudene, nau haegau-
 gauanadauwu hethadenee hedanadedaudene hethāenehe-
 thaunene. Nau gaunuu jee heau Joseph? hahagaunee,

23 Nau hanaāenehethaude, Nananena hadethauwune-
 hesena nuu heeejegausudede, Naudaunehāhe, nehanena-
 yauhade: henee nanāthadauwaunee nanāседаunee Ca-
 pernaum nanehasedaunee nechau hede nehayau have-
 dauauwuvaa.

24 Nau hathauhuk hethauwuu nehethathana, Hegau
 haeyāhe hehauwuvechauthau nehayau hevedauauwu-
 vaa.

25 Hau hadauthedaunathava hethauwuu, waunautha-
 thee henevesānauau neanedauthee Israel, hesee deane-
 daude Elias, hejavaa denausunaugauhuu nasau jajene
 nau nedaudauchu hesese, devasauau hasenaude denana-
 desanauau vedauauwuu;

26 Hau hehauwunesāhene hejevādaunene Elias, va-
 vade Sarepta, hedan Sidon, hesā nananede henevesā.

27 Nau newauthathee naugaugauwuhuhauau neane-
 dauthee Israel deanedaude Eliseus haeyāhe; nau hehau-
 wunesā henayauhade vavade Naaman Syrian.

28 Nau vahee hathāetheauguthee vevethahenauau-
 wuu, hāenedauwauduu nuu hayauhuhau, haechauchau-
 naudenenau hasenaunaude,

29 Nau haegauhānauau, nau haenunanatheguthanauau
 hedan, nau haeethauthanauau hauchauguu jauaudanee

haduunee hededanenau needaunesehenee neaudnedauauwuguthauthee hauthedaunaānee.

30 Hau haejavechautha helhethee nahethāe, haejathāau,

31 Nau haenauusa Capernaum, hedan Gananee, nau haeauthedauna vadanesenenee,

32 Nau haegaugauanadauwunenau hasechauhauthehaude hedanadedaunau, hanau hedanadedaunau haenauthaunenau.

33 Nau vevethahenauauwuu henane haenedau hevadhawuu haewauchāhene haujaun, nau haevasanade,

34 Jenehāaa; hathāhuk, haudduseha nananene Jesus Nazareth? gauhāejau haudnauauhāane? Haenaunathane hadāhene; Vadanauau Hejavaneauthau.

35 Nau Hejavaneauthusau haeneuva, dādaunauguu, hathauhuk, nau jenauchune. Nau haujau hāegauusewaude nahethāe hanaāejenauthaude nau haejaseneha.

36 Nau vahee haegaugauanavaa, nau haenadethadenau jae, nuu hayew hanadede; hathāhuk, hethauwuu nauguu haenauthenehetha haenesedauwauna wauchāhenethe haujaunau, nau hanaāejenauāhethee.

37 Hanaāauthedaunenede nanadee jasesee gauānee vedauauwuu,

38 Nau haegauhā haenauā vevethahenauauwuu, nau haejedā Simon hedauauwuu. Nau Simon henene he-naunene haenauwauvāhene; nau haeauthewaunauthasanauau.

39 Nau haetheaugudauna, nau haeneude hasauwauvahede; nau haenauthaa: nau nauhauhaunee haegauhā nau haedauyauhauvanauau.

40 Wauhā hesese hāenaesade vahee hathāenethenauthethe hasauwauvāhehau hanasejaechauwauvāhenethe haenauuchaunau; nau haedajevasana nau haenayauha.

41 Nau haujaunauau nauguu haevanauusanauau hae-wauthanauau, haeneānadenauau, nau haenehenauau, Nananene Chris Heau Hejavaneauthau. Nau haene-

neuva haejechuwauanadeha : dauhaenauwunethe dau Chris dene.

42 Nau hāesenene, hanaāejathāude hese hadaunchaudanee, nau henanedanau haenaudehaa, nau haedasa, nau haedauduvaa, haudjenauthaude.

43 Nau hanaāāedauwunaude, haudnauthedaudauwau najanede Hejavaneauthau gauchuhene hedanau nau-guu : haugaunaasejejenanau.

44 Nau haeautheda vevethahenauauwuu Gananee.

NEHEDAUNAU 5.

1 Nau hethauwuu, henanedanede haeneenavadaundauwaudauwu hedanadedanene Hejavaneauthu, haetheaugu sathauwu neajee Gennesaret,

2 Nau haenauhaude hanesanene thewaunau haetheaugunenau sathauwu neajee : hau naunauyāhehauau haeyauhaudesanauau, nau haeanahesadenauau henauyandenenu.

3 Nau haejedā jasaa hethewaunene, Simon, nau hanehetha hadwauauwuhude vanehaa hehethē vachuwauauwuu vedauauwuu. Nau haejanaugu, nau haechauhauthēha henanedanau hehethē thewaunaa.

4 Wauhā hāevadauthede, hanaāenehethaude Simon, wauauwuhude hadaudavee, nau henauwunau haunauyaude hadjathāne.

5 Nau Simon hanaāauchuhananadethaude, Hechauhauthethāhe, naunaugaunenesethānauau, nau nāhauwuthauujathāva : hau hegaugaunauau hadnaenauwuaudenau nauyaude haugau hasenehene.

6 Nau hāesedauthē nuu haewauthanenau hejathaunenau, nau haethauwunauaune henauyandenenu.

7 Nau haedethanauau henedachahenau danachaugunethe jasaa thewaunaa, haudjaunethe, nau haudnedāhevāthee. Nau haenauusanenu, nau haechauchaunaudenauau hanesanene thewaunau hanaāenauwuu.

8 Hāenauhaudauau Simon Peda, haechauāgujanaugu

hejaedayānene Hejavaneauthusaun, nauchu, hathāhuk; haugauhauhauganenau, Hau Vahadāhene.

9 Haejenaunethajau, nau vahee hethāenethaunādaunau daunauanauthee nauwu hejathaunenau.

10 Nau nauguu James, nau Jaun, heauhau Zebedee, henedaehauhau Simon. Nau Hejavaneauthusau hanaāēdauwunaude Simon, Jevanāthajau, hewaunehaa heee nananene haudnesedanaude henanenauau.

11 Nau hāenauuchaudethee hethewaunenau vedauauwu, hanaāēnauduu vahee, nau hanaāenethauguhauthee.

12 Nau hethauwu, hāanedaude jasaa hedan, naune henane haechauchaunaude naunaujaunee haugauwude; hāenauhauwaude Hejavaneauthusaun haeuāneseve, nau haeautheava, Vahadāhene, vathehānenagu, hadeneeyaudanene hathauhuk.

13 Nau haeyethauha, nau haevasana, vanatthehānau: heyaudāhe, hathaukuk. Nau nauhauhaunee naunaujaunee haugauwude haenauthaa.

14 Nau haenesedauwaunā haudjāedauwunaunith henanedane: hau najesa hadnauhauthehau hadanayau vevethahevāhe, nau hadvā dauhenayauhane, Mosase neesedaudevade, haudneāenuu.

15 Hau haeneenanauthedaunene neānee: nau havathee haewautha henanedanede haeauānauuchaudene daujewaunejaathededaunee, nau haudnenayauhāthee heda-sauwauvahedaunenau.

16 Nau haejathāu hese nauaunee, nau haevetha.

17 Nau hethauwu jasaa hese, hajesechauhauthethāde, Nesethajauhuhauau nau hechauhaudauwauhuhauau nanavaavede haetheaugunauau hejava, haejechedesanaunau hadauchāe hauwauhauauwudan Gananee, nau Judea, nau Dādaunedan: nau naunaudāde Vahadāde haetheaugu hadnenayauhaude.

18 Nau, naune, henanenauau haenauuchauhanauau henanene heee hedauwune haesevāhene nau haenayāthejedananauau, nau hadjenanauwunauthee hathaājenith,

19 Nau hāejeveedethee haudnethejedanauthee hanau

dauwauthaa henanedanede, hanaāenauauhusathee dasee hauauwuu, nau haejanauhaujānanauau, hehethee dasee hejavaa hauauwuu nauguu hedauwune nahethāe hathaājenith Hejavaneauthusaun.

20 Nau hāenauhauwunith hedethauwuthajaudene-nau, hanaāāedauwunaude, Henane, hauwauchudaude gaunudanauwunane.

21 Nau wauthaunauhāhehauau Nau Nesethajauhu-hauau hanaāejasesegaugauuthajauthee, Hanaa naa hananadede nehedaduhude Hejavaneauthu? hathāhuk. Hanaa haudgudanauau wauchudaude, vavade Hejavaneauthau, naanesāde?

22 Hau hāenauwunith Hejavaneauthusaun hegau-gauuthajaudenenau, Haudusethajauva hadahenauau? hathāhaugaunee,

23 Hayew gauchauaa, nehehāgu, Hauwauchudaude gaunudanauwunana; nau wauāthe gauhā nau javesa heheagu?

24 Hau hadaenauwu henee Heau henane naunaudāde dasee hathāauauvadee negudanauau wauchudaude, (naasenehethauhaugu neasauwauvahedauwunith hesevahede) Hāedauwunathane, Gauhā, nau hedanau hauddau nau najesa nananene haudauauwuu.

25 Nau nauhauhaunee haethauwauthe hathaājenethe nau haedane haugusenadenau nau hanaāejathāaude hedauauwuu haevaveenethedauna Hejavaneauthu.

26 Nau vahee haegaugauuthajaudene nau haevaveenethedaunanauau Hejavaneauthu, nau haeechauchau-naudenauau nāthajaude, Naunaudauhauthānauau nuu desene, hāheagu.

27 Nau hāevathedaude haejathāau nau haenauhauva hauāyāhe Levi hanaaseenith, haetheaugune nedauudana-auau hauāyaunau, nau jethauguhu hathauhuk.

28 Nau haevanauthā, haegauhā, nau haethauguha.

29 Nau Levi haevasevethheha nehayau hedauauwuu, nau haewauthanauau hauāyāhehauau nau hauthauau haenedauguvā.

30 Hau wauthaunauhāhehau nau Nesethajauhu-hauau

haeaunevā hethauguhādaunau, naudū haenethevethewauna nau haenedaveyāwauna hauāyāhehauau nau wauchudauhuhauau, hathāhaugaunee ?

31 Nau Hejavaneauthusaun hanaāauchuhananadethēthee, hathāedāenaedethee hehauwuvathehā naudaunehāhew; hau hathāasauwauvahethee.

32 Nāhauwujenauusa haudnadethu hethahethee hau wauchudauhuhauau hadnaugaudanenee hegaugauuthajaudenenau.

33 Nau hathāhuk naudū hethauguhādaunau Jaun denauaunenaugauyānethe, nau devevethahethee, nau naasedauthee hethauguhādaunenau Nesethajauhuhauau; hau hanethenaunauau havethehethee nau havaveyāthee ?

34 Nau hathāhaugaunee, Gauhājeneenesehauva dāeyaunauauau nedauenenedaunee hauauwuu naugauyaudehajesanedaunāthee waunenenehew ?

35 Hau hese haudnauauchuu, haudneedanauwunana waunenenehe, nau hee hadnaāenaugauyāthee hena hese.

36 Nau hanaāanadethaude jea jegausauhānee; Henane hehauwu jenane waunauyaunee neauthayew hadaugauthāyaunee, hith hesedauhuk, nau hadauwauyaunee nee daudenauuu, nau jasaa needanee hadau wauyaunee hehauwuneauchauna gauthāyaunee.

37 Nau hegau henane hehauwujenane waunauyaunee vasevenenaje gauthānenevajaunaa; nau wauāthe wauyaugu vasevenenaje haddaudeauau nevajaunau, nau hadgusenauauau, nau nevajaunau haddenanaunauuu.

38 Hau waunauyaunee vasevenenaje hadedaunee hadauwauyaunee nevajau, nau nanesauuthadee.

39 Nau hegau henane hesevanaagu gauthānevasevenenaje nauhauhaunee haevathehaa waunauyaunee; hanau gauthāyaunee hethadee, hathauhuk.

NEHEDAUNAU 6.

1 Nau hethauwuu naneseauwauau vadanese, haeche-

desa jenayaunaa; nau hethauguhādaunau haegaugauunauwu wauchuunethauauhanau, nau haevethenauau, haegauneegudenauau hejadenenau.

2 Nau hauthauauau Nesethajauhuhau, Naudu hanese-dauna waujaa nanavanau nesedaude vadanesee hathauhaugaunee ?

3 Nau Hejavaneauthusau hanaāauchuhananadethau-de, Gauhājethaunauhaude nuu hasauau David neese-daude, nehayau deasenade, nau neethāenethaunāde.

4 Neesejedāde Hejavaneauthu hedauauwunene, nau needanauau nau nevethee nauhauthethājauaujau, nau haevena heethāenethaunaunau; waujaa nanavanau veyāgu hau jasaa vevethahevahehauau ?

5 Nau hanaāāedauwunāthee, Heau henane nanethadāde vadanesee.

6 Nau hethauwuu jea jasaa vadanesee haejedā vevethahenauauwuu nau haeautheda: nau henane haeanedau hejavese hejadena haeesevane,

7 Nau wauthaunauhāhehau nau Nesethajauhuhau haeanauyauhauvaa, wauau haadenenayauthā vadanesee; hadnejauaudaunauthēe dauhanājauwauaunauthēe.

8 Hau haeanauwu hegaugauuthajaudenenau nau hanaāanadethau-de henanene hesevenasanith, Gauhā nau yethaagu nahethāe. Nau haegauhā nau haeyethaagu.

9 Hejavaneauthusau hanaāāedauwunaude, haudnau-dedaunathana nananena hanesadee; Gaujenanavanau vadanesee hethadāgu hasedaunee, nau wauāthe wauchudauneagu ? henayauhāgu henaedede, nau wauāthe naunehāgu ?

10 Nau hanaāenaunauānede vahee, hanaāāedauwunaude henanene, Segauha hajade. Nau hanaasedaude: nau hejade haenayauhune jasaa hasaunee.

11 Nau haechauchaunaudenauau hasenaunaude: nau hanaāaunauchuwuhadethee daun haudnesehauthēe Hejavaneauthusaun.

12 Hethauwuu hena hese, haechau hauanee haudnevevethahede, nau haunaude naugaunee haevevethedauna Hejavaneauthu.

13 Nau hāesenee, hanaāadethaude hethauguhādaunau; nau haedana vadadauchunesenee, hanaāeneseaude vadauhanauau.

14 Simoneau (jea haeaugauthea Peda haseauhuk), nau Andwheau henauhauwauau, James nau Jaun, Thenib, nau Bathaunaumew,

15 Matthew, nau Taumis, James heau Atheas, nau Simon Zenautes haseadagu,

16 Nau Judas James henauhauwauau, nau Judas Iskariot, hanane jea neheaudaunade Hejavaneauthusaun.

17 Nau haejenauunethauna nau haetheaugunauau hethauauwu, nau hadauchunanenethe hethauguhādaunau, nau haevasenauthenedau henanedanede hehethee vahee Judea nau Dādaunedan, nau hehethee sasethauwu hadajee Tyre nau Sidon hethāejenauujaatthehādaunau, nau haudnenayauhāthee hedaſauwauvahedaunenau;

18 Nau hathāenaunauthauwauvahethee wauchāhene-the haujaunau: nau haenayauhaunauau,

19 Nau haunauude hadaucha haevadauvasanau hanau daunudesanaunee hevadaude nau haevahenayauha.

20 Nau hanaāenāauhauwaude hethauguhādaunau, Hauwunaunana nananena hadavenuhunena; hanau nananena najanede Hejavaneauthau, hathauhuk.

21 Hauwunaunana nananena hathāasenana hewaunehaa: hanau nananena hadnegaudana. Hauwunaunana nananena hathāevewauhuna hewaunehaa, hanau nananena hadnauchaunena.

22 Hauwunaunana nananena, henaneda hasānavānā, nau jaasauaunānā, nau naunaunauthevānā, nau hausāgudenauthe haneseedaunenau hadauwausaunee, haugau Henane Heāhene heee.

23 Haunauwuthajauau henee hesee heee, nau jajanaunauau heee haunauwuthajaude: hanau, naune, hanavanasauau hadaugautheavadenenau hejavaa: hanau naneesedaulyaugaune henesaunaunenau naneesehauhaugaunee haeyāhehau.

24 Hau naunauthauau hadnauauchaudaune hathāe-

veaunauaune ; haugau hanesedanauwuna hauwauthe-naedede.

25 Naunauthauau hadnauauchaudauna hathāegaudana ; haudnasenana. Naunauthauau hadnauauchaudauna hathāauchauena hewaunehaa, hadnaudauwuthajauna nau hadvewauhuna.

26 Naunauthauau hadnauauchaudauna, daunhāene vahee henaneda hāethadenee hasenehethānā, hanau henesaunaunenau naneesehauyaugaune jayaudauwaeyāhehau.

27 Hau hadāedauwunathava nananena hathāenedauna, Vechauthaa nananena haujauthavenau, heneehaa hasānavādaunenau,

28 Hauwunaunaa hāwauwauchuvādaunenau, nau hevevethasaa hāwauwauchuhādaunenau nananena.

29 Nau henee haudauauvāde hajāeaunaa nau naugautha venene ; nau hedanauaugu nananene hauddu jevaedanau jea naudauguvechude jevaethaa.

30 Hevenaa daun henaneda hānedauwunādaunenau nananene ; nau jeva jaenedauwunaa hedanauwunānagu daun hanethayaunenau.

31 Daun hasevathehānaune henaneda hesehānenagu, nechau jenaasehaude.

32 Hith nananena vechauthaunagu daun havechauthādaunenau nananena, haddusevaveeneva nananena ? haugau wauwauchudauhuhauau nechau nevechauthaethe hethāevechauthādaunenau.

33 Nau hith nananena hethadāgu hasehaunā daun hāneneehādaunenau, haddusevaveeneva nananena ? hanau naneesedaugaunee wauwauchudauhuhauau.

34 Nau hith nananena hehaunagu daun hāneejauaunaudaunādaunenau, haddusevaveeneva ? hanau wauwauchudauhuhauau nechau neehaugaunee wauwauchudauhuhau, hadnejanaasesedanuu.

35 Hau vechauthaa nananena haujauthavenau, nau hethadeha hasedauna, nau hehānagu, jevajavathehāe ; nau nananena haudaugautheavadenenau hadvasauau, nau nananena hadnaēdāeyaunenena Javaājauuthee :

nau nenenehaude nethāejevaveenenethe nau hauhau-
ganau.

36 Hedauwuyaunee nananena, nananena Hāsaunau-
nenau jea hasedauwyaunede.

37 Jevaauchuwuu, nau nananene hadnaajachu-
wane: nau jevaduguthāe nau nananena hadnehauwu-
duguhuva: hejaegudanauwuyāe nau hadnejaegudanau-
wunane nananene:

38 Vāe, nau hadnevenana nananene, vavesethajauau-
thāe, dāayāe, nau dāesathāe, nau haunauwauauthāe,
hauchauva, henane hadvenāna. Nechau hadnaasetha-
jauaudaunāna hasethajauauthānā hadnanesethajauau-
daunana.

39 Nau hanaāanadethaude haejejegausuhu, Gaunane-
nauguhu jenenauājetha nanenauguhu? Gauhaudjene-
sauujanesenauau gauuhanaa?

40 Thauguthāhe hehauwujavaāhe hechauhauthehāda-
ne: hau haunauude hanesāde daun haunauudaunāde
hathāhenith hechauhauthehādaune.

41 Nau naudu hanauhaudauwu nananene hahavaa
hejaheede hesesāe, hau haājevesehau havadauhaude
hathāsewau hasesāe?

42 Wauāthe hauddusenehethau nananene hahavaa,
Jāedaā, hadaugauhauwunathe hajaheede hasesāe, hau
daujenauhauwaude havadauhaude hathāsewau nehayau
hasesāe? Nananene jayaudauwunaedehe, nedauau hau-
gauhune havadauhaude hathāsewau nehayau hasesāe,
nau hadenaāeneauvane hadenaāeneaugauhauwu jaheede
hethāsathau hahavaa hesesāe.

43 Hauau hauhaude hethahagu behauwuseaude wau-
saunee vevenaundenau; nau wauāthe wauchahagu hau-
haude behauwuseaude hethadenee vevenaundenau.

44 Hanau hadauchude hauhaude neaenaunede hana-
saunee hevevenaundenau. Hanau hauchahevesee hena-
nenauau hehauwunaadauhauānuu hauuyauchuwunau
nau dauchuuwusee hehauwunaadauguunee dadajeve-
nau.

45 Henane hethāde hehethee hethadenee heda nenau-

chaudede hethadenee; hau wauchāhede henane wausau-
nee heda nenuchaudede wausaunee: hanau waunau-
thaa hehethee hedahaa hede nanadenaunee.

46 Nau naudu, Vahadāhene, Vahadāhene, haesena,
hau nejesedauna hayauhuhau hasenehethathana?

47 Daun nādasāde nau nedaunānaugu hasenehenau-
nauau, nau hesedauhuk, haudnauhauthehathana hau-
dnethāde:

48 Henanene henee nenesedenethe hauauwu naathāde,
nau henee nejayauchauhuu, nau naneejenanauau hauau-
wuu dasee hauunaugāe: nau nauunauuu naje neje nau-
nauthuu jaathāsāe henee hauauwuu, nau hehauwu-
nauauvathāau: hanau daunāaudaa hauunaugāe.

49 Hau jaathedehe, nau janenaasedauthe, naathāde
henanenau henee nedasauauvānethe vedauauwuu; nau
neje jaathāsāe naunauthuu, nau nauhauhaunee naune-
nauauau; nau thauwusāe henee hauauwuu nevasauau.

NEHEDAUNAU 7.

1 Wauhā hāevathanadede vahee hanasenehede dauja-
jaathehade henanedanede, haejedā Capernaum.

2 Nau jasaa vanenenaja hewauwaune haevechautha
haeaugauwune, nau haeyānajane.

3 Nau hāenedauwauthaude Hejavaneauthusaun, hae-
autheava vachaugananenau Jews, haeadetha hadjaunith
nau hadnenayauhaunith hewauwaune.

4 Nau hāedauchauthee Hejavaneauthusaun, haeauthe-
auwaunauthasanauau haugaunaunee, hanau hethāde naa
henane naa haudneenesedaude, hathauhaugaunee:

5 Hanau vechaudauau nadedanenau, nau nenesedaun-
nānauau vevethahenauauwuu.

6 Heee Hejavaneauthusaun hanaāejasesenethaunāde.
Nau hāeauchauau hauauwu, vanenenaja haejajedauau-
nanenau benedaehauhau, Vahadāhene, jevawauchutha-
jau Nananene: haugau wauchāhenau hadjedāne nau-
dauauwuu, hathauhuk:

7 Nanaa nājewauchanavadede dauudasathane: hau

vavade nehedau hanadede, nau naudautheau hadeenanedanede.

8 Hanau nananenau nanethenanenenau naunaudāhenau, nanethenu vanenanenauau, nau naāāedauwunauau hanesāde yehau nau naāejathāaude; nau jasaa, Nahāje, hathauau nau jaunaude; nau naudautheau, Nesede, hathauau, nau nanesedaude.

9 Hejavaneauthusau hāenedauwaudauau nuu hayauhuhau, haegaugauanava, nau haenauthegauthaagu, nau hanaāāedauwunaude henanedanau hethāethauguhādaunau, Hadāedauwunathava, Haunauau nāhauwuveehau vasee hethauwuthajuhu (naa hathāde henane), hegau, hehauwuu haduu Israel.

10 Nau henee hathāautheavathee, hāejaenuusathee hauauwuu, haeveehanauau wauwaune haeenedanene henee neasauwauvāhenith.

11 Nau hethauwuu jasaa hesee, hanaāehaude hedan Nain haseenauryāgu; nau haewauthanenau hethauguhādaunau henethaunādaunau, nau hauwauhuu henanedanede.

12 Wauhā hāayānauusade hejavaaa dajanaunaa hedan, naune, naa najaa henane naunudanade, jasāsau henaune, nau haenevesānene: nau haewauthane henanedanede hebethee hedan haenethaunaa.

13 Nau hāenauhauwaude Vahadāde haeauwunauna, Najenaudāve, hathauhuk.

14 Nau haedasa nau haevasane nauaunechauthau: nau hethāenauaunechauhādaunau haedādauyaugunenau. Haunaua, hāedauwunathane, Thauwauthe, hathauhuk.

15 Nau henee nenajaa haethauwaudaugu, nau haenaāejasesanadede, nau hanaāevenaude henaunene.

16 Nau nāthajaude haedasā vahee: nau haevaveenethedaunanauau Hejavaneauthu, Havathee haeyāhe hanejauaude hadedanene; nau, Hejavaneauthau haenauujādauna henesaunau, hahagaunee.

17 Nau nuu dauauthedaunenede haenanadesanaune vahee Judea, nau nanadee gauānee vedauauwuu.

18 Nau hethauguhādaunau Jaun haeauthedaunaa vaahee nuu hayauhuhau.

19 Nau Jaun haeadetha hanesenethe hethauguhādaunau haeyethautheava Hejavaneauthusaun, Gauhanane henee waudaudjaude? nau wauāthe gauhadnaudenauhauwau jasaa?

20 Hāedauchauthee henanenauau, Jaun Dusaayāhe janādautheavānauau Nananene, hathauhaugaunee, hanaāenedaunauthee, Gauhanane henee waudaudjaude? nau wauāthe gauhadnaudenauhauwau jasaa.

21 Nau vavade hāauchauau haenayauha haewauthanenau vavavāauhuhau nau havathee haugauwude, nau wauchāhenith haujaun; nau haewauthanenau nanenauguhuhau haevena nauhauthau.

22 Hejavaneathusaun hanaāēdauwunāthee, Najajathāauau, nau hadāēdauwunauva Jaun hathāhaugaunee, hayewhu hanathauhauthāna nau hathadauvana; hasejaenauhauthāde nanenauguhu, jeneejavesāhe daujavesade, naunaujaunee hedaugauwudaunenau dauuyaudahethee, hayājadāhe daunedauvade, gaujauaudahehe daujaethauwauthede, hadavenuhu hethadenee waunauyaunee dauauthedaunade.

23 Nau hauwunaunade daun najewauchuthajaudaunāde.

24 Nau hāejathāaunethe Jaun hedautheaunau, hanaāejasesanadedauau henanedanede hasenaedenethe Jauneau, Hayew nananena haewaunenauhauthaunenau nauaunee? gaugauguyāse daunauuvasee?

25 Hau hayew nananena hāewaunenauhauthaunenau? Gauhenane hedāchaunau hejajehaunenau hedāchaunau? Naune, nethāeneenuhuthee, nau neneenaedethee thanāsee nenauchuwunethe hedauauwunenenu.

26 Hau hayew hāewaunenauhauthaunenau? Gauhaeyāhe? Haa, hadāēdauwunathava nananena, nau javaāsee haeyāhehau.

27 Naa nananene, wauthaunese, Naune, hadjajenauau Naudautheau hathaaguna, hadnesedaunāna hauvaunenau sayānee Nananena.

28 Hanau nāedauwunathana, hadedanenau nethāene-saunevāna hesānauau hehauwujavaāse haeyāhe hathāde Jaun Dusaayāhe: hau hena haugajehede hanedauhuk henajanedanene Hejavaneauthu javaāhehuk.

29 Nau vahee henanedanede hathāenedaunāde, nau hauāyāhehauau, hanaāechuwauthethajaudaunauthee Hejavaneauthu, haenethedusaanā dusaayāhew Jauneau.

30 Hau Nesethajauhuhauau nau nanavaavehehau yee nehayau haeausagudenauau hevathehādaunene Hejavaneauthu, haejenethedusaanā (Jauneau).

31 Nau Vahadāde hahagu, Hayew naudneedajenehethau henanedanede nuu henaedede? nau haethahe-nauthe?

32 Waude dāeyaunauauau hathahethee theaugunauthe haudaunanauauwuu, nau danadethadethee, nau nanāhethee, Nevadauhana, hau nananena nejevadana; naudauwuthajaudauwunana nananena, hau nejevewauhuna.

33 Hanau denausade Jaun Dusaayāhe dejevethee jauaujaunau nau dejevanaa vasevenenaje; nau nananena nanethenaude haujaun, nethauna.

34 Heau henane daunausade dauvethede nau dauvanaa; Nauhauvaa naa henane naudaudāhe, nau vasevenenajevanehe, henedaehauhau hauāyāhehau nau wau-wauchudauhuhau, nethauna.

35 Hau haeyaude chaunuwuthajaudaunaude vahee hedāeyaunewau.

36 Nau hanesāde Nesethajuhu haeadetha haudjewauenethevethhevēde, nau haeyehau haejedā Nesethajuhu hedauauwunene, nau haejanaugu hadvethede.

37 Nau, naune, hesā hedan, haeauhaugane, hāaenaunaude Hejavaneauthusaun daujanaugunith hadvethenith Nesethajuhu hedauauwunene, haejāchaude jāva-saa chauayau,

38 Nau haetheaugu hegauwune heauthene haevewau, nau hanaāejasesahasadede heauthene hee hedejee nau haehaenauwu hee henethaanene, nau haenedane heauthene, nau haechauane hee chauayau.

39 Wauhā Nesethajuhu hāadethaude hāenauhauwau-
de, haejaevenanadethade, Naa Henane, haeyāheyaugu,
hanaenaunaude daunhadāhenith nau daunhathāhenith
nuu hesāne hevasanādaune : hanau wauwauchuduhu,
hahagu.

40 Nau Hejavaneauthusau hanaāāedauwunaude, Si-
mon, haudnāedauwunathane nananene. Nau hanaāene-
hethaude, Hechauhauthethāhe, nanehe.

41 Hena jasaa sayānedanauwuyau haenesenenau hesa-
yānedanauwunādaunau : hanesāhenith yauthaunevada-
dausauau vāejethā, nau jasaa yauthauyauau.

42 Nau hāeyauhuunee haunaudauhudaunene, haena-
nethauaunegudanauwuna nesauuu Jeāedauwune, ha-
naane hevechauthādaune javaānee ?

43 Simon hanaāējaāedauwunaude, Nauchāe nanane-
nith henechejavaāgudanauwunaune. Nau hanaāāedau-
wunaude, Nananene neaenauwu.

44 Nau hanaāeyethaagude hesāne, nau hanaāāedau-
wunaude Simoneau, Gauhaunauhauwau nananene naa
hesā? Nananenau nejedānau haudauauwuu, nananene
hāehauwuvene naje hee nauaudau : hau neheahe-
sadede nauaudau hee hedejee, nau neheaenauau he-
nethaa.

45 Nananene hāehauwunedane hau naa hesā hāenauu-
sanaunauau hehauwuthauujenedane nauaudau.

46 Nauauguhua nauguu javeda nananene hajechauu-
sānene hau naa hesā nechauanauau nauaudau hee
chauayau.

47 Naa hāedauwunathane nananene hewauchudaude-
nau waunauthanee gaunudanauwunade; hanau dauve-
chauthāde javaānee hau daun vanehaa gaunudanauwu-
nade vavade hasevechauthāde vanehaa.

48 Nau hanaāāedauwunaude hesāne, nananene hau-
wauchudaudenau jaegudanauwunane.

49 Nau hethāenedauguvādaunau dauvethethee ha-
naāejasesanadethee hegaugauuthajaudenenauau hanaa
naa negudanauau wauchudaudenau jea ?

50 Nau hanaāāedauwunaude hesāne, Nananene hade-

thauwaudaude henayauhāne nanauene; najesa hadnauwauthenesane.

NEHEDAUNAU 8.

1 Nau hethauwuu waunee haejathāau nanadee hadauchanenee hedan nau hajaseehedan, dauaunauthedade nau daunaunauhauthethāde neethajaude waunauyaunee hasaunee henajanedaunene Hejavaneauthu: nau vadauchunesenee haenethaunaa,

2 Nau jasaa hesānauau, haenayauhau dewauchāhene-the haujaunau nau vavavāauhuhauau, Mare haseadagu Magdalene, naunudanavathe nesaudauchu wauchāhene-the haujaunau,

3 Nau Joanna henene Chuza Herod hadāhevāhe, nau Susanna, nau haewauthanauau hauthauauau, hevenādau-nau hethāenetheyaunenenu.

4 Nau hāeneenawauthaa henanedanede dauauāchaude-nee, nau haedasaa hehethēe nanadee hedane, hanaāe-nadede jegausauhānee:

5 Jenayāhe haewauneneāgude hejenayaunau: hauthau-au haejajanesanau vaunaa; nau haeauguhudaunene, nau neahēhauau hejavaa haeaudauvanauau.

6 Nau hauthauau haedasegaugauusanau hauunagāe; nau chauchaunu hāeveseuu, haenadadanau, hanau dauje-najenee.

7 Nau hauthauau haejajanesanau hegauau dauchuu-wusee; nau dauchuuwuse haenauguveseaunau, nau haeajedaunanā.

8 Nau hauthauau haegaugauusanau dasee hadautha-dee vedauauwuu, nau haeveseaunau, nau haeneeaunau vadadausauau jenayaude. Nau hāenehedauau nuu ha-yauhuhau, haevasenehe, Daun henaudaununede, nane-hanedauvade.

9 Nau hethauguhādaunau haenaudedauunaa, duthanau nuu jegausudede, hathāhuk?

10 Nau hahagu, Nananena vanenana haudnaenauwuna jaeyaunau henajanede Hejavaneauthu: hau hauthauau-

au janegausauhuthee; hadnenauhauthāthee havajenauhaudauwu. nedauvahehauau havajaenauwu.

11 Wauhā heyew hasauau jegausudede : Jenayaunau hedenehede Hejavaneauthau.

12 Henee vaunaa nanathee nenedauvathee ; hanaāenauusade haujau, nau nedanauwunāthee hanadede hedahenauau, naseduhuu hethauwuthajauau, nau hadenanedanena.

13 Henee hauunaugāe nanathee, nanedauvanauthe nesedanuu hanadedaunau nauguu haunauwuthajaude; nau nuu hehauwuthājenenauau, vanehaa nethauwauduu, nau nauauchaudaunauthe vasehadede naneenaunegauhuthee.

14 Nau henee nejajanesāe thauhauthauchauyauau dauchuwusee nanathee, hanesenedauvanauthe, naneejathāauthee, nau neenadejethathee heee haunaunethaude nau nethauyādahede nau haunauwudaude, heee nuu heenedede, nau hehauwunauuchaudenauau vevenaundenau hadauuyauthaunee.

15 Hau henee hadauuthadenee vedauauwuu nanathee, hethauvahethee nau hethadenee hedahenau nenedauwauduu hanadedaunau, naunaunedethee, nau nenauuchaudethee vevenaundenau heee jenauwauaunee.

16 Hegau henane, hāesedeauchauuu nauauuthayau, hehauwaugau heee vasenau, nau wauāthe hehauwujenane thānee hauvaa; hau nethānauau nauauuthayau neetheaugunee daun janedāde hadenauhaudauau nauauuthayāgu.

17 Hayewhu hehauwuyauthesa, haudjauthasenesehee; wauāthe hayewhu hehauwuyau hadjaenaunee nau hadnejaunauau hauthasauau.

18 Haunauyauhaudauwuu hanathadauvanā: daun nethenaude, nananede haudnevenade; nau daunjanenethenaude, nananede haudnedanauwunade daun henetheyaunau.

19 Hanaāedasāde henaune nau henethesaunau, nau haejenedasaa heee dauneethenedaunenee.

20 Nau haeāedauwunaa jachau hathāhuk, Hānau nau

hāthesaunauau theauguthee jathee, vanadaunauhauvānaune.

21 Nau hanaāauchuhananadede nau hanaāāedauwunaude, Nānau nau nāthesaunauau nuu nanathee nanedauwauduu hedanadedauene Hejavaneauthu, nau naasedauthee.

22 Wauhā hethauwuu jasaa hese, haejedā thewaunaa nauguu hethauguhādaunau: nau hanaāāedauwunaude, hadeyehaunau hauchaunau neajee: nau hanaāejatheethuthauthee.

23 Hau hajecheuthu haenaugau: nau hanaāenauasaa neajee haenaudasa; nau haechauchaunane naje, nau haeanedaudauwugaujauadahede.

24 Nau hanaāedauchauthee, nau haeauwaudananauau, Hechauhauthethāhe, Hechauhauthethāe, gaujauaudāhenauau, hathauhaugaunee Hanaāethauwauthede, nau hanaāeneudauau hasāse nau dasenaunanaunee naje: nau hanaāedauunauuu, nau hanaāedādauyauau.

25 Nau hanaāenehethaude, daude hadethauwaudadenenau? Nau haenāthajaunauau haejenaunethajau-nauau, Dauhuthenane naa, hanathadagaunee; hauchuwudede hasāse nau naje, nau hanaāethauwaudaunāde.

26 Nau hanaāenuusathee vedauauwuu Gadarenes, hauchaunau Gananee.

27 Nau hāeyehaude vedauauwuu, hena haenuchaunaa jathee hedan jachau henanene, haenethena haujaun dajechauau, nau haevedauauchauna, haejenaede hauauwuu, hau nedauthānavathe gaujauaudahehehau.

28 Hāenauhauwaude Hejavaneauthusaun haevasanade, nau haechaagujanaugudauna, nau hanaāevasanadethaude, Hauddusehathe, Hejavaneauthusau, Nananene Heau Hejavaneauthau javaājauuthee? Nenedauwunathane Nananene jevanaunauchauthehe.

29 (Hanau haenesedauwauna wauchāhenith haujaun hadjenauhahenith hehethee henanene. Hanau nauaunee dauhusedanāde: nau naunaunehade neduguhude heee vāejethāduguthaunau nau nesaunajethaunau; nau hae-

gaugauchauagude heeduguhudaunau, nau haejathetha-sauaunaa haujaun hesee nauaunee.)

30 Nau Hejavaneauthusaun haenaudedauunaa, Haudu-see? hathāhuk, Nau hanaāāedauwunaude, Waunau-thade: hanau dewauthanethe haujaunau hethāchaudau-nādaunau.

31 Nau haenedauwunanauau hadjenesedauwaunathee hadjeyehauthee hethauvaa.

32 Nau hena haewauthanauau neauthuwauchu neve-thehethee hauanee: nau haenedauwunanauau hadjena-nāthee wauhaunee. Nau haejenana.

33 Hanaāenauahethee haujaunauau hehethee henane-ne, nau haewauhaunesanauau neauthuwauchuu: nau vahee neauthuwauchu haejathegauhunauau neenanee janahuu yesee neajee, nau haevanadeavenauau.

34 Hāene henee nauchauwauthee daunauhauduu hase-daudenenee, haedaugauhunauau, nau haejathāaunauau nau haeauthedanauau hedan nau vedauauwuu.

35 Hanaāeyehaudenee hadnauhauwuu daun hasedau-denee; nau haedauchau Hejavaneauthusau, nau hae-veehau henane, heneenenauthāde haujaunau, haetheau-gu heauthene Hejavaneauthusaun, haedāchaunene, nau haechuwuthajaune: nau haenāthajaudene.

36 Henee nenauhauwauthee haeauthedanauau neese-nayauhade nenethenaude haujaunau.

37 Hadauchaa hathāauauvaa Gadarenes gauānee hae-jathethajenāhenauau; hanau dauusāhede: nau hanaāeye-haude nauauhuu jethee thewaunaa, nau hanaāejaesa-de.

38 Wauhā henane nenauthāde haujaunau haenehethaa hadnenethaunāde: hau Hejavaneauthusau haejathetha-jenāhe, hathauhuk,

39 Jaeyehau haudauauwuu, nau hadnauhauthethā ha-thāenavasauau hayewhu Hejavaneauthau hasehāne na-nanene. Nau hanaāejathāaude, nau haeautheda nanadee hathāaunee hedan hathāenavasaunee hayewhu Hejave-neauthusaun hasehāde.

40 Nau hethauwuu hāejaenauusade Hejavaneauthu-

sau, henanedanede haeneethajaudaunaa: hanau haevadauyauhauwau.

41 Nau, naune, haejenauusa henane Jairus haseagu, nau hadāhevāhe vevethahenauauwuu: nau haeuāneseve Hejavaneauthusaun heauthene, nau haeadetha hadjewaunejedānith hedauauwuu:

42 Hanau haenesāhene hedaunau wauau hanesenee jajenevāhe, nau haeayānajane. Hau hajesesade henanedanede haevauhaunaa.

43 Nau hesā haeevathaude nesenee jajene heee, haevathēde haunauude hevāejethāwau heee naudaunehāhehau, hau haejenayauhau,

44 Haeedasa hegauwune, nau haevasane naunauchuu heduwune: nau chauchaunu haejenevathaude.

45 Nau Hejavaneauthusau hanaa navasanāde hahagu? Hāevahethedauwaudenee, Peda, nau hathāenethaunāde, Hechauhauthethāhe, henanedanede vauhaunane nau naneethenane, nau hanaa navasanāde, nesehene? hathauhaugaunee.

46 Nau Hejavaneauthusau, hanaadee vasanānau, hahagu: haenauwau daujasesenauauau vadaude hehethee nananenau, hahagu.

47 Nau hāenauhaudauau naa hesā daujeyauthesee haejeyehau haeahenauau, nau hanaāechauāgujanaugudau-naude, haeauthedauna hauthasee vahee henanedanede hathavasanaude, nau hasenayauhāde chauchaunu.

48 Nau hanaāēdauwunaude, Naud dau, nanehāauwauthenaedene: nananene hadethauwuthajaude henayauhāne nananene; najesa haunauwuthajau.

49 Hajesanadede, hena haejau hanesāde hehethee hadāhevahew vevethahenauauwuu, haeāedauwuna, Hau dauna najaa; jevajenaunevene Hechauhauthethāhe.

50 Hau hāenedaunāde Hejavaneauthusaun, haenaāēdauwunāde, jevanāthajau: hethauwuthajau vavade, nau haudnenayauhade, hathāhuk.

51 Nau hāejedāde hauauwuu, henanedane haejeva-daujedāne, vavade Peda, nau James, nau Jaun, nau henesaunaune nau henāune hesāhedāeyaune.

52 Nau vahee haevewauhudaune, nau haeaudauwuthajauhā: hau hanaānehede, Jevavewauhuu; hehauwunaja, nauthe naugauhude.

53 Nau haeauthanauau haevachunaunanauau, dauaenaunauthee daunajanethe.

54 Nau haevanudanā, nau hanaāedanaude hejadenene, nau hanaāanadethaude, Hesāhee, thauwauthe, hathauhuk.

55 Nau hevadathuwu haejaedasaa, nau haethauwauthe chauchaunu nau hanaānehede hadnauchauvavathe.

56 Nau henehā haegaudauwuthajaunenau: hau haeāedauwuna hadjāedauvanethe henanedaa hasedaude.

NEHEDAUNAU 9.

1 Hanaāadethaude vadadauchu nesenee hethauguhādaunau hauānee, nau haejaanauwuna naudahede nau hadvaheneedauthee nanadee vahee haujaunaa, nau hadnenayaudethee haugauwude.

2 Nau haejenana hadnauthedaudauwunethe henājane-daunene Hejavaneauthu, nau hadnenayauhaunethe hasauwauvahehehau.

3 Nau hanaāāedauwunaude, Jevaedanauwuu hayewhu hee hajavechaudenenu, daudause haugaudaunau, daudause newaugusajaānauthau, daudause jauaujau, daudause vāejethā; daudause jevanesauguvechudaunaa.

4 Nau daun hauauwuu hadaujēdānā jenaadauna, nau jenaathejathāauna.

5 Nau daun hajethauhauvādaunenau, hāenauahenā hena hedane, hadegauyāējaheva naudauuyāgu hadneanaunathee.

6 Nau hanaāejathāauthee, nau haehedesanauau hauauwudan, haeauthedaudauwu hethadenee waunauyau-nee, nau haevahenayauthānauau nanadee.

7 Wauhā Herod naja haenedauva vahee hanasedaude-nenee hee: nau haejaene, hanau haenaasenehedaunee gauuu, henee Jaun jaegauhāde hehethee denajaa;

8 Nau gauuu, henee Elias naunauhauthethāde hedayau; nau hauthauauau, hanesāde dajechauau haeyā-hehauau jaegauhāde.

9 Nau Herod haenehe, Jaun nedavaāsauau: hau hanaa naa, nanedauwauthau? Nau haevadaunauhauva.

10 Nau vadauhanauau, hāejaenuusathee, haevahauthedaunaa hanasedaunethe. Nau hanaāedanaude, nau hanaāejathāauthee hevenanee hese hadaunechaudanee hathauau hedan Bethsaida haseāgu.

11 Nau henanedanede hāenuu, hanaāethauguhauthee: nau haeesedana, nau haeauthedauna hasaunee henajanedauene Hejavaneauthu, nau haenayauha hathāevadaunayauhathee.

12 Nau hāayānaesade, hanaāejenuusathee nesenee, nau hanaāenehethāde, Nanehāejathāaudenee henanedanede, hadeehaudenee hauauwudan nau vedauauwuu nauanee, nau hadenethee, nau hadejasedauthee vethewau: daunchaudaa hadaunauau.

13 Hau, Venaa nananena hadevethedaudenee, hathauhuk. Nau hanaāēdauwunauthee, Hau nanethenauwunauau hehauwujavaānee hayauthaunāe jauaujaunau nau hanesethee nauwu; hanāyehaunee nau haunaudaunauhuu vethewau hee vahee nuu henanedanede.

14 Hanau wauau haeyauthaune vasevadadausauau henanenauau hanaadauchuthee. Nau hanaāēdauwunau-de hethauguhādaunau, Janauguhāa yauyauthauyauaugunauha.

15 Nau hanaasedauthee, nau haevajanauguhanauau.

16 Hanaāedanauau hayauthaunanenee jauaujaunau nau hanesenethe nauwu, nau hanaāejenāauguau de hejavaa, haevethasa, nau haenaāejeanaunau, nau hanaāevenaude thauguthāhehau haudjenanauwunethe hathaājedaunenee henanedanede.

17 Nau haevethedaudene, nau haevahegaudaudene; nau haeauānenau jeyauwaunau hathāenathaudāe nesenee hanaadauchāe hanechauchaunāe nenethaudanee.

18 Nau hethauwuu, haenesenane, dauvevethahede, Hethauguhādaunau haenethaunaa: nau hanaāenaude-

daunaude, Hanaa nenehede henaneda daunanenau ? hathauhuk ;

19 Hanaāauchuhananadethauthee, Dusaayā Jaun ; hauhauthauauau nethee Elias ; nau jasae nethee hanesāde dajechauau haeyāhehauau jaegauhāde.

20 Hanaāenehethaude, hau hanaa nenehede nananena daunanenau ? Peda hanaāauchuhanāedauwunaude, Chris Hejavaneauthau.

21 Nau haeneenadauduvā, nau haenesedauwaunā hadjāedauwunaunethe henanedanau henee ;

22 Heau henane hadnasenede wauthanee hee hayewhu, nau hadnausāguthāde vachaugānanenau nau naja vevethahevahehauau nau wauthaunauhāhehauau, nau hadnaade, nau hadjaegauhāsanade nasese, hanathauhuk.

23 Nau hanaāevahāedauwunaude, Hith henaneda jethauguhānaugu nanehanaunauchauthehadede, nau jedane henaugauchu hayauwusenenee, nau najeethaugu haa.

24 Daun haunaugaunayaudedede hedenaedede hadnana dede : hau daun hanadede hedenaedede hee nadanayau, nananede hadnenayauhadede.

25 Hauddusedau henane, vahesedanauaugu hathāauauvadenee, nau hanahadagu, nauwauāthe hausāguthadagu ?

26 Daun naudauthedaunāde nau nadanadedanau, nananenith Heau Henane haudnaudauthedaunaunith, hāenauusathe nehayau hadauvasāthanith, nau Henesaunaune hadauvasāthanith, nau vadanee hautheaunauau hadauvasāthanethe.

27 Hau hadethauwauthedaunathava hauthauauau theauguthee hede, haudnehauwuvajadauwu gaujauaudahede, haunaude haudnauhauuu henajanedanene Hejavaneauthu.

28 Nau hethauwuu wauau hanasaudauchuse hāesenehede, Hanaāedanaude Peda nau Jauneau nau Jameseau, nau hanaāenauaushathee hauanee hadnevevethahe-
thee.

29 Nau hajesevevethahede haenausāaune hedaucha-

veau haeanathadene, nau hedāchaunau haenaujaunenau nau haenaunauaugausauaunenau.

30 Nau naune haeanadethaa hanesenethe henanenau, haenanenenau Mosaseau nau Eliaseau;

31 Daunauhauthethāde hedanayau haenausāaune, nau haeauthedaude haudgaujauaudāde hadvathechauchau-naudede hehethee Dādaunedan.

32 Hau Peda nau hethāenethaunādaunau haenauwau-nanenau: nau hāauwaudauaunethe, haenauhaudauwu-nenau henauasāaude, nau hanesenethe henanenau haene-thauguvaa.

33 Nau hethauwuu, hāenauthāde, Peda hanaāanade-thaude Hejavaneauthusaun, Hechauhauthethāhe, hetha-dee hasanedaunee hede: nau hadenesedauna hanasāe nenaunau; hanesadee Nananene, nau hanesadenee Mo-sese, nau hanesadenee Elias; haejaene daunhasenehede.

34 Hajesanadede, haejenauusanau henaunauade, nau haeduguaunā: nau haenāthajaunaunauau daujedāthee henaunauadee.

35 Nau haejeanadedaune hehethee henaunauadee, Naa nananede Navechauthau Nāa: nedaunaa, hāheagu.

36 Nau hāesanadedaunee, Hejavaneauthusau haenese-nane. Nau haeyaudenauau, nau haejāedauwunanauau henanedane hena hesee neanāthauhauduu.

37 Nau hethauwuu, dauauthesenenee, hāejejanauhu-sathee hehethee jauaudanee, haegauāhenenau henane-danau hejajedauaunādaunenau.

38 Nau, naune, henane hehethee henanedaa haevasa-nade, Hechauhauthethāhe, nenedauwunathane Nananene, daugauhauwune nāa: vavadenaanesāde nadāeyau-neve, hathauhuk.

39 Nau, naune, haujaun hedanāde, nau chauchaunu haedauyānade; nau haethauwuguthaa haevevechau-chaunauade jeda, nau haecasenehaa haejechuwauthenau-thaa.

40 Nau nananenau neauthewu hāthauguhādaunauau hadnausāguthauthee; nau nejenedauthee.

41 Nau Hejavaneauthusau hanaāauchuhananadethau-

de, Hau hāhauwuthauwuthajau nau daujechuwauthenaedene, haudedauhujesenedauguvathe, nau haddauhujesethauguvathe? Jāsene nananene hāa hede.

42 Nau hajesejaude, haujaun haeauneguthaa, nau haethauwuguthaa. Nau Hejavaneauthusau haeneneuva wauchāhenith haujaun, nau haeenayauha dāeyaunauau, nau haejaevena henesaunaunene.

43 Nau haevagaugauanadauwu hasevasenaudāhenith Hejavaneauthu, Hau hajeseaugaugauanaduu haunauude vahee hayauhuhau Hejavaneauthusaun hanasedaunith, Haeāedauwuna hethauguhādaunau,

44 Chuwauthee nuu hanadedaunau jedānauha haunaudaununenau; hanau heau henane hadvenavathe hejadenene henanenau.

45 Hau haejaenauwu nuu hasenehenith, nau haeyaudaunaunauau, haejaenauwu: nau haeedaunaudedanaunauau hasenehenith.

46 Hanaāegaugauudedane, hanaadee haudvasāthaa.

47 Nau Hejavaneauthusaun, haeaenauwu hanasethajauthee hedahenauau, haedana dāeyaunauau, nau haeauyejanauguna,

48 Nau hanaāāedauwunaude daun hanesedanaude nuu dāeyaunauau naneseedaunaa hadnesedanānau: nau daun nāsedanāde haudnesedanaude nājejenanādaune; daun javaānadavenuhunede haunauude nananena vahee nananede hadnaasevasāthaa.

49 Nau Jaun hanaāauchuhanāedauwunaude, Hechauhauthethāhe, neenauhauwaunauau hanesāde nenuguthaude haujaunau hee haneseede; nau needauduwau nauau, hanau dauhujenethaunānauau.

50 Nau Hejavaneauthusaun hanaāāedauwunāde, Jevauduava hāhauwasānavāne nanesevānauau.

51 Nau hethauwuu, hāenauauchaunee hadneejejanauhudanāde, haechuwuyethāne hadnehaude Dādaunedan,

52 Nau haeautheava sayānee: nau hanaāejathāaunethe, nau hāejedāthee hajasee hauauwudan Samaritans, hadnesaanudaunāde.

53 Nau haejesedanaa, hanau dauyethaāsade Dādaunedan.

54 Nau hāene hethauguhādaunau James nau Jaun dau nauhaudauwunethe nuu, hanaāenehenethe, Vahadāhene, gaujevadaunedauwaune heseda hadjejanauhusanauau hehethēe hejavaa, nau hadnevadauchauthee, neesedaude Elias ?

55 Hau hanaāeyethaādauusade, nau haeneneuva, Nananena hāhauwaenava daun vadathau nananena hadahena, hathauhuk.

56 Hanau Heau henane hehauwuujau hadnenauaudede henanedanau hedenaededaunenenu, hau hadnenayauhaude. Nau hanaāeyehauthee jasaa hajasee hauauwudan.

57 Nau hethauwuu, hajesethaugudethee vau, jachau henanene hathāhuk, Vahadāhene, nananenu hadnethauguhathane nananene daun nananene hanasesanaune.

58 Nau Hejavaneauthusau hathauhuk, Gauauwuauau neyāethee, nau neaheauau hejavaa nenauhuchaunethee; hau Heau henane heyahuuene nedausevaānede.

59 Nau hanaāenehethaude jachau, Jethauguhu, hau hathāhuk, Vahadāhene, nedauau nawaunejenanau nāsaunau.

60 Hejavaneauthusaun hanaāāedauwunāde, Nanehajanauthee gaujauaudahehehauau negaujauaudāhene-thee: hau jathāau nananene nau haddauthedaude henajanede Hejavaneauthau.

61 Nau jachau jee, hathāhuk, Vahadāhene, hadnethauguhathane nananene; hau jechuwauthehe nedauau nawaunenaunenechauthaunauau, hanedauthee nayāenau naudauauwuu.

62 Nau Hejavaneauthusaun hanaāāedauwunāde, Hegau henane, dunauaugu thauauauwujethau, nau jaaāyau-gu, hehauwunaathā henajanedanene Hejavaneauthu.

NEHEDAUNAU 10.

1 Nuu hee Vahadāde haeauthēava hauthauau nesaudausauau jee, nau haeyeyethauthēava hanenesenethe sa-

yānee haunauude hedan nau vedauauwuu, haudnanā-daunauusade.

2 Henaheee hanaāenehethaude, Jenayaunau hethauwuwauthāe haneseuu, hau nesethāhehauau hajewautha-thee: vevethahee nananena heee Vahadāde deseujenayaunau, hadejejenanaude nesethāhehau hejenayaunaa.

3 Jathāauau nananena hathaāsana; naune nananenau janenanathana neānee waude haudāsaunauau hejee hau-chāhee.

4 Jevanewuunauwuu nesevāejethāwaunau, newaugu-sajaānauthau, nau wauaunau: nau jevanaunenāthedau-naa henane hauvaunenau.

5 Nau daun hauauwuu nananena hadaujedānā, Dādauyauha nuu hauauwuu, nedauau hadeva.

6 Nau hith heau dādaunee hanedaulyaugaune, nananena hadādaunahedaunenau hadnaadaudauyānusaa: hau jene hadjaegauusedaunāna.

7 Nau vavade hauauwuu hadanedauva, hadevetheva nau hadevanava daun hayauhuhau hauchauvadonenau: hanau nesethāhe naunaudaunade. Jevaenejedāe hauauwuu.

8 Nau daun hedan nananena hadaujedānā, nau hese-danānagu, hadevetheva daun hayauhuhau hajenanauwunādaunenau:

9 Nau hadenayauhauva hasauwauvahehe daun hane-daude, nau hesau jeenanethāedauwunauna, Henajanede Hejavaneauthau hayāedasāna.

10 Nau daun hedan nananena hadaujedānā, nau jese-danānagu hadjajathāauva hasesana hehethee hadaugau-chaudāe hauauwudan, nau hesau jeenanesenehethauna,

11 Daudause nauthejahathaugu nananena hadedanau-nenau, heejahadāheagu, neyeseгаunuhudee nananena: hau nananena hadethauwaenava nuu, henajanede Hejavaneauthau hayāedasāna.

12 Hau hadāedauwunathava, hadjavaānānethauauyauau hena hesee heee Sodom, javaānee heee hena hedan.

13 Naunauthauau hadnauauchaudauna, Chorazin;

naunauthauau hadnauauchauna, Bethsaida; hanau havathenayauthau heheenesedaudeneagu jedauwuu Tyre nau Sidon, nuu hasehana nananena, dajechauau neaunaevethajauduuhewauchudaudenenu, needanaugudaunee neauchuwaunene naujuwau nau jaetha.

14 Hau hadjavaānanethauayauau hee Tyre nau Sidon hānaudedauunadedaunee, javaānee nananena.

15 Nau nananena, Capernaum, hanejanana yesee hejavaa, hadjaejanauhanee yesee hadauveeyauau.

16 Daun hajaathehādaunenau nananena hadjaathehānau; nau daun hauwauchānavādaunenau nananena haudwauchānavānau; nau daun nauwauchanavāde hadwauchanauwaude najejenanādaune.

17 Nau nesaudausauau haejaenauusanauau nauguu neethajaude, hanaāēdauwunauthee, Vahadāhene, dau-dause haujaunauau hanechauwauaunaunauau hee nananene haneseede.

18 Nau hanaāēdauwunāthee, Nenauhauwauau Haujau waude jahagude hasejanesaa hehethee hejavaa.

19 Naune, Nananenau vanenathana nananena nau-dahede hadnauguhudaunauna seseyānauau nau hauwauhaudathee, nau nanadee vahee henaudahede haujau: nau hegau hadneaseneva.

20 Hau vahee nuu jevaneethajaudauwuu, haujaunauau dauchauwauaunauna; hau henauthauneneethajauau hanau nananena haneseedaunenau dauwauthaunauhuu hejavaa.

21 Hena hāauchaunau Hejavaneauthusau haeneethajaune hevadathuwu, nau hanaāenehede, Nananenau vaveenethedaunathane Nananene, Hau Nāchau, Vahadāhene hejavaa nau vedauauwuu, hanau Nananene dauyauadaunade nuu hayauhuhau hehethee nadaunahehehauau nau hathauwunanenauau, nau hadnauhauthehauva dāeyaunauauau: hethauwuu, Nāsaunau; wau-de hethadee nananena hasesānenau.

22 Vahee hayauhuhau vanenānau Nāsaunau: nau hegau henane haenauna hanaadāne Heāhene, vavade Vāsaunau; nau hanaadāne Vāsaunau, vavade Vāa,

nau nananede hanaadāne Heāwaune hadnenauhauthēhāde.

23 Nau hanaāējaedaugauhauwaude hethauguhādau-nau, nau hanaāanadethaude hevenanee, Haunauwuthajaunauha hasesānenau dauhunauhaudauwuna hayauhuhau hānauhauthaunenau:

24 Hanau nananenau hāedauwunathana, waunauthathee haeyāhehauau nau nenauchuwuthee nevadaunauhauuu hena hayauhuhau hānauhauthaunenau, hau hehauwuthauunauhauuu; nau devadaunedauwauuu hena hayauhuhau hānedauwauthaunenau, hau hehauwunedauwauuu.

25 Nau, naune, jasaa nanavaavehe haetheaugu, nau haenadayādauna, Hechauhauthethāhe, nauddusedane jethaujenee henaedede? hathauhuk,

26 Hanaāāedauwunāde, Hayew wauthaunesaa nanavaavedaunaa? Hādusasauhaude nananene?

27 Nau hanaāāedauwunaude, Nananene hadvechauthau Vahadāde nananene Hejavaneauthau nauguu vahee nananene hadahaa, nau nauguu vahee nananene hadathuvaa, nau nauguu vahee nananene hadāahedau-naa, nau nauguu vahee nananene haugaugauuthajaude-naa; nau nananene hanedaudewau waude nehayau nananene.

28 Nau hanaāāedauwunaude, Nananene hethauvāne: nanehasedaune, nau nananene hadnenaedene.

29 Hau nananede, vanadauchuvanadede, hanaāenehethaude Hejavaneauthusaun, Nau hanaa nanedaudewau? hathauhuk,

30 Nau Hejavaneauthusaun hanaāauchuhanāedauwunaude, Jasaa henane haejathāau hehethēe Dādaunedan hese Jericho, nau haeesedanaa havedehēhau, haethauwujedanaa hedāchaunau, nau haenesenēhaa, nau haejathāaunenau, haenauthaa dauhayānaja.

31 Nau haejathedasaa jachau vevethahevalrew hehethēe: nau hāenauhauvāde, haejavechauthaa gauchuhunee.

32 Nau vavade Levite, hāedadauau hadaunith, haeda

sa nau haenāauhauva, nau haejavechautha gauchuhunee.

33 Nau jasaa Samaritan, daujādade, haeedasa hadaunith: nau hāenauhauwaude haeauwunauna,

34 Nau haeyehau, nau haedugudauna hadaunenesenith, haeedaunauwuna javeda nau vasevenenaje, nau haedasana nehayau hedauneau, nau haenauuchauha vethehedaunauwuu, nau haeaunauneha.

35 Nau daunauganenee hāejathāaude, haeadane hanesanenee hevāejethāwau, nau haevena hadāhevaḥew, nau hadaunaunehau, hathauhuk; nau daun hasegaujauauthedanānaune jee, hāejaenuusanaune nananenau hadaunaudaunathane nananene.

36 Hayewnau nuu hanasāe, hadeanathaunau, hendaudevādaune henee neesedanāde havedeḥehau ?

37 Nau hanaāēdauwunaude henee heauwunaunādaune. Hanaāenehethaude Hejavaneauthusau, nau jenaenesedaune nananene.

38 Wauhā hethauwuu, daunausujavesathee, haenauusanauau jasaa hajaseehauauwudan: nau jasaa hesā haseagu Martha haejedana hedauauwunin.

39 Nau haenahavāe Mare haseeyaugaune, jea haejanaugude Hejavaneauthusaun heauthene, nau haenedauwaude hedanadedauene.

40 Hau Martha haeedauwauchune dauwauthanee hase-daude, nau haejeedasa, nau hanaāenehethaude, Vahadāhene, gauhajegaudauvanade daujenauthānau nahavaa daunesenesethānau ? hāedauwunene hadenedahevānau.

41 Nau Hejavaneauthusau hanaāauchuhanehethaude, Martha, Martha, nananene haunaunāhene nau dejanethajaudauwu waunauthāe hayauhuhau:

42 Hau hanesadee hayewhu chaunauguauau: nau Mare hayāchauhauau henee hethadenee hadāde, hehauwuneejathechauhau nauthee.

NEHEDAUNAU 11.

1 Nau hethauwuu, henee, daunausuvevethahede hedaunanenee, hāejenedaude, hanesāhenith hethauguhā-

daune hathāhuk, Vahadāhene, jeechauhauthehāa hadne-sevevethahee, waude Jaun jea neesechauhauthehaude hethauguhādaunau.

2 Nau hanaāāedauwunaude, hāene nananena vaneve-thahenā jeenanesenehena, Hāsaunaunene Nananede hanedaude hejavaa, Vadanauha Nananene haneseede. Nananene hanajanede hanājaunauau. Nananene hatha-navāane hadnaasedaunee hasauau hejavaa, nau jee nuu vedauauwuu.

3 Hejevenāa hadauchusenee hayauwusenee vethewau.

4 Nau jejaegudanauwunāa hewauchudaudenedaunau hanau nechau nejaegudanauwunade haunauude hanesā-de nethāesayānedanauwunāade. Nau jevaechauhāa nedauvasehadee; hau haugaunayauhāa hehethee hadau wausauau.

5 Nau hanaāāedauwunaude, hanaa nananena hadne-nedaehahede, nau hadneyehaude thaudajaa, nau hade-thaude, Va, jeehe hanasāe jauaujaunau;

6 Hanau nādae daunauujādaunānau, nau nananenau haeyahuunee nauchauwaude?

7 Nau hehethee jedauwuu hadnauchuhanehede nau hadnenehede, Jevajanethajuhu: dajanau wāuwu haugauhude, nau nanesaunauau nanejauwu naudauvaa; nananenau nāhauwuneethauwauthe nau hajeneevena-thane.

8 Nananenau hāedauwunathana, hadnehauwuthau-wauthene nau hadvenāde hanau dauhunedaehāwaude, auhanau dauneenāhede hadthauwauthenith nau hadvenāde daun hadauchuvatthehāthe.

9 Nau nananenau hāedauwunathana, Henedauwauau, nau hadnevenana; henaudethāe, nau hadneveedena; he-waudāhee (dajanau), nau hadnegaunedanauwunana.

10 Hanau haunauude hanesāde nethāenedauwaude ne-neaudauwaude; nau henee nenaudethāde neveenauau; nau henee newaudāhaude (dajanaune) hadgaunanauwunade.

11 Hith hāahenau nedauwunānagu jauaujaunau jasaa nananena henesaunaune, gauhadvenaa hauunaugane?

wauāthe nedauwunāhuk nauwu, gauhadvena hauchuhanee gauhadnanene nauwunenith seseyāne ?

12 Wauāthe nedauwunāhuk naunau, gauhadvena hauwauhaudanethe ?

13 Hith nananena, hauhauganenagu, hadaenava hadnesevenauna hethadenee venadedaunau nananena hadāeyaunevenau: duthāee nananena hejavaa Hāsaunauenau hadvenāva Vadanauwauthauwu nethāenedauwu-nauna ?

14 Nau neausāguthaude haujaun, nau heehauwandene. Nau hethauwu hāejathāaude haujau, hanaāe-jaanadede; nau henanedanede haegaugauuthajaudene.

15 Hau jasaa hahagu, Nausāguthaude haujaunau hee Beelzebub najane haujaunaa.

16 Nau hauthauau, haenaudayādaunaa, haenehethaa hadnauhauthaudenenee hehethee hejavaa.

17 Hau haeaeene hedenethajaudenene, haeāedauwuna, Hadauchaa najanede nanayāsenauaugu nehayau hadneyauhuu; nau hauauwu hasānavadenaugu hauauwu hadjanesaa.

18 Hith, Haujau jea hasānavadagu, hauddusetheaugune henajanede ? hanau nananena denehena nananenau deausāguthaugaunee haujaunauau hehethee Beelzebub.

19 Nau hith nananenau hausāguthaugaunee hehethee Beelzebub haujaunauau, hanaa hāahenau hadnausāguthaude ? hadedauchuwuna.

20 Hau hith nananenau hejadenethedaunaugu Hejavaneauthau hausāguthaugaunee haujaunauau, hethauwu henajanede Hejavaneauthau hedašana.

21 Henane danāahethe hedauchuaunau haunaunede-huk hedauauwu, hevatheyaunau nedādauyaunee :

22 Hau hāejavaādāāhenethe javaāhehuk hedašanuk, nau veavehāhaugu, hadnedanauwunāde vahee hedachuaunau heanadauwardenau, nau hadjaanenee hesehaudenau.

23 Daun najenethaunāde hasānavānau : nau daun najenethauāyāvāde naneāsauauwaude.

24 Hāenauthaethe wauchāde haujau henanene, nehe-

desade hadaujenajenenee, denaudedede dauyānusenade ; nau janeveedethe, naneenehede, nananenau hadjaesanau naudauauwuu needaujenauahenau.

25 Nau jaenauusathe, neveedede nesewaudeauhunee nau neyauthaunenee.

26 Naeneejathāude, nau naneedanauwaude hanesaudauchunethe hauthauau haujaunau javaānauhauganene-the javaāhede ; nau naneejedāthee, nau nanejanauguthee : nau waunee henee henane naeneejavaānauhauganede nedauaunejeethāde.

27 Nau hethauwuu, hajeseanadede nuu hayaūhuhau, jasaa hesā hehethēe henanedaā haēvasanade, nau hauthauhuk, Hauwunaunade henesaunehe hājanesaauthāde Nananene, nau hethanau nedaunenane.

28 Hau hahagu, Haa, nausunee, nauwunaunathee nthāejaathededuu hedanadedaunene Hejavaneauthu, nau naunaunedethee.

29 Nau henanedanede hāeneenanauthenedauhuu, hanaāejasesenehede, Nuu nanaa wausauau henaedede : nevadaunauhauthāthee ; nau hegau nauhauthaude hadvenaunauau, hau vavade nauhauthau nananeḍe Jonas haeyāhe.

30 Hanau Jonas neesenauhauthehaude Ninevites, nechau jea Heau henane hadnaathāde nuu henaedede.

31 Nenauchuwusā janauhuu hadjaegauhāde naudaunadenesee nauguu henanenau nuu henaedede, nau hadnauthauwuvāna : hanau dejewaunejaathehaude hehethēe hāauauvadenee naunaudāhenith Solomon ; nau naune, hejavaāhedaune Solomon hanedaunith.

32 Henanenauau hehethēe Nineveh hadjaegauhāthee naudaunadenesee nauguu nuu henaedede, nau hadnauthauwuvāna : hanau dauaugauthethajauduu hedauthedaunene Jonas ; nau, naune, hejavaāhedaune Jonas hanedaunith.

33 Hegau henane, hāesedeauchauuu nauauuthayau, hehauwujenane yauthee, daudause hehauwugaudauyauvasenaunaa, hau dasee nauauuthayauneetheaugunee, nthāejedāthee hadnenauhauuu naunauasādanee.

34 Hanesenee vadanayannaa nanaa nevasēsānee : nanaa hāenesadee hasēsānenau nananena, nananene hadnaunauudauyauau hadanayau jea hanechauchannaa hese; hau hāene nananene hasēsā wausuu, hadanayau jea hadnechauchannaudene vaneeyauau.

35 Haunauyauhaudauwauau hanau henee hesee hathāsadaude nananene jeva veeyauha.

36 Hith nananene haunauudauyaugu hadanayau hanau hadnechauchannaudene hesee, hadnehauwugauuveeyau haunauude hadnechauchannaa hesee, waude naunauasādāe nauauuthayau nevenāna hesee.

37 Nau hajesanadede, jachau Nesethajauhu haedethaa hadnethevethehewaude : nau haewaunejedā, nau haejanaugu dauvethede.

38 Nau hāene Nesethajauhu nauhaudauau, haegaudauvanava daujahesehunith nedauau hajesejevethenith.

39 Nau Vahadāhenith hathāhuk, Hewaunehaa nananena Nesethajauhuhauau neyauthahenauwuna jathee vāenaunau nau saenaunau; hau nananena hethauvaa hanechauchannaudena vahedayaude nau hauhauganede.

40 Nananena janethauvahena, gaujenane Hejavaneauthau nenesedede jathee gaujee henesede jedauwuu?

41 Hau hevāe hauwuyau daun hanetheyaunenau; nau, naune, vahee hayauhuhau hadnesewaudeanauwunana?

42 Hau naunauthauau hadnedasāna nananena Nesethajauhuhauau, hanau nananena hadvāna vadadauchu wauhaunauau nau naneujaudevejechau nau vahee hathāejajāesuu vejechau, nau hadjavechaudauwuna vave-sauchuwude nau devechauthade Hejavaneauthau; nuu hāvachunaasedauna, nau hānanejenaudauwuna hauthauau nejesehee.

43 Naunauthauau hadnedasāna nananena Nesethajauhuhauau, hanau nananena devechaudauwuna najatheaugudaunau jedauwuu vevethahenauauwuu, nau dejachauthana nedauaudaunauvadee.

44 Naunauthauau hadnedasāna nananena, wauthaunauhāhehauau nau Nesethajauhuhauau, nanadaunahe-

na, hanau nananena waude nedaugaudauyauhudaunee dejenauhauwuu, nau henanenauau nedasejavesathee hehauwaenaunā.

45 Hanaāauchuhananadede hanesāde nanavaavehe, nau hathauhuk, Hechauhauthethāhe, nuu dauhanadene nananene naunaunauthevāana jea.

46 Nau hathāhuk naunauthauau hadnedasāna nananena jea, nananena nanavaavehehauau, hanau nananena henenauchuna henanenauau nauguu henenauchude hehayaudee javechauhunee, nau nananena nehayau jevavasanauwuu henenauchudaunau heee hanesadee nananena hajadenenau.

47 Naunauthauau hadnedasāna nananena, hanau nananena denesedaunauna gaujauaudahenauauwu haeyāhehauau, nau hāsaunaunenau denauauthee.

48 Hethauwuu nananena haeyāna henee nananena wauhaunee nanāsedauthee hāsaunaunenau : hanau denauauthee, nau nananena nenesedena hegaujauaudahe-nauauwunenau,

49 Naasauau jea hahagu hedaeyaude Hejavaneauthau, Hadjenanu haeyāhehauau nau vadauhanauau, nau hathauau hadnenaathee nau hadnenaunaunauchauthethee :

50 Henee hevaevenau vahee haeyāhehauau, hanedau-nee hehethee davadeesehee vedauauwuu, hadneenaude-dauwuhuu nuu henaedede ;

51 Hehethee hevaevaa Abel nauuu hevaevaa Zacharias henee nenajaa nahethāe jaanaa nau vadannauauwuu : hethauwuu nananenau nehethathana nananena, hadneenaudedauwuhuu nuu heee henaedede.

52 Naunauthauau hadnedasāna nananena nanavaavehehauau, hanau nananena dauhudanauwuna gaunau-dauauha haeyaude : nananena hadnehauwujedāva nehayau, nau henee hathāejedāthee nananena najauaunauna.

53 Nau daunenehedauau nuu hayauhuhau yesee, wauthaunauhāhehau nau Nesethajauhuhuhauau hanaāejasese-neenanaudedauunāde, nau haeneenadaunanauau hadnau-thedaudauwunith hauwuhuu hayauhuhau ;

54 Haeaudenauthaa, nau hadnesedanauwunethe ha-
yewhu hehethee hedenene, hadnāedauwauthahee.

NEHEDAUNAU 12.

1 Gaunauwuu, hāene hena hauāchaudenee hauānee
haejedaguu hadaucha henenedane, dauwauthaa hae-
aunauguhadaunadenauau, hanaāejasesāedauwunaude he-
thauguhādaunau nedauau vahee, Haunauyauhadau-
wauau nananena gauhaujau Nesethajauhuhauau, nena-
daunahethee.

2 Hanau hehauwuyauthesa, hathāeyauthesaa, daudau-
se hehauwuyauthesa, nethāejaenaunee.

3 Hanau daun nananena hasanadenā veeyaugu hadne-
dauwuhuu hesenee ; nau henee nananena hasenehenā
waunaudaunuu jedauwuu hadnauchunana dasee hauau-
wuu.

4 Nau nananena hāedauwunathana Nādaehauhauau,
Jevaesaa henee nenadethee henenedayāhau, nau hee
hehauwauthesedaunauau.

5 Hau nananena hāedauwunathana daun nananena
hāchaunenau : Hesaa Naa, hee hesenaānagu naunaudā-
de hadgauusevāna hadaugauhauchanee ; haa, Nanane-
nau hāedauwunathana nananena, Hesaa.

6 Hayauthaunethee hajaseaheauau gujeaudaunaune
hee hanesāene nevaāhenee, nau hanesāde hehauwu-
nauneethedaunā Hejavaneauthu ?

7 Hau daudausee hadauchāe hāthaanenau hāudaugu-
huanenau vahenayāee. Jevanāthajauau henahee : na-
nanena javaānauwahuana hadauchuthee hajaseaheau-
au.

8 Jea Nananenau hāedauwunathana, Daun naujau-
dauthehāde hesee henenedaa, nananede Heāhene henane-
ne jea hadnehauwaudauthehaa hesee hautheaunau Heja-
vaneauthuu.

9 Hau henee nauyauhāde hesee henenedaa hadneyau-
hade hathaāhenethe hautheaunau Hejavaneauthuu.

10 Nau daun hayādaunaude Heāhene henenene, had-

jaegudanauwunade : hau nananede henee hauhauganedauau Vadanauwauthauwu hadnehauwujaegudanauwunau.

11 Nau hāejedanānā vevethahenauauwuu, nau hau-chuwunanenauau, nau najanauau, jevagaugauanadauwuu wauāthe daunhayewhu nananena hadnesauchuhanehena, wauāthe daun nananena hadnesenehena :

12 Hanau Vadanauwauthauwu hadnāedauwunāna nauauchaugu daun nananena hadnesenehena.

13 Nau hanesāde hehethee hananedaathathauhuk, Hechauthethāhe, hanadesene nasaa, hadegaugauanauwunauau vatheyaunau.

14 Nau hathāhuk, Henane, hanaa nanesehāde hadnau-chuwuhathane nau hadjaanauwunathane nananene?

15 Nau hasenehethauhuk, Haunauyauhaudauwauau, nau naseduhuu jevavathehāe : hanau henane hedenaede-de hehauwunedahevaa wauthayāgaune hevatheyaunau henetheyaunau.

16 Nau haeanadetha haejegausudenanadetha, Vedauauwuu jasaa nethauyāsenane haenauthauthā :

17 Nau hasethajauhuk nehayau, hewauau hauaudnese-daunaune, hanau hajenethenauwau jedauwuu hadnedauthānauwau navethenau, hahagu ?

18 Nau hanaāenehede, nuu hadnaasedaunau : hadthauwunauwau nathāyānauauwuu, nau hadnesedenau hadjavaāvasauau ; nau hadnaadauthānauwau vahee navethenau nau navatheyaunau.

19 Nau hadnaāenehethauau navadathuwu, Vadathau, nananene nanethenauwu waunauthāe hanetheyaunau janenanee hadwauthāe jajene ; hedanau nanethauaunenaede, hevethede, hevaveyā, nau haunauwunaede.

20 Hau Hejavaneauthu hathāhuk, Nananene Hauhauga, nuu dauveeyauau nananene havadathuwu hadnedauwunane : hee hanaa hadnethenauau hajenayaunau ?

21 Nananede haenathaunau heveaunauaudenau, nau hehauwuveaunauau hese Hejavaneauthu.

22 Nau hathauhuk hethauguhādaunau, Naa nehethathana, Jevaegaugauanadauwuu hadenaededaunenau,

daun hadnevethedaunenau ; daudause heee hadanayau-
nenau, daun hadnāsaunenau.

23 Henaedede javaāsaa vethevaa, nau vadanayau ja-
vaāsaa hāchaunaa.

24 Gaugauanavaa huunauau : hanau dejejenayāthee
nau dejegauausauhāthee ; hehauwunethenauwu thāyā-
nauauwu nau vethewau nedauthāsanenee ; nau Hejava-
neauthau nauchauwaude : gauhajavaāneenaedeva neahe-
naa ?

25 Nau hanaa nananena vanadauanāde heee neejahe-
hee ?

26 Hith nananena wauhā jeneenesedaunagu henee
haugajuhuu, naudu hajanethajaudauwuna hauthauau ?

27 Gaugauanadauwuu nenaugaānuu nejajaesaānuu
neseveseuu : hehauwunēsethānaunau, hehauwunethau-
dayānaunau ; nau nausunee nāedauwunathana, henee
Solomon vahee hevasāthade hehauwunaasenu hasaunee
nuu.

28 Hith wauhā Hejavaneauthau heneenudehuk wau-
chuunau, nuu desenee nauau, nau naugaagu hadneewau-
dedaunaunee ; hāduthāejavaāvenāva hāchaunau, Hau
nananena vanehaa hethauwuthajauna ?

29 Nau jevanaudedee nananena daun nananena had-
nevethedaunenau, wauāthe daun hadnevaveyādaunenau,
jevauuwaugauauthajauau.

30 Hanau vahee nuu neauthudan hathāauauvaa ne-
naudethāthee : nau nananena Hāsaunaunenau haenau-
au henee nananena hāvathehādaunenau nuu hayau-
huhau.

31 Hau henaudedee nananena henajanede Hejavaneau-
thau ; nau vahee nuu hayauhuhau hadnethedaunanau-
wunana nananena.

32 Jevanāthajauau, hāhauwuwauthaheva ; hanau na-
nanena Hāsaunaunenau hayethanadauwunādaunenau
hadvenāna henajanede.

33 Heaudaunaa henee hanetheyaunenau, nau hauwu-
naunaa hadavenuhuhauau ; jasedauau nesevāejethāwau-
nau henee nejethauuthauauchusāe, haenathaude haneduu

hejavaa henee nejethauyauhuu, nedaujavedadenee, hehauwujuudenauau nuvanauauau.

34 Hanau haduu hadaenathaunenau, hena hadahenau jea hadnaaduuu.

35 Duujehee, nau haunauauuthayaunenau gauhauchanauha ;

36 Nau nanehathahena henanenauau henee nedauyauhauwauthee hanau Hadahethedaunādaunenau, hāejejaesathe hehethee gauwuhaude ; henee hāejenauusathe nau hadwaudāhaude, hadgaunanauwunade nauhauhaunee.

37 Hauwunaunaa henee nesethāhehauau nananenethe, Vahadāde hāejenauusathe hadveenaude hadnaunauyauhauthānethe : hethauwāedauwunathana, hadduujede nehayau, nau hadjanauguhaude hadvethehenethe, nau hadjeedauchaude nau hadnaunauchauwaude.

38 Nau hith jenauusahek naneseauwaude haunauyauhauthāhe, wauāthe jenauusahek naneseauwaude haunauyauhauthāhe, nau hadveenaude hadnesaanunethe, hauwunaunaa henee nesethāhehauau.

39 Nau nuu hāenauwuu, henee hith henane hedauauwuu haenauaugu daun hāauchaunee havedehew neenauusanith, haunauyauhauwaude, nau hanājechuwauthedaunenauhunee hedauauwuu.

40 Nananena hadnaaesaaunaa jea, hanau Heau henane hadnauusade daun hāauchaunee hāejenauanauwau-nā.

41 Peda hanaāanadethaude, Vahadāhene, gauhanadethāa Nananene nuu hee jegausudede wauāthe vahee ?

42 Nau Vahadāde hahagu, Hanaa henee chuvahagu nau hesenaedehuk hadāhevāhe, nananede hadāhewaunādaune, hadnevenaude gauuu vethewau nauauchaunee ?

43 Hauwunaunaa henee nesethāhe, nananenith hadāhewaunādaune hāedasathe hadveehāde hadnaasehāde.

44 Hethauvaa hathāedauwunathana, henee hadnesehāde hadāhewaude vahee hethāenetheyaunau.

45 Hau nau hith henee nesethāhe hesethajauhuk, Nadāhewaunāde jeguthenauusahek ; nau henenese gauhahek henanenau nesethāhehau nau hesānau, nau hevethaha-

gaunee nau hevaveyāhaugaunee, nau henaunauneseava-gaunee ;

46 Hadāhevāhe henee nesethāhe hadnauusanith ha-jesesenenee hāejejauwuwuhauthe, nau, neejaenauau, nau hadgudanāde nau hadjenanaude jethauwaudahe-hau.

47 Nau henee nesethāhe haenauaugu hadāhewaunā-daune hathanavāde, nau jesaanuhuk, daudaus dejeese-daude hathanavāthe hadnenenesegauhude dejauaunee.

48 Hau henee jaenauaugu, nau hesedauhauk nesenene-seguhedaunenee hanājauwaunenesegauhude, hanau daun hauwauhuvanāde nananede hadnauwaunedauwu-nade; nau nananede henane hauwauhauhauthade, nana-nede hadnauwaunedauwunade.

49 Hadjejenanauwau heseda dasee vedauauwuu ; nau hayew navathehāde wauwu gauhauchagu ?

50 Hau nanethenauwau dusaahede hadneedusaahedaunee ; nau hanahauwaudauaunānau haunaude hesedaude-yāgu.

51 Haneejaude hadjenanauau dādaunee vedauauwuu haāthanaveva? hadāedauwunathava, Hegau ; hau wauā-the hanāgauanauwau :

52 Hanau hehethee heee yauthaunenandedauneagu hanesadee hauauwuu hadgauanee, hadnasaunauthee hanesenethe, nau hadnesaunauthee hanāenethe.

53 Henesaunaun hadgauanathee hadnasānauwaude heau, nau heau hadnasānavāde ; hesā hadnasānauwaude hedaunau, nau hedaunau hadnasānavāde, hesā hesave hadnasānauwaude, nau hesave hadnasānavāde.

54 Nau hanaānadedauau jea henanedanede, hāenauhaudauwunā henaunauade jevchauuchaugu hehethee nesenaesade, chauchaunu nananena, Hadnauchuhajau-wausauau ; nau naenesauau.

55 Nau hāenauhaudauwunā jenauhuu hanehedasāe, nananena, hadnasedaa ; nau naenesauau.

56 Nananena nanadaunahena, nananena naenauwuna hedauchaveau haunauau nau vedauauwuu ; hau dusau-dee haejaenauwuna nuu hewaunehaa ?

57 Haa, nau naudu daudause nananena haejaenauwuna hasethadee ?

58 Hāeyehauthānā hasānavādaunenau hauchuwunanenau, nausujavesanagu, nayātheneneevaa hadeenayauhāna ; havaehauthāva najanauchuwunanee, nau najanauchuwunane havavena duguthāhew, nau duguthāhe havathānāva duguthānauauwuu.

59 Hāedauwunathana havajeneenauthauva, haunaude vathaunaudahunagu havāejethāvenau.

NEHEDAUNAU 13.

1 Hena hethaa heee jachau haeauthedaunaa Gananeans, hevaewu Pinade haewauhaunauwuaunenau nedausāyāthee.

2 Nau Hejavaneauthusaun haeauchuhananadethā, Nauchāe nananena henee nuu Gananeans heauhaugaugaunee javaānee vahee Gananeans, hanau daujeneethajauduu hayauhuhau ?

3 Nananenau nāedauwunathana, Hegau : hau, vavade nananena jaugauthethajaunagu, nananena hadnavahethahena gaujauaudahede.

4 Wauāthe hena nasaudauchunee, dasee hayauauwuu jedauwuu Siloam dethauwunauauau, nau haenanaā, gau-gauanadauwuu henee gauhujavaānauhauganenauau vahee henanedanede henee theaugude jedawuu Dādaunedan ?

5 Nananenau nāedauwunathana, Hegau, hau vavade nananena jeneethajauhadede, nananena hadnavahethahena gaujauaudahede.

6 Haeheanade jea nuu dajenehede ; Jasaa henane haenethena hauuyauchunauhaudene haejenana jedauwuu dadajevenevese nethauchayaunaa ; nau haejenauusa nau haenaunaudede vevenaundenau hanāvenee, hau haejeveede.

7 Hanaāenehethaude nesethāhew hedadajevenevese nethauchayaunaa, Naune, nuu hanasāa jajene nananenau hanejaunau daujenaudedenu vevenaundenau nuu

hauuyauchunauhaudee, hau hajeveedenau : dauwauhune ; hadevachunauthauyauau vedauauwuu ?

8 Nau hanaāauchuhanadethāde, Vahadāhene, hauwaa nanehasene nuu heee jaje jea, nadeesenenesede, nau vethe hadjenanauwau.

9 Nau hith hāvāgaune vevenaudenau neee : nauhith jene, hadnaāedauwauhade.

10 Nau haeechauhauthethā jāsaa vevethahenauauwuu vadanesee.

11 Nau, naune hena hesā haujaunehacheaugauwu nasaudauchunee jajenee, nau haevajanā hauānee, nau haeejeneechuwuwauthe nehayau.

12 Nau hāene Hajavaneauthusau nauhauwaude, Haeadetha, nau hanaāāedauwunaude, Hesā, nananene haunaugunane hehethee hadaugauwudaunaa.

13 Nau hanaāēvasanaude : nau chauchaunu hanaāēchuvāde, nau haevaveenethedauna Hejavaneauthu.

14 Nau hauchuwunane vevethahenauauwuu haeauchuhananade nauguu hasenaunaude, hanau henee Hejavaneauthusaun denayauthānith vadanesee, nau haeautheda henanedaa, Hena nanedaudauchāe hese henane heenesethādaunau hanānaneējauna nau hanānaneenayauhana, hau hegau vadanesee.

15 Vahadāde hanaāauchuhananadethaude, nau hathauhuk, Nananene nanadaunāhene, gauhājene dajee hanesahena vadanesee haugunauva hauwaugajevenau wauāthe naugauchaudaheauau hehethee hewauchauhauwauwuu, nau gāyethaājethauva devanauhauna ?

16 Nau gaujenaasaunee naa hesā, hedaunau Ābraham, henee Haujau heduguthaune, naune, nuu nasaudauchunee jajene, hāaugunade hehethee nuu deduguhude vadanesee ?

17 Nau hāenededauau nuu hayauhuhau, vahee hejauthauwau haeaudaudāhenenau : nau vahee henanedanede haeneethaujaudene heee vahee havathee hayauhuhau henee hesethaunau.

18 Hanaāenehede, dusaune henajanede Hejavaneauthau ? nau hayew naudnenehethau ?

19 Waude nejenanenee mausdaude, henane nedanauau, nau neneāgudede hejenayaunaa; nau neveseaudede, nau hāhe haeavadauhaudene; nau neahehauau hejavaa ne-gausee hedānaa.

20 Nau jea hanaānehede, Hayew naudneedajenehethau henajanede Hejavaneauthau?

21 Waude nesaunauchaa henee hesā nedanauau nau nejenanauau nasau dejenauhunee thauauhanau haunau-de devahenesaunadāe.

22 Nau haehedesa hauwauhauauwudane nau hajasedan, dechauhauthethāde, nau haejāda hese Dādaunedan.

23 Hanaānadethāde hanesāhenith, Vahadāhene, gau-jewauthanauau henee henayauhathee? Nau hanaāē-dauwunaude,

24 Neaunedauwauau hadejedāna hadaugaugunesāde dajanau: newauthana, Nananenau dāedauwunathana, hadnenaudedena hadnedaujedāna, hau hadnehauwunee-dauva.

25 Hāene hechauhauthethāhe hauauwuu thauwauthehuk, nau haugauhahagu dajanaune, nau nananena hanā-naāetheauguna jathee, nau hanānaāewaudāhauna dajanau, hanānaāenehethauna, Vahadāhene, Vahadāhene, jegaunanauwunāa, nau hanānaāauchuhanehethāna nau hanānaasenehethāna, Hāhauwaenaunathe daun hadesane:

26 Hanānaāenehethauna, Nevethehenauau nau neva-veyānauau hathaāhene, hau nananene dauthedaunāne-hadaugauchaudee.

27 Hau hadnaasenehede, Hāedauwunathane, Hāhau-waenaunathe daun hadesane; nayāsesave vahee nananena nesethāhehauau wauwauchudaude.

28 Hena hadnevewauhudaunee nau hadnegaugauchau-gudasenana, hāenauhauwaunā Abraham, nau Isaac, nau Jacob, nau vahee haeyāhehauau, Jedauwuu henajanede Hejavaneauthau, hau nananena nehayau neŋuguthadena.

29 Nau hadjenauuchaudenee hehethee nejeethevesesaniith, nau hehethee nesenaesanith, nau hehethe nanavee,

nau hehethee janauhuu, nau hadjanauguduu henajane-
daunene Hejavaneauthu.

30 Nau, naune, hena hedauaude hadnedauvade, nau
hena nanedauvade hadnedauchude.

31 Hajesesenee hena haejenauusa jasaa Nesethajauhu-
hauau, hasenehethāhuk, Nauahe, nau jathāau, hanau
Herod hadnaāne.

32 Nau hanaāēdauwunāthee, Najesaa, nau hadāedau-
wunauva hena vachuhuu, Naune, nenuguthu haujau-
nauau, nau nenayauthānau nuu desenee nau naugaagu,
nau nanaseauwauau hesee hadnaāesedaunau.

33 Hau hadnenesanau nuu desenee, nau naugaagu,
nau jea hathavenaugaagu: hanau hehauwunaasau henee
haeyāhe denaade Dādaunedan.

34 Hau Dādaunedan, Dādaunedan, nanathee nenauau-
thee haeyāhehau, nau nenauchauwahathee hauunaugāe
henee hejejenanauwunaudenenau; dauhudauchu nau-
dnauāchauhaunauau nananena hadāeyaunewauau hauā-
nee waude neauthuneahee dauānaude henesaunau he-
thauvaa hethaenaa, hau hāhauwuvatthehāva.

35 Naune haudauauwunenau, naunaudauwunana had-
nadauyewu: nau hethauwuu nāedauwunathana, Nana-
nena hadnehauwunauhauwuva haunaude nauauchaugu
hadneenehena, Hauwunaunaa henee jaunaude heee he-
neseedaunene Vahadāhenith.

NEHEDAUNAU 14.

1 Nau hethauwuu, daujedāde hedauauwunene hanesā-
henith najane Nesethajauhuhau hadvethee jauaujau va-
danesee, henee haeauauyauhauvaa.

2 Nau, naune, hena jasaa henane hathaāhede haene-
nesaunenauau.

3 Nau Hejavaneauthusau haeauchuhananadetha nana-
vaavehehau nau Nesethajauhuhau, gaujenanavanau he-
nayauthaude vadanesee? hāthauhuk.

4 Nau haedādaunaugunauau. Nau hanaāedanaunith
nau haenayauha, nau haejenana;

5 Nau haeauchuhananadetha, Hanaa hedauneau nau-gauchaudahehau wauāth waugaje janesenayaugaune hadaudaunaudenee, nau gauchauchaunu gauhadnauuguthauva vadanesee ? hathauhuk.

6 Nau haeyauhuune nesenehethauthee jea nuu hayauhuhau.

7 Nau haedadajenehetha henee hathāadethavathee, hāenauhauwaude hasayāchauhauwunethe najatheaugudaunau ; hanaāāedauwunaude,

8 Hāene nananena hadethaunā henanenauau gauwuhaudeneagu, jevajanauguu najatheaugudaunaa ; havajavaānethā henane havajavaāheva henee hadethade ;

9 Nau henee hadethāde nau nananede hadjaude nau hadnethāne, Venene naa henane hadehedaugu ; nau nananene haddayāhene janaugunenagu hesaudavaa.

10 Hau hāene nananene hadethanenagu, haddeyehau nau hadjanaugu hesaudavaa henee hāene hadethāde hadjaude, hadethāne, Va javesa ; hadnaāene nananene vechauthānaune henee hanethevethehevādaunauau.

11 Hanau daun nanajathajaude nehayau hadnausādauaude ; nau henee nausādauauadede nehayau hadnanenede.

12 Hanaāenehethaude jea henee hadethādaune, Hāene nananene gauusevanenagu wauāthe hethunevethehevanenagu, jevaadesene hādaehauhauau, wauāthe hāthesau-nauau, daudause hādaunānauau, wauāthe nethauyādahagu hanedaudewau ; havaadethaa jea, nau havaaunaudaunā.

13 Hau hāene nananene vethehevanenagu, hadadethaunauau hadavenuhuhauau, henesenehehauau, jenee-javesahehauau, nanenauguhuhauau ;

14 Nau nananene hadnauwunaunane ; hanau daujeneaunaudaunānaune : hanau nananene hadnaunaudaunane jaegauhadenagu hathāethadee.

15 Hāene hanesāde henee henethevethehevādaune daunedauwaudauwunith nuu hayauhuhau, Hauwunaunade henee hadvethee jauaujau henajanedanene Hejavaneauthu, hathāhuk.

16 Hanaāēdauwunaude, jasaa henane haeavathethu-nevethheva, nau haeauwauhadethānanena ;

17 Nau haejenana hewauwaune dauethunevethedau-nee hadnāedauwunaunith henee hadethavathe, Jenajesa ; vahee hayauhuhau wauwu hanesejenanee.

18 Nau vahee haenesadene hathauchuwuhadethee hadnudanathee. Nanedauwauaude hasenehethauhuk, Neaudaunaudauwau vedauauwuu, nau hadneyehaunau nau hadnaūhaudauwau : Nehethathane hadnudanene.

19 Nau jasaa ahagu, Neaudaunauthu yauthauyauna hedahuwaugaje, nau hadneyehaunau hadnayāduuhuu : nenehethathane hadnudanene.

20 Nau jasaa hahagu, hedauwunenena, nau naajenee-jaunau.

21 Hanaējenauusade henee wauwau, nau hanaāenau-hauthehaude hadāhewaunādaune nuu hayauhuhau. Wauhā hechauhauthethāhe hauauwuu hanaāasenaunade hanaāēdauwunaude hewauwaune, Yegauhu nauhauhaunee hadaugauchaudāe nau hadaugauchauchanee hedane, nau hadjāthaunauau hede hathāadavenuhunethee, nau henesenehauau, nau jeneejavesahehauau, nau nanauguhuhauau.

22 Nau wauwau hasenehethauhuk, Vahadāhene, naasedaunau hasenehesene nau nausunauthauyauau, hathāhuk.

23 Nau Vahadāhede haeāedauwuna wauwaune, Yehau hathenavaunaa nau nethauchayaunaa nau hadjādasauaunaunauau hadejedēthee, henee naudauauwuu hadechauchaunaa.

24 Hanau nāedauwunathane, henee hegau hena henaunauau neadethathee hadnehauwuvajadauwu nadethu-nevethewau.

25 Nau hena haenethaunau havathenedanede : nau hanaējaaagude, nau hanaāēdauwunaude,

26 Hith daun henane hedaānaugu, hau jasānauwauhuk henesaunaune, nau henaune, nau henene, nau dāeyaunauau, nau henethesaunau, nau hedaāwau, haa nau nehayau hedenaedede jea, nāhauwuneethauguhaa.

27 Nau daun janenevaa henaugauchu, nau thauguhā-naugu, nāhauwuneethauguhaa.

28 Hanaa nananena vanadaunesedede hayauauwun gauhadjejanaugu nedauau hadnayādede hadaachuunee, wauau hanaadauchanenee hesehenee ?

29 Havaene hesejenanauhuk hauunauganau, nau hanājeneesedede, vahee henee hathāenauhaudauau hadnee-vavavayaudenenee.

30 Naa henane nenesedede, hau hajeneesedede, hanā-thāde.

31 Wauāthe daun naja, vadauvauthauhuk jachau najane, hanājanaugude nedauau, nau hanāgaugauana-dauau wauau haneene nauguu vadadauchu vasevadadau-sauau hadnenuchaunau henee hejevenahedaunau nau-guu nesauau vasevadadausauau ?

32 Wauāthe, hajesenausujechaugunethe, hanāyethau-theavede, nau hanānayāthenedauāwaunau.

33 Nau naasauau, daun nananena henee janenaunau-dauau vahee henetheyaunau, nāhauwuneethauguhaa.

34 Nejauauwuu hethadee : hau hith nejauauwuu jevau-juaudāgu, hayew hadneenejauauwujauau ?

35 Daudause hehauwuuthade vedauauwuu, wauāthe hee vehethe ; hau henanenauau hanāneāgudede. Daun henaudaununede heenedauvahek jaathede.

NEHEDAUNAU 15.

1 Hanaāeauchaunāde vahee hauāyāhehau nau wau-wauchudauhuhau hee hadjaathehāde.

2 Nau Nesethajauhuhau nau Wauthaunauhāhehau haeneneedenenau, Naa henane hanesedanaude wauwau-chudauhuhau, nau nanethevethewau, hathāhuk.

3 Nau haeauthaunanadetha, hasenehethauhuk,

4 Hanaa henane nananena hedauneede vadadausauau jauaunawaudā, hith hanauhauhuk hanesahenith, gau-hadnautha theaudausauau nau theaudaachunee nauau-nee, nau gauhadnaudeha henee naunethauaunith gau-haunau hē hadveeha ?

5 Nau hāeveehauthe hadthāegauhaude hejaanaunaa, hadneneethajaude.

6 Nau hāenauajegauhuthe, hadnadethaude hauānee henedaehauhau nau henedaudevādaunau, netheneethajaudauwunee hanau daujaveehauau naudauāve nenaunethauaude, hathauhuk.

7 Nananenau hāedauwunathana, nuu hadnaasauau neethajaude hayāene hāene hanesāde wauwauchuduhu haunaunevethajauhuk javaānee theaudausauau nau theaudauchunee hathauwunane janenethenauau haunevethajaude.

8 Daudause daun hesā nethenauaugu vadadauchu gauneevāejethā, hith hanadehuk hanesadenee gauneee, gauhadjedeauchauau nauauuthayau, nau gauhadwau-deau hauauwuu, nau gauhadvavesenaudene haunaude gauhadveede.

9 Nau daun hāeveenuu hanadethaude henedaehauhau, nau henedaudevādaunau hauānee netheneethajauwuu, hanau daujaevenauwau hanesadee nāanathau, hanāthaude.

10 Naasauau, Nananenau nāedauwunathana, haneduu neethajaude hathāāhethee hautheaunauau Hejavaneauthuu hanesāde wauwauchuduhu haunaunevethajauhuk.

11 Nau hasenehehuk, jasia henane neseyaugaune heauhau :

12 Nau hajauchaugade haenehetha henesaunaune, Nāchau jevene gauuu vatheyauunau henee nāudnedadahe-daunau. Nau hanaāgauuvenaude hethāenetheyaunau.

13 Nau haunauauhaejewauthanenau hese hajauchaugade hāesauānauau vahee hauānee, nauhanaāejathāaude hese vavāaune vedauauwuu, nau hena hanaāevadauthedede hethāenetheyaunau hee hauhaugānenaedede.

14 Nau hāevathedede vahee, hena hanaāenauauchauau naunauthauau hasenaude hena vedauauwuu ; nau hanaāadavenuhunede.

15 Nau hanaāeyehaude nau hanaāewauhaunesade nehayau hauwauhauauwunanenau henee vedauauwuu ;

nau haejenanaa hethauauwuu hadnauchauwaude neauthuwauchu.

16 Nau hanāneanadauau hanāchauchaunaudedede henaude heee jeyauwaunau henee neauthuwauchu hevethe daunenena : hau hegau henanene hevenaa.

17 Nau hāaenaudedede hanaāenehede, Waunauthanethe hedautheaunau nāsaunau nenethenaunau jauaujaunau naenedauchanenee nau nejeesesanenee, hau hadnena daugauyānau ?

18 Hadgauhānau nau hadeyehaunau nāsaunau, nau hadnaasenehethauau, Nāchau, nananenau nanethenauwau wauchudaude hesee hayāene, nau yesee nananene,

19 Nau nananenau hegau heee hāhauwauthēāve : jene-sehe waude haudautheaunauau.

20 Nau hanaāegauhāde, nau hanaāedauchaude henesaunaune. Hau hajesejedauchaude, henesaunaune hae nauhauvaa, nau haeauwunaunaa, nau haeyeseneegau, nau haecanaethesaunaunagutha, nau haenedana.

21 Nau heau hathāhuk, Nāchau, nananenau nanethenauwau wauchudaude yesee hayāene, nau nananene, nau nananenau hegau hāhauwautheneēāve.

22 Hau henesaunaune hathauyaugaune hedautheauenene, Jādee chaunauguuthadee hu, nau hauyauunaa ; nau thānauwunaa nechaunathathau hejadena, nau jedauaunena :

23 Nau hadjāthauva hede daun gauchujāde wauuu, nau hadnauauva ; nau hadvethenauau, nau hadeaunauwuthajaunauau :

24 Hanau naa nāa nenajaa, nau jaenaededede ; nenauthauwaude, nau jaeveenade ; nau hanaāejasesaunauwuthajauthee :

25 Wauhā vanachauganith heau haenedaune nauau : nau daunausujaude nau hāayānauusade hedauauwunenau, haenedauwaude haenevaudenene nau haevadaudenene.

26 Nau haeadetha hanesānith haunauaheau, nau hae-naudedana dusedaudene hathauhuk.

27 Nau haeāedauwunaa, Nananene hahavaa nauusade ;

nau nananene hāsaunau naunauaude gauchujānith wauuau, hanau daujaesedanaude nanethauaunee.

28 Nau haeasenauna, nau haejedā : hanaāejenaunahenith henesaunaune, nau haedadadasevaa.

29 Nau haeauchuhananadetha henesaunaune, Naune, nuu hawauthāe jajenee hānesedaunathadenau, daudause hāhauwujethau waudaunathe hanāene hanathauchuwuhunaune: hau haunauau nananene hāhauwuthauuvene haudāsau, henee hanānesedenau haunauwuthajaude nauguu nādaehauhauau :

30 Hau chauchaunu hasenauusade naa hāa, hāgaujauauthedaunādaunau hāheenaededaunau hee henesahehau hesānau, nananene hanadaunaude gauchujānith wauuau.

31 Nau hanaāēdauwunaude, nā, nananene nanethenaedevēne, nau vahee henee nāthāenetheyaunau nanehanāhene.

32 Dauudasadee henee haneeneseehee haunauwuthajaude, nau hadneethajaunee : hee naa hahavaa denajaa, nau jaenaedede ; nau denaunethauaude, nau jaeveenade.

NEHEDAUNAU 16.

1 Nau hanaāēdauwunaude jea hethauguhādaunau, hena jasaa haenethauyādā henane, haenethena hadāhevahew ; nau haenanene haeauthauwuvaa henee daunethauyādauchude hevathayaunau.

2 Nau haeadetha, nau hanaāēnaudededaunaude, Duthanee henee daunedaunathane nananene ? nayāde hādāhevadenau hanau nananene hadnehauwuguthadāheva.

3 Hadāhevāhe, Hewauau hauaudnesedaunaune ? hase-thaujauhuk, hanau navahadāhewaunāde haedanauwunānau nadadāhewau : hajeneenauchauhānau ; thaununedauwauhunenau.

4 Haenauwau hadnesedaunau, henee hāenudanānaune hadāhewaude hadjedanethee hedauauwunenau.

5 Hanaāadethaude haunauude hadāhewaunādaune hethāesayānedanauwunādaunene, nau hanaāēdauwu-

naude nanedauwauaunith, Dauhudauchanau hasayānedanauwunaudenau nananene nadāhewaunāde ?

6 Nau hāheyaugaune vadadausauau dejenauhuu javeda. Nau hanaāāedauwunaude Hedanau hauwauthau nauha, nau janaugu nauhauhaunee, nau hadwauthaunau yauthauyauau.

7 Hanaāāedauwunaude jachau, nau dauhudauchanau hasayānedayaunau nananene? Nau hanaāāedauwunaude, Vadadausauau dejenauhunee thauauhanewauchunau. Nau hanaāāedauwunaude, Hedanau hauwauthaunauha, nau hadwauthaunau nasaudausauau.

8 Nau vahadāde haevaveenethedauna janechuvāhenith hadāhevahew, hanau dauhaenauau hasedaude: hanau dāeyaunauauau nuu hathāauauvaa hedenaededaunenau hāenuu javaānee hesenedāeyaunauauau.

9 Nau nananenau hāedauwunathana nesedee nehayau henedaehāvadede hee nethauyādahede hehauwuthade ; henee hāejenenaedenā hadeesedanāna nedaujethaujeneaededeaunenee.

10 Henane henee chaunuvāde hee haugajuhuyāgu hanechuvāde jea vasee : nau henane henee janechuvāde vanehaa hehauwuuchuvā jea vanasaunee.

11 Hith naaheene nananena jechuvahena hāhauwuthaheva nethauyādahede hanaa hadvenāde nananene hadanethaude hethauwuu veaunauaude ?

12 Nau hith nananena hejechuvahenagu hee henehanahede jasaa henane hanaa hadvenāde nananena henee hanehanahede.

13 Hegau nesethāhe hehauwuneeenesedauna hanese nethe hechauhauthethāhehau : jachau hanāasānauwau de hanesāhenith, nau hanāvechauthaude jachau ; wauāthe hanādudevede hanesānith, nau hanāthauchaunauhauwaude jachau. Nananena hāhauwuneeenesedaunauva Hejavaneauthau nau nethauyādahehehauau.

14 Nau Nesethajauhuhauau jea, haevenauwu vāejethā, haenedauwaudauwu vahee nuu hayauhuhau : nau haeauchaudanavanauau.

15 Nau hanaāāedauwunaude nananena nethadee hase-

hadenā hathaāhethee henanenauau ; hau Hejavaneauthau naenauau hadahenau : hanau henee nechauguanavade-thee henanedaā newauchanavathee hathaāhenethe Hejavaneauthu.

16 Nanavaavedaunau nau haeyāhehauau haunaude nauuu Jaun : heee hena henajane de Hejavaneauthau deheauthedaunee, nau haunauude henanenauau neheenethenadethee.

17 Nau hehauwunauthau hejavaa nau vedauauwuu heyauhuāgaune javaānee hauesadee haugajuhuu nana-vaavede hadneeyauhuu.

18 Daun hausānaude henene, nau heneyaugu gauchuhunee, wauchudaudehaugauthenenede : nau daun hausāyaune nanewaude wauchudaude.

19 Hena jasaa nethauyāsenane, haeneenu haevejayauenau nau haegaugunesaunenau, nau haeneechauna hadaachusenede :

20 Nau hena jasaa nedauwuhu Lazarus haseagu, haesaese hedajanaunau haevahaseva,

21 Haevadaugaudaude heee jeyauwaunau nejanesanene hehethee nethauyāsenanene hevethedeaunene : jea hathave haedasaa nau haenenesaudauwu hedase-waunau.

22 Nau hethauwuu, henee nedauwuhu haenaja, nau haenauaunechauhaa hautheaunau yesee Abraham haenedauguva : nethauyāsenane jea haenaje, nau haejenau ;

23 Nau hadauveeyaunee haejenāauguau, haeaudauwuthajau, nau haenauhauva Abraham vavāaune, nau Lazarus haenedauguvane.

24 Nau haeneduva nau hathauhuk, Nāchau Abraham, jeauwunaune, nau jeautheavene Lazarus, henee hadejgunauhade naunauchuu hejadenaa najee, nau hadedauyauvanauau nāthaune ; hanau nananenau hanavachunau nuu heseda.

25 Hau Abraham hahagu, Nā, hāenau henee nananene deenaedene neesedanauwu neethadee hayauhuhau, nau neesaunee Lazarus neewausaunee hayauhuhau, hau he-

waunehaa hauwauthenaedede, hau nananene naunau-
chauthenaedene.

26 Nau jea vahee nuu, nahethāe nananee nau nana-
nene haneduu vanasauau vanethaunauau janenanee :
hadnejeneehedechaudenee hehethee hede hesee nananene
hehauwuneau ; daudause hehauwuneejeauchusanauau
hadaunee, henee nevadaujauthee hehethee hethaa.

27 Hanaāenehethaude, Vanevethedaunathane hena
heee, Nāchau, henee nananene hadejejenanaude nāsau-
nau hedauauwuu :

28 Hanau yaunauthaunethee nauhauwauauau henee
hadeāedauwunaude, jea havajaunenau nuu haduu nau-
nauchauthauau.

29 Abraham hanaāāedauwunaude nanethenauthee
Mosaseau nau haeyāhehau ; jaatheaunauha.

30 Nau, hegau, nāchau Abraham : hau hith hanesāde
jaeyehauhuk hehethee degaujauaudāde, haunaunaune-
vethajauthee, hathāhuk.

31 Nau hanaāāedauwunāde, Hith jenedaunauhaugau-
nee Mosaseau nau haeyāhehau, daudause hāhauwunee-
nadauwaunauau, daudause hanesāhenethe jaegauhāyau-
gaune hehethee degaujauaudāhenith.

NEHEDAUNAU 17.

1 Hanaāāedauwunaude hethauguhādaunau, Hāhau-
wuneene hau henee dauusenadenau hadnauauchuu : hau
naunauthauau hadnauauchaudaude daunjaunaude.

2 Hanāneene henee thauayānauunaugane henauānau-
yangu, nau seāguthadagu hadaje, hauhanāheejegaudau-
vāhenethe henee haneedausenanethe jachau nuu haja-
sedāeyaunauau.

3 Haunauyauhaudauwauau nehayau nananena : Hith
hahavaenau havawauchuhāva, hadanadethauva ; nau
hith haunaunevethajauhuk, hadjaegudanauwunauva.

4 Nau hith wauwauchuhānagu nesaudauchu hajesese-
nenee, nau nesaudauchu hajesesenee naujaeyethaagu-
daunānagu, haunaunaunevethajaunau, hethānagu : na-
nanena hadjaegudanauwunauva.

5 Nau vadauhanauau, Vahadāhene, hethedaunanauwunāa hedethauwaudaudenede, hathauhaugaunee.

6 Nau Vahadāhenith hathāhaugaunee, Hith nananena hethauwaudauwunagu hethāee hethāuu mausdaude jena-yaunau, nananena hanāna nuu segaumau hunauhau-dene, Hanāgauchauhana hethājee, nau hanājenanauna hadajee ; nau hanāthauwaudaunāna.

7 Hau hanaa nananena, hanāwauwaunavede hanā-thauauauwujethānith wauāthe hananajauānith, hanā-thauna waunee hāenauusathe hehethēe nauau, Najese nau hadjanaugu nau hadvethe ?

8 Hau hanājenaasenehethauna, Hesetheva nayaude-nee hadnevethēhenau, nau duujehe nehayau, nau hadjee-nechaudaune haunaude hesevethēhenaugu nau hesave-yānaugu ; nau heauhauwune jenaevethēhene nau hade-vaveyā ?

9 Gauhadvaveene henee wauwau hanau dauhunaase-daude henee hanasenehethāthe ? Haunauchāe hegau.

10 Naathahena, hāene nananena vahesedaunagu hena hayauhuhau hathauchuwhana, Hāhauwuneejavaājasethānau wauwaunauau ; vavade nanesedaunauau hadne-sedaunuu, hadeva.

11 Nau hethauwuu, daunausuyehaude Dādaunedan, haechedesa nahethāe Samaria nau Gananee.

12 Nau hāewaudasade jasaa hauauwudan, haenuchau-naa vadadauchu henanenau haenaujaune hedaugauwu-daunenau, haetheaugunenau vavāaune :

13 Nau haeneduvanauau, nau hanaāenehethauthee, Hejavaneauthusau, Hecauhauthethāhe, jeauwunauāa.

14 Nau hāenauhauwaude hanaāēdauwunaude, Wau-nenauhauthēhaa hadanayaunenau vevethahevahehauau. Nau hethauwuu, henee daunausuyehauthee, haejegau-dauvāhenauau.

15 Nau hanesāde, hāenauhauwau henee dauunayau-hade, haejaaagu, nau haevasenehe dauvaveenethedaunaude Hejavaneauthu,

16 Nau haeuāneseve heauthene, haevaveenethedauna : nau haenaadāde Samaritan.

17 Nau Hejavaneauthusaun haeauchuhananadethā, gaujenayauhaunauau vadadauchu? hau daude theaudauchu?

18 Hajenauhauvathee hajejaeyehauthee hadvaveene-thedaunauthee Hejavaneauthu, vavade naa henewau-uhu.

19 Nau haeāedauwuna, Gauhā, najesa : nananene hadethauwaudaude henayauhāne.

20 Nau hāenaudedaudaunāde Nesethajauhuhau, daun henajanedaunene Hejavaneauthu hadneenauauchaunee, Haeāedauwuna, Henajanede Hejavaneauthau hadnehauwunauauchaune nausujauwuwuhadagu :

21 Daudause hehedauneagu, Nauhaudauwuu hede, wauāthe, nauhaudauwuu hena, hanau, naune, henajanedede Hejavaneauthau thanāsadena,

22 Nau hanaāāedauwunaude hethauguhādaunau, Hese hadnauauchu, hāene nananena vadaunauhaudauwunā jasae hese Heau henane, nau hadnehauwunauhaudava.

23 Nau hadnanethāna, Nauhaudau hede ; wauāthe nauhaudau hena ; jevayehauau, wauāthe jevathauguhaa,

24 Waude hasauau jahagude, henee naunauasānauuu hehethēe naugauthanee naugauauwuu hejavaa neenauasādaa jasaa naugauthanee naugauauwuu hejavaa ; hadnaasauau jea Heau henane hadnaasaunee hedeseve.

25 Hau nedauau hadnanasenedauau wauthanee, nau hadnausāguthade nuu henaedede.

26 Nau waudeneesaunee deenaedede Noe, hadnaasaunee jea hedeseve Heau henane.

27 Neauwauthevethehedaune, neauwauthevaveyaudene, neauwauthenenedaunee, neenenehathee, haunaude nauuu henee Noe dejedāde havathee thewaunaa, nau haenaāenanadauwauau, nau haenauauhā vahee.

28 Waudenaasauau jea deenaedede Lot ; neauwauthevethehedaunee, neauwauthevaveyaudene, neauwauthaudaunaudene, neheaudaunaudene hayauhuhau, neauwauthejenayaudene, neauauvadene ;

29 Hau hajesesenenee henee Lot haenaude Sodom

haesedanausaude nau haegauhauchanauauhauunauga-nauau hehethee hejavaa, nau haenauauhā vahee.

30 Hadnaasauau heseē hāene Heau henane hāenau-hauthethāthe.

31 Heneē heseē, hāanedauthe daseē hauauwuu, nau hevatheyaunau jedauwuu hauauwuu, nanehajejeauwu-sade hadejedanauau: nau heneē hanedaude nauau, nane-hajejejaejaude.

32 Dauyuuwuu Lot henene.

33 Daun vanadauunayaude hedenaedede hadnana-dede; nau daun hadnanadede hedenaedede hadnenayau-dede.

34 Nananenau nāedauwunathana, heneē veeyaugu hadnesethee henanenauau hanesadeneē hauau; hanesāde hadnedanade, nau jasaa hadnathauaude,

35 Hanesethee hesānauau hadthauayāthee wauhaunee; hanesāde hadnedanade, nau jasaa hadnathauaude.

36 Hanesethee henanenauau hadnanedauthee nauau; hanesāde hadnedanade nau jasaa hadnathauaude.

37 Nau haeauchuhananadethanauau, Daude, Vahadā-hene? Nau haeāedauwunā haduu vadanayau, hanaa-dauhauāneauhuthee neahehauau hauānee.

NEHEDAUNAU 18.

1 Nau haeanedetha hauthaunauhānee nuu heeē, hena henane hāvachudajāuaunevevetha, nau hājethauujese-venauau;

2 Hahagu haeanedau hedan hauchuwunane, haejesa Hejavaneauthu, daudause hathauwunanenau:

3 Nau haeanedau henevesā hena hedan; nau haejee-dasa, Jeaugaunayewhu naujauthavaa, hathauhuk.

4 Nau haejevadaunaasedau: hau waunee hasethajau-huk, hewauāthe nejechauau Hejavaneauthau, nau hathauwunanenau;

5 Hau nausunee hanau naa henevesā hajanauchuhā-nau, hadenayauhauau havaedajauaunejau navanadau-chuhāa.

6 Nau Vahadāde hasenehehuk, Jaathehaa hasenehede janechuvāhede hauchuwunane.

7 Nau gauhujavaneauthau gauhadnenayauha nehayau hanayāsanaunau, hauwauaudaunādaunau hesee nau dajāee, hau negudauchuhaude ?

8 Nananenau nananena nāedauwunathana henee hadnauchuhanenayauhaude, Hau hāejauthe Heau henane, gauhadveede hethauwaudaude nuu hathāauauvaa.

9 Nau haeauthaunanadetha jachau nethauwaudauna-denethe nehayau henee dauchuvahethee, nau newauchānauwauthee hauthauau :

10 Hanesethee henanenauau haeyehaunauau vevethahenauauwu hadvevethahethee; hanesāde Nesethajuhu, nau jasaa hauāyāhe.

11 Nesethajuhu haetheaugu nau haevevetha waude hee nehayau, Hejavaneauthau, nananenau vaveenethedaunathane, henee nāhauwunaathā hauthauau henanenauau hathahethee, hedanauwuyāhehauau, janechuvahethee, jatheaudauwuyāhehauau, daudause naa hathāde hauāyāhe.

12 Nananenau nenaugauyānau nese hanesadee hauchauvadede, Nevānau vadadauchu vahee henee nāthāenetheyaunau.

13 Nau hauāyāhe haetheaugu vavāaune, daudause haejejenāauguau hejavaa, hau haeanadesejāhede, Hejavaneauthau jeauwunaune wauchudaunau, hathauhuk.

14 Nananenau nāedauwunathana, naa henane haejaeyehau hedauauwu haeauwunaunau haejavaāhe jachau : hanau dathājee hanesāde henee nevadaujavaānajanethee nehayau hadnauwujenanade ; nau henee nenehanethaunadede hadnejanade.

15 Nau haejādaunanauau jea hajasedāeyaunauau, hadnevasanaude ; hau hāenauhaudauwunethe hethauguhādaunau, haeneneuvanauau.

16 Hau Hejavaneauthausau haedetha, nau hahagu, Nanehajauthee hajasedāeyaunauau, nau jevadauduvaa : naathāhenethe henehanahedaunau henajanede Hejavaneauthau.

17 Hethauwuu nāedauwunathana, Daun hadjesedanauu henajanedauene Hejavaneauthu hasenaedenethe hajasedāeyaunauau hadnehauwuneejedā.

18 Nau jachau hauchuwunanene haenaudedauanaa, Hethāhene Hechauhauthethāhe, nauddusedau hadnedanauwau jethauujenenaedede? hathauhuk.

19 Nau Hejavaneauthsaun haeāedauwunaa, Naudu hethāde haesene? henaneda hehauwuthā, vavade hanesāde, nananede, Hejavaneauthau.

20 Nananene haenauwu nanavaavedauana, Jevawau-chudauau hee haugauthenenede, Jevanaa, Jevaaveda, Jevajayaudauwāedauwauthadee, Vechauchune nananene hāsaunau nau hānau.

21 Nau hanaāenehede, Vahee nuu haunaunedenau hee daujeeseaunau.

22 Wauhā Hejavaneauthsau hānedauwaudauau nuu, Hanaāedauwunaude, Hanesadee hāhauwusenethe: Vaheaudauna henee hāthāenetheyaunau, nau hadjanauwunaunauau hadavenuhuhauau, nau nānanene hadnethenauwu haenathau hejavaa, nau hadejau hadjethaugu.

23 Nau hānedauwaudauau nuu, haeaudauwuthajau: hanau deethauwunethauyā dāde.

24 Nau Hejavaneauthausaun hāenauhaudauwunith henee dauaudauwuthajaude, Duthāenanauthaune henee nanethenuu veaunauaude hadnesejedāthee henajanedauene Hejavaneauthu, hathauhuk.

25 Hanau hehauwujajathaune hee camel hehedesahagaunee hajasevāhau nedaudaunaudenee, javaāneenauthaunee nethauyāsenane hadnesejedāde henajanedauene Hejavaneauthu.

26 Nau hathāenedauwauduu, Hanaa hadnenanedane-de? hahagaunee.

27 Nau hanaāenehenith, hayauhuhau hejethauunee-thaunenau henanenauau neneedede Hejavaneauthau.

28 Hanaāenehede Peda, Naune, naunaudauwunauau vahee, nau thaunauguhane.

29 Nau haeāedauwuna, Hethauwuu nāedauwunatha-

na, hena haunauude henane henee hehauwunaude he-
dauauwuu, wauāthe henehā, wauāthe henauhauwauau,
wauāthe henene wauāthe henesaunau, heee henajane-
daunene Hejavaneauthu hedenaededaunene,

30 Nananede hadjavaānesedanauau nuu hewaunehaa,
nau hathāauauvaa hadnauusanauau henaedede hadne-
jethauuvadauauau.

31 Hanaāedanaude nesenee, nau hanaāāedauwunaude,
Naune, hadneyehaunauau Dādaunedan, nau vahee ha-
yauhuhau hathāewauthaunauhuu haeyāhehauau heee
Heau henane hethauwunauauchauau.

32 Hanau hadvenavathe Neauthu, nau hadvavavanau-
chuhāde, nau hadnaunaunauchaudauchuhāde, nau ha-
dneguthahayauthāde.

33 Nau hadnenesegauhude, nau hadnaāde: nau nasese
hadnaāejaegauhāde.

34 Nau haejaenauwu nuu: nau nuu hauthedau hae-
yauadaunaunauau, daudause haejaenauwu hathauthedau-
nāthee.

35 Nau hethauwuu, hāayāedadauau Jericho, jasaa
haenanenaugu henane haetheaugu nedechaudenenee
dauhunedauwaude:

36 Nau haenedauwaude henanedanede dadavechaude-
nenee, haenaudedauva haesedaudenenee.

37 Nau haeāedauwunau, henee Jesus Nazareth hane-
hedesade.

38 Nau hanaāevasanadede, Hejavaneauthusau, nana-
nene Heau David, jeauwunaune, hathauhuk.

39 Nau henee nandedauvathee haeneneuvanauau had-
dādaunaugunith: hau haevasanade haugauthe, Nana-
nene Heau David, jeauwunaune.

40 Nau Hejavaneauthusau haedauusa, nau haeauthe-
ave hadjādaunade: nau hāayājenauusanith, haenaude-
dauna,

41 Hauddusehathe henee hadenaasehathane? hathau-
huk. Nau hanaāāedauwunaude, Vahadāhene, nanaa
hadeesedanauwau nauhaudauwaude.

42 Nau Hejavaneauthusau haenehetha, hanesedanau-

wu nananene nauhaudauwaude : hadethauwaudaude henayauhāne.

43 Nau chauchaunu haeesedane henauhaudauwaude, nau haethauguha, haevaveenethedauna Hejavaneauthu : nau vahee henanedanede, hāenauhauduu, haevaveenethedaunanauau Hejavaneauthu.

NEHEDAUNAU 19.

1 Nau Hejavaneauthusau haewaudasa nau haechaugusa Jericho.

2 Nau, naune, haenedau henane Zacchaeus haseagu, haenajawauna hauāyāhehau, nau haeveaunauau.

3 Nau haeneenavadaunauhauva Hejavaneauthusaun haedāhenethe ; nau haejeneene daunauthethenadedaneene, hee daujaahede.

4 Nau haesayāgau, nau haenauahu sycomore hunauhaudee hadnauhauwaude : hanau hadnehedesanith.

5 Nau Hejavaneauthusau hāejeedadauau, haejaāne, nau haenauhauva, nau hathauhuk, Zacchaeus, nauhauhuhu, nau jeauwusa, hanau nuu desenee hadnanedaunau haudauuwuu.

6 Nau haenauhuhu, nau haejeauwusa, nau haedasa nauuu neethajaude.

7 Nau hāenauhauvāhede, vahee haeneānaune, Henee hadneejādavenethe henanene henee wauwauchudauhu, hathāhuk.

8 Nau Zacchaeus haetheaugu, nau haeāedauwuna Vahadāhenith ; Naune, Vahadāhene, vayaugauuu naudau-nunaunau vanenu hadavenuhuhauau ; nau hith hedana-vanaugu hayewhu behethee daun henane hanājayaudauvāedauwauthauau, hanājavaāvenauau yāyaunanee.

9 Nau Hejavaneauthusaun haeāedauwunaa, Nuu desenee henayauthāhe hedadauau nuu hauauwuu, hanau nechau haneāvāde Abrahamvene.

10 Hanau Heau henane nauusade hadnaudethāde nau hadnenayauhaude daun naunethauaunith.

11 Nau hajesenedauwauduu nuu hayauhuhau, hae-

thedaunane nau haecauthaunauhānanadetha, hanau dauhuauchauau wauwu Dādaunedan, nau hanau daunauanadu henee henajanedaunene Hejavaneauthu chauchaunu wauauhaadenauhauwu.

12 Hanaānehede henaheee, Jasaa naja haeehau vavāaune vedauauwuu hadnesedanauau heee nehayau najanede, nau hadjaejaude.

13 Nau haedetha vadadauchu hewauwaunauwau, nau haejaanauwuna vadadausauna vāejethā, nau haeēedauwuna, Hadeaudaunava haunaude jaenauusanaugu.

14 Hau hauauwunanenau haecāsānavaa, nau haeyethautheavedaunene thauguu, Nāhauwuvadaunethenauvana henane nāhauwuvadaunajawaunāva, hathāhuk.

15 Nau hethauwuu, henee hāejaenauusade, haeesedane najanede, hanaāauchuwuhaude nuu wauwaunau hadnadethaude, hevenaunau vāejethā, henee hadnaenauau haedauchu dathājee henane haedauchujavājasedethe heee hedaudaunaunau.

16 Hanaāejenauusade nandedauvade, Vahadāhene, havāejethāwau javāājasedede vadadausauna vāejethā, hathāhuk.

17 Nau hanaāēdauwunaude, Hethadee, nananene hethāhene wauwau; hanau nananene nethauwaudauwu heee naugajuhuhuu hadnajawaudauwu vadadausauna hedan.

18 Nau naneseauwaude haejenauusa, Vahadāhene, havāejethāwau javāājasedethee yauthauyauna vāejethā, hathāhuk.

19 Nau vavade hanaasenehethaude, Hadnehanāhene yauthauyauna hedan jea.

20 Nau jasaa haejenauusa, Vahadāhene, Naune, heyew nau havāejethāwau, neaunaunedenau nejenanauwau hāheāhaunaa, hathāhuk :

21 Heee dauhusathane, hanau nananene daugaugau nauauwunanenene: nananene hedanau henee hājejenayaunau, nau hadegauuchu henee hājejenayaunau.

22 Nau haeēdauwuna, hehethee nehayau hadenaa hadauchuwhāthane, nananene hauhauganene wauwau.

Haenauwu henee daugaugaunauauwunanenenau, heda-
nauwau henee nājejenayaunau, nau hadgauuchauwau
henee nājejenayaunau:

23 Naudu gauhājevā navāejethāwau nedauhaenae-
vāejethā, henee hāejaenausanaune hadeesedanauwau
nehayau javaānee?

24 Nau haeāedauwuna henee daunauthetheaugunethe,
Hedanauwunaa vāejethā, nau hadevenau henee vada-
dauchuvāejethāvade.

25 (Nau hathāhuk, Vahadāhene, nanethenauau vada-
dauchuvāejethā.)

26 Hanau hāedauwunathane, Henee dathājee hanesāde
nanethenauau hadnevenade; nau henee janejasedede,
daudause henee henethayaunau hadnedanauwunade.

27 Hau hena naujauthauwauau, henee najevadauna-
jawaunaunauau, hadjāthauva hede, nau hadnaunauauva
hathaājenau.

28 Nau hāesanāsenehede nuu, haenedauva, haenauau-
huyehaunauau Dādaunedan.

29 Nau hethauwu, hāayānauusade Bethphage nau
Bethany, haa Olives haseāgu, Haesayānautheava hane-
senethe hethauguhādaunau.

30 Najesaa nananena hesee hajasee hauauwudan ha-
thaāsana, hathauhuk; nanaa waudasanagu hadveehauna
dātheveehauchavesau hadduguhude, hehauwuthauune
henane dachaugu: hadaugunauva, nau hadjāchaudau-
neva hede, hathauhuk.

31 Nau hith daun henane naudedauunānagu, Naudu
hauaugunauna hethānagu? hesau jenaasenehethauna,
hanau Vahadāde haddaununaude.

32 Nau henee hautheavathee hanaāejathāauthee, nau
haeveehanauau neesenehethaude.

33 Nau daunsausunaugunauthee dātheveehauchave-
saune, hedaunenith, Naudu haaugunauna dātheveehau-
chavesau? hathāhaugaunee,

34 Nau hanaāāedauwunauthee, Vahadāde haddaunu-
naude.

35 Nau haenauchaudaunanauau Hejavaneauthusaun:

nau haedadasanauwunanauau hedāchaunenau dasee dā-theveehauchavesaun, nau haeaugaugunaunanauau Hejavaneauthusaun dasee.

36 Nau daunsausuyehaude, haesasaanauwu hedāchauenau vaunaa.

37 Nau hāayānauusade, wauwu haeauwusa hauanee Olives, haunauude hadauchude hethauguhādaunau hanaāunauwuthajauthee nau haevaveenethedaunanauau Hejavaneauthu nauuu haevasānadedaune heee vahee hathāenauthaunee henesethaunene henee henauhauthaunenau;

38 Haunauwuthajauau Naja henee jaunaude hanene-seede Vahadāhenith: danādauyauau hejavaa, nau vaveenethedauwu javaājauudaa, hāheagu.

39 Nau hauthauau Nesethajauhuhau hehethee henedaa, Hechauhauthethāhe, neuwune hāthauguhādaunau, hathāhuk.

40 Nau haeauchuhanāedauwuna nau hasenehethauhuk, Nananenau nāedauwunathana henee, hith nuu dā-daunaugagaunee, hauunauganauau chauchaunu hadneduhuthee.

41 Hau hāayānauusade, hāenauhaudauau hedan, nau haeviewau,

42 Hanaāenehede, hith heaenauwunagu, ha nananene, ha nuu hadeseve, hayauhuhau naathuu hadādaunahe-daunaa, hau hewaunehaa yaunaudaunane hasesāe.

43 Hanau hese hadnedasāna henee haujauthauwauau hadnesedethee havathegauuha heee nananene, nau hadnechauchuaunāna nauanee, nau hadnaunaunehāna dau-dauna hehethee,

44 Nau hadnanaunauvaenāna, nau hadāeyaunewauau hanedauchaunawaunauau; nau hadnehauwunaudanauwunā hanesāhenith hauunaugane hanathaunethe; hanau nananene daujaenauwu hāenauujādaunathana.

45 Nau hanaāeyehaude vadanedaunauauwu, nau hanaāenudanaude henee neaudaunanethe jedauwu, nau henee naudaunanethe;

46 Hanaāāedauwunaude, Wauthaunauhuu, Naudauauwuu haneauauwunee hadnevevethahedaunee: hau nana-nena haesedena nedaunaudee heyāenau havedehelhauau.

47 Nau haeautheda hayauwusenenee vadanedaunauwuu. Hau najanauau vevethahevahehauau nau wauthaunauhāhehauau nau najavahehauau henanedanede haeneenanaudehaa hadnaāde,

48 Nau haeyauhuune nesenehāde hanau vahee henanedanede haenāedevenenau dauhujaathehāde.

NEHEDAUNAU 20.

1 Nau hethauwuu, henee jasaa hena hesee, denausunauthedade henanedanede vadanedaunauwuu, nau haeauthedaude waunauyaunee hethadenee, najanauau vevethahevahehauau nau wauthaunauhāhehau haeedasaa nauguu vachaugananenau,

2 Nau hanaāanadethauthee, Jeauthedaunāa, hayew hāenaudahede hāenesedaude nuu hayauhuhau? wauāthe hanaa henee havenāde nuu hāenaudahede?

3 Nau hanaāauchuhananāedauwunaude, Nechau hadnaudedauathana hanesadee hayewhu; nau hadjeāedauwuneva:

4 Heedusaayāde Jaun, gauhuhuthaune hejavaa, wauāthe hehethee henanedaa? hathauhuk.

5 Nau haeeegaugaugauudenauau, hith hesauhesenehethaunauaugu, hehethee hejavaa; hahagaunee, Naudu haejethauwaudaunauna? hanāthānauau.

6 Hau hethaunauaugu, hehethee henanedaa; Vahee henanedanede hanāedaudauauvānauau hauunaugāe, hanau hethauwaenaunauthee henee Jauneau dauhaeyānith.

7 Nau haeāedauwunanauau, daujeneauthedaunauthee daunathaunee.

8 Nau Hejavaneauthusau hanaāāedauwunaude, Dause gauhaudnauthedaunathava daun nāenaudahede nāenesedaude nuu hayauhuhau.

9 Hanaāejasesanadedauau henanedanede hee dajenehede; Jasaa henane haejenane dadajeveneveseuethau-

chayau, nau haeehathauauauwujethāhehau, nau haejathāau heseē vavāaune vedauauwuu haegudaunā.

10 Hāenauauchaunee haeyethautheava wauwaune heseē thauauauwujethāhehau, heneē hadjevenāde vevenaundenau hehethee dadajevenevesenethauchayaunaa : hau haeneneseguhuu, nau haejathethajenāhee jessaa.

11 Nau jea haeyethautheava jachau wauwaune; nau haeneneseguhunauau jea, haedadayānauchuhanauau, nau haejathethajenāhee jessaa.

12 Nau jea haeyethautheave nanaseauwaunee: nau haenasenehanauau jea, nau haenuguthanauau.

13 Hanaāenehede hadāhevāhe dadajevenevesaa, Hewauaujeesedaunaune? Hadautheawauau navechauthau nāa: Nauchāe hadeneehauthee hāenauhauwaunauthe.

14 Hau thauauauwujethāhehauau hāenauhauwauthee, haegaugaugauundenauau, Naa nananede hadvanehanāde: nahājauau hadenauaune, heneē headevanehanahedaunau hadenehanahenauau.

15 Hanaāenuguthauthee dadajevenevesenethauchayaunaa, nau haenaanauau. Haudneduseha hadāhevāhe dadajevenevesenethauchayaunaa ?

16 Hadejaude nau hadnauauhaude nuu thauauauwujethāhehau, nau hadgauchuhuvāde dadajevenevesenethauchayau, hathauhuk, Nau hāenedauwauduu, hadnehauwunaasau, hahagaunee.

17 Nau haenāuhauva, nau hanaāāedauwunaude, Dusau nuu heneē wauthaunauhuu, Hauunauganau hauavābehauau hausāguthaunenau, hanānanenith hāhe hanadāde nedautheaunee ?

18 Daun janeseē daseē nuu hauunaugane hadthauusee, hau dasejaneseagu hanānauchauwuthaathāaunaude.

19 Nau najanauau vevethahehehauau nau wauthauhāhehauau chauchaunu haegaugauanavanauau hadnesedanauthee; nau haedauwu henanedanede heeē dauhāenuu heneē dauhuanadede nuu dajenehede heeē.

20 Nau haeauauyauhauvanauau, nau haeautheavanauau haunauyauhauthāhehau, hadnanadaunethānethe hadchuvāhevathe henanenau, heneē hadnesedanauwu-

nethe hedanadedau nau, henee hadenauuchaudaunauthee hejadenenau nau naunaudāhenethe hauchuwunane.

21 Nau haenaunaudedau nau, Hechauhauthethāhe, haenaunee henee hasenehenaune nau nethauwuchauhauthethāne, daudause hāhauwujāvedaugauhauwaunau au henanedanau au hegau, hau hanechauhauthethāne hesee Hejavaneauthuu hethauwuu :

22 Gaunaasau au heee nananee hadnevenade hauāyau nau Caesar, gauwauāthe hegau ?

23 Hau haeenauwu henadaunedaunenau, nau hanaāēdauwunaude, Naudu haevadauvasehena ?

24 Jenauhauthehee vāejethāe. Hanaa hewauthaunenaunaudene, nau hanaa hewauthaunauhanede ? Haeauchuhanāedauwunau, Caesar.

25 Nau hanaāēdauwunaude, Jauaunaudaunaa heee Caesar hayauhuhau henetheyaunau Caesar, nau Hejavaneauthau hayauhuhau henetheyaunau Hejavaneauthau.

26 Nau haejeneesedanauwu hedanadedaunene hathaājedaunenee henanedanede : nau haegaugauanadauwu hedauchuhanehedaunene, nau hanaāēdādaunauguthee.

27 Hanaāējeedauchauthee jasae Sadducees, hayāthajauhuhau henee hadjejaegauhadenenee : nau haenaude daunanau au,

28 Hechauhauthethāhe, Moses hathauthaunauwunā nau au, Hith daun henane henauhauwau au gaujauaudāheyau gaune, heneneyau gaune, nau gaujauaudāheyau gaune jedāeyauneveyau gaune, henee henauhauwau au hanādanaude henenene, nau hanānesaunede heee henauhauwau au, hathauhaugaunee.

29 Hena heee haenesaudauchunau au henahavaevadehehau au : nau jasaa nedau au haenenene, nau haenaja haejedāeyauneve.

30 Nau naneseauwaude haeneva, nau haenaja haejedāeyauneve.

31 Nau naneseauwaude haeneva ; nau vavade hanaase-

ne nanesaudauchauwaude jea, nau haejenauthanauau dāeyaunauau, nau haegaujauaudāhenauau.

32 Waunee vahee hesā haegaujauaudā jea.

33 Henaheee jaegauhadeneyāgu hanaane hadnevādaune ? heee hanesaudauchunethe daunevāde.

34 Nau Hejavaneathusau haeauchuhanāedauwuna, dāeyaunauauau nuu hathāauauvaa nenevadedadaunee, nau nenenehaudenee :

35 Hau daun naunauguathee hadnenaededuu hena henaedede, nau jaegauhadenēagu hehethee gaujauaudahede, hadnehauwunevadedadaune, hegau hadnenenehadedaune :

36 Daudause hadnehauwauthenajadene : hadnaathahe-daunee hautheaunauau ; nau hadnenesaunevāthee Hejavaneauthu, naathedāeyaunenedaunee jaegauhade.

37 Wauhā henee gaujauaudahehehauau hadjaegauhāthee, Moses denauhauthehade jauauadee, deadethāde Vahadāhenith Hejavaneauthu Abraham, nau Hejavaneauthu Isaac, nau Hejavaneauthu Jacob.

38 Hehauwuujavaneauthune heyauhaudade, hau henaedede : hanau vahee haneenaededaunenee .

39 Hanaāene jasaa wauthaunauhāhe haeauchuhananadetha, Hechauhauthethāhe. Nananene hethade hasenehene.

40 Nau heee haejauthenaudedadaunanauau.

41 Nau hanaāēdauwunaude, Naudu haena hanee Chris Dāvid dauhuāwaude ?

42 Nau Dāvid nehayau hasenehede wauthaunauhanaa Psalms, Vahadāde hasenehethaude Navahadāhewaundādaune, Hadjējanaugudaune hejavesanee,

43 Haunaude nadeesehaunauau haujauthauwauau hadnedaugāaugunene.

44 Dāvid henaheee haeehenesea Vahadāhenith, dusee heau ?

45 Nau vahee henanedanede haenedaunau hanaāēdauwunaude hethauguhādaunau,

46 Waudauau wauthaunauhāhehauau, neneanaduu javesanee sauauausāchaude, nau vechauduu jachautha-

dede nedauaudaunauvadedaunenee, nau najatheaugudaunau vevethahenauauwuu, nau najanau nedaugunethe vanethehedaunenee;

47 Naudauvāe henevesānau hedauauwunene, nau hanau denauhauthethāthee deguthevevethahethee: hadnathethe hanesedanuu vanasaunee gudanadede.

NEHEDAUNAU 21.

1 Nau haejaāne, nau haenauhauvā nethauyāsenanene haejenanauwu hevaudenena haenathaunaa.

2 Nau haenauhauva jea jachau hadavenuhu henevesāne haethāgudene hanesāenee nevaāhenee vāejethāau.

3 Nau hanaānehede, hethauwuu nananena nāedauwunathana henee naa hadavenuhunede henevesā javaājenanauau vahee;

4 Hanau vahee nuu nanethauyādahethee dejenanuu dejenanauwunauthee Hejavaneathu: hau hadavenuhunede hajenanauau vahee heenaededaunau hathāenethenauau.

5 Nau haehegaugaugauudenauau vadannauauwuu, haseenehenee nauguu hethāhenethe hauunauganau nau hausāyaunau, hanaānehede,

6 Nuu hayauhuhau hānauhauthaunena, hesee hadnauaichuu, hadnehauwunathauau hanesāde hauunaugahanathaugude hadvajanesee.

7 Nau hanaānauvedaunauthee, Hechauhauthethāhe, hau hadduunaasau nuu? nau hayew hadnauhauwuu hadnesauau hāene nuu hayauhuhau hadneenauaichuu? hathauhaugaunee.

8 Nau hanaānehede, haunauyauhaudauwauau henee nananena hadejenanedaunehana: hanau hadnewauthethee hadjauthee Nancseedaunaa, Hanejavaneauthusenena, hadnethee; nau hayānauaichauau: jevathauguhaa.

9 Hau hāenedauwaudauwunā vauthadede nau jaja-yauthadede, jeva nathajauau, hanau nuu hayauhuhau hadnedauunauchuu; hau hadneevadauauau hadguthauau.

10 Hanaāāedauwunaude, jajaesenanedanedede hadnevauthadee jajaesenanedaa, nau najanedede hadnevaudauau najanedede:

11 Nau hadnavathethauthauwunauauau vedauauawuu, nau hasenaude, nau havathaugauwude, nau naunaunau-chaudauhauthaude nau hadvasauau naunauhauwuu hadnauauchauau hehethee hejavaa.

12 Hāu hadnejesejenauauchuu vahee nuu, hadneda-nāna, nau hadnaunaunauchauthehāna, nau hadnevau-denee nananena hauāchaude, nau duguhunauauwuu, nau hadnenauuchauhana hathaājethee nenauchuwuthee nau hauchuwunanenauau hanau Naneseede heee.

13 Nau hadnaasejenanauwunana heee haenathau.

14 Hāenauwuu heehena nananena hadahenauau, jevagaugauuthajauau nedauau daun hadnesenehena:

15 Hanau hadvenathana vade nau haeyaude, vahee hasānavādaunenau hadnehauwuneayādaunāva hegau hayethaagudaunādaunenau.

16 Nau nananena hadnavethevāthee nesauuu hanehā-nenau, nau hāthesaunenau, nau hādauānenau, nau hādaehahenau; nau jasae nanaena hadneenaana.

17 Nau hadneevahasānavāhena vahee henanedaa hanau naneseede heee.

18 Hāu hegau hāthaanenau haudauguhuanenauau hadnehauwugaujauaudāhenaunau.

19 Hanāedevedaunenau hadnaunaunehaudde havada-thuwunau.

20 Nau hāenauhaudauwunā Dādaunedan hadnechauhauunāna vanenanenauau, nanehāaenauwuna henee nauauhadede wawuu hadneaudaa,

21 Nanehadaugauhuthee hesee hauanee hathāanedau-thee Judaea; nau henee hathāanedauthee nahethāe nanehanauahethee; nau jevajejedānauha henee hathāanedau-thee gauchuhunee vedauauwuu.

22 Hanau nuu hesee hadneauthedaudenee heneē vahee hayauhuhau hathāewauthaunauhuu hadnethauwunaa-sauau.

23 Hāu naunauthaunee hadnethauauvāhethee hathāe-

nesaunethee, nau hathāeneauauhuthee hena heseē, hanau hena hadnavathasenaudeneē vedauauwuu, nau hase-naunaudaunāhenauau nuu henanedanede.

24 Nau hadneaunathāhethee gaugauthau, nau hadne-jathechauhāthee hadwauwaunenethee vahee jajaesenanedanede: nau Dādaunedan hadnauguhethee Neauthu, haunaude Neauthu nauauchaudauhaugaanee.

25 Nau hadnauhauthaunee heseē, nau vegusesee, nau hauthuu; nau nanadeē hathāauauvaa hadnaunauādaugauhudaunee jajaesenanedanede, hadnehauwaenauwu; hadaje nau hadnaunaudānaunee;

26 Henanenauau hedahenau hadnadenāthajaunee, nau hanau naunauyauhauduu hena hayauhuhau hadnauau-chaunee daseē hathāauauvaa, hanau hathāenauthauau hejavaa hadnauauwunauauau.

27 Nau hadnaāenauhauwauna Heau henane hadne-nausade henaunauade nauuu naunauthaunee nau hadnavathenauasāauau.

28 Nau hāene nuu hayauhuhau hāenauauchuu, nau hadnaāenaunauānena; nau hadnejenāauguauna heeē hadneejaenauthana hadnaāeaudaa.

29 Nau hanaāedadajenehethaude; Nauhauvaa hauu-yauchunauhaudē, nau vahee habaudenauau;

30 Hāeguugauāhenauthe, hadnauhauwauna nau hadnaenauwuna nehayau heneē veja dauhuaudaa.

31 Hadnaasauau nananena hāenauhaudauwunā nuu hayauhuhau hadnethauwunaasauau, hāenauwuu heneē henajanede Hejavaneauthau haneaudanee.

32 Hethauwuu nāedauwunathana, nuu henaedede hadnehauwuvadauau, haunaude vahee hadnethauv-āe.

33 Hejavaa nau vedauauwuu hadneyauhuu; hau Nandanadedaunau hadnehauwuthauuyauhuunau.

34 Nau haunauyauhaudauwauau nehayau, naseduhuu daunāene hadahenau havaehayaundenau heeē haudau-hauganedaunenau, nau havanadenenau, nau haunaunethaunenau nuu henaedede, nau heneē heseē hadgau-duaunāna hau hadnehauwaenava.

35 Hanau waude nauyaudenau hadnauauchauau vahee hathætheaugude dasee hathāauauvaa.

36 Haunauyauhaudauwauau henaheee, nau hevevethahee dajauaunee, henee nananena hadeheenauguna hadegauchuhauwuna vahee nuu hayauhuhau henee hadnauauchuu, nau haddetheauguna hathaāhede Heau henane.

37 Nau hesenee haeechauhauthethā vadanauauwuu; nau hāeveeyaunee haenauā, nau haeadāne hauanee henee neseeyāgu hauanee Olives.

38 Nau vahee henanedanede haejevanauuchaudene naugusāje daunauganenee hadaude vadannauauwuu, hee dauhujaathehāde.

NEHEDAUNAU 22.

1 Wauhā hadneevasevenee janenesaunauchauanauhuu jauaujaunau haeayānauauchau, Hadavechaude neseāgu.

2 Nau najanau vevethahevahehau nau wauthaunauhāhehauau haegaugauanadauwunenau hadnesenaāde; hau haedauwu henanedanede.

3 Hanaājedāde Haujau Judas hejaveede Iscariot, haenethanedau vadadauchunesenee.

4 Nau hanaājethāde, nau haeanaadetha najanau vevethahevahehau nau haunauyauhauthāhehau, hadneseavedaunaauwaude.

5 Nau haeneethajaunauau, nau dechauchuwuhadethee hadvenāde vāejethā.

6 Nau haesayānehetha, nau haeanauyauhaudauwu hadneeneavedaunaauwaude henanedanede.

7 Hanaānauauchauau hesee janenesaunauchauanauhuu jauaujaunau nanaa hadavechauthau hadnāede.

8 Nau hanaāauthewaude Pedaheau nau Jauneau, Najesaa hadesaanudeva hadavechauthadede, hadevethe-nauau, hathāhaugaunee.

9 Nau hanaāēdauwunauthee, Daudu hadauvathehāne hadnedauusaanuu?

10 Nau hanaāēdauwunaude, Naune, hāejedānā he-

dau, hena henane hadnuchaunāna, hadnewauunauau hauānau hadjaāsanenee naje; hadethauguhauva hauauwu hadnedaujedāde.

11 Nau hadethauva henane hedauauwunede, Hechauhauthethāhe nejeethāne, daudu jādanauauwu hadnedauvethenauau hadavechauthadede nauguu nāthauguhādaunauau ?

12 Nau hadnauhauthehāna vanasaunee dachauauwu hadnesewaudeanee: hadnesaanuhuu.

13 Nau hanaāeyehauthēe, nau haevedenauau neethāedauwunaude : nau hanaāesaanudethee hadavechauthadede.

14 Nau hāenauauchaunee, hanaāejanaugude nauguu vadadauchunesenee hevadauhanau.

15 Nau hanaāēdauwunaude, hethauwuvadavethenau nuu hadavechauthadede naugu nananena hajesejasauwauwuthānau :

16 Hanau nāedauwunathana, Nadnehauwauthevethenuu, haunaude hadnauauchauau henajanede Hejavaneauthau.

17 Nau hanaāedanauau vāenau, nau hanaāevāde vaveenede, nau hanaāenehede, Hedanauwu nuu, nau hadjaanauwauva nehayau :

18 Hanau nāedauwunathana, Naudnehauwuvanethededadajevenenaje, hanaude henajanede Hejavaneauthaunauauchauyāgu.

19 Nau hanaāedanauau jauaujau, nau hanaāevāde vaveenede, nau haejeane, nau haevena, Nuu nanaa nadanayau havenadenenau : nuu hadneejenauneethedaunena, hathauhuk.

20 Naasauau jea vāenau hāesethunevethedeaunee, Nuu vāenau waunauyauau hesānaavede Navaevaa, hanaunaunawunana, hathauhuk.

21 Hau nauhauvaa, hejadena henee haneavedaudaunade nananenauau nandedauguvānauau vethedeaunaa.

22 Nau hethauwu Heau henane hadjathāaude, neesedaunade: hau naunauthaunee henee henane haneavedaunaundenenee.

23 Nau hanaāenaunaudedauwunadehee nehayau, hanaadee hadnesedaude nuu.

24 Nau hena jea haeneenayaundenauau, hanaadee hadjavaāvasāthaa.

25 Nau hanaāēdauwunaude, Nenauchuwuthee Neauthuu haevahadahethedauwu; nau henee nanethenuu naudahede nanadee hesenaedehehauau neseadagaunee.

26 Hau jevanaathāhee: hau henee havasāthawaunādaunenau, hadenahavaewauva; nau henee naja waude henee henechauthāhehau.

27 Hanaa vanasāthaa, henee vanethede, wauāthe henee henechauthāhe? gaujenane henee vanethede? hau hanedaundaunathana waude henee henechauthāhe.

28 Nananena daudajauaunenethaunena denaunaunau-chauthehanau.

29 Nau janenanauwunathana najanede, waude Nāsau-nau nejeesejenanauwunānau;

30 Hadevethena nau hadevaveyāna navethehedau-naa Nanajanedaunaa, nau hadetheaugudauwuna najatheaugudaunau hadnauchuwuhauna vadadauchunesenee jajaesenanedanede Israel.

31 Nau Vahadāde hanaāēnehede, Simon, Simon, nauhauwune, Haujau nevadaunethenāne, hadvachuuguthāne waude thauauhanewauchuunau:

32 Hau nevevethasathane, henee hadethauwuthajaude hadejenadegaundenauau: nau hāejauaugauthethajaunau-ne hadedāewaunauau hahauwauauau.

33 Nau haenehetha, Vahadāhene, Nananenau hanesaanunau hadnenenethaunathane, nesauna duguhunauauwu, nau gaujauaudahedaunaa.

34 Nau haeāedauwuna, hāedauwunathane, Peda, neauthuneāhe hadnehauwunedu nuu desenenee, hajesejehenaune nasau hadnethedauwaune henee nananene daujaenaunene.

35 Nau hanaāēdāuwunaude, Deathavejenanathana hāehauwunewauunava nesevāejethāwau, nau newaugusajaānauchu, nau wauaunau, gaubājevathēhāva hayewhu? Hegau, hathauhaugaunee.

36 Hanaāēdauwunaude, hau hewaunehaa henee nathenauau nesevāejethāwau nanehaedanauau, nau jea henuaugusajaānauchu; nau henee janenethenauau gau-gauchu, nanehaeaudaunade heddu, nau jeaudaunaude gaugauchu.

37 Hanau nāedauwunathana, henee nuu wauthaunauhuu hethauwunaathauthaunauhunau, Nau haewauhau-nuau wauwauchudahuhau: hanau nethauthedauthanau hethauvaa.

38 Nau hathauhaugaunee, Vahadāhene, nauhaudau, heyewnau hanesāe gaugauthau. Nau haeāedauwuna, Naadauchāe.

39 Nau haejenaua, nau haejathāau, nesedaude, hauanee Olives; nau hethauguhādaunau jea haethauguhaa.

40 Nau hāanauusade, haeāedauwuna hevevethahee henee hadejejedāna vasehadede.

41 Nau haejāvesa hehejese nejechauthaunenee, nau haechagujanaugu, nau haevevetha,

42 Nāchau, hith Nananene vadauusedaunenagu, jegudanauwune nuu vāenau hehethee Nananenau: hau nāhauwuvathehaa, hau Nananene, hadnaasauau, hathauhuk.

43 Nau haenauhauva hautheaune hehethee hejavaa, haedadāevaa.

44 Nau haeneenajeneethajau haeneenavevetha: nau heguwauaude waude davathejajaneauthee vaewauau de-janese vedauauwuu.

45 Nau hāegauhāde hehethee devevethahede, nau haejeedasa hethauguhādaunau, Haeveena haeseenaugauhunenau hee haudauwuthajau,

46 Nau haeāedauwuna, Naudu haenaugauhuna? gauhāe nau vevethahee, hadejejedāna vasehadede.

47 Nau hajesanadede, haenauhauwu havathenedanede, nau henee Judas neseade, jasaa vadadauchunese-nee, haenedauva, nau haeayāedasa Hejavaneauthusaun hadnedanaude.

48 Hau Hejavaneauthusaun hathāhuk, Judas, gauhāavedauna Heau henane gauhadneenedanau?

49 Hāene henethauguvādaunau daunauhaudauwunethe hadnesehade, Vahadāhene, gauhadjedauauwaunauau hee gaugauchu ? hathauhaugaanee.

50 Nau hanesāde haedauauva hewauwaunavene vasnane jane vevethahevahew, nau haegauadathāhe hejavesē.

51 Nau Hejavaneauthusau haeauchuhananadetha, Hauwaa nanessedau nuu. Nau haevasane henaudaunune, nau haenayauha.

52 Hejavaneauthusau hanaāenehethaude najavevethahevahēhau, nau haunauyauhauthāhehau vadannauauwuu, nau vachaugananenau, hejewaunedasādaunau, Gauhāejauva, waude hee havedehe, nauguu gaugauthau nau vachau ?

53 Denethenaedevathana hayauwusenee vadannauauwuu, nananena hāehauwudaneva: hau nuu nauauchaudauna, nau naunauthauau vaneeyauau.

54 Hanaāedanauthee, nau haejathechauhanauau, nau haejedananauau Vasenajane vevethahevahew hedauauwunene. Nau Peda haejesedauchu.

55 Nau hāesewaudedaunathee nahethāe hadauvasenejesauau, nau haeauājanaugunauau, Peda haejanaugudauna.

56 Hau jasae hesāhedāeyaune haenauhauvaa daujanaugudaunaude hejava hesedaa, nau haenaunauchaudauhauvaa, nau hathāhuk, Naa henane jea nanethenaedewaude.

57 Nau haethedauwautha, Hesā, nahauwaenaunau, hathauhuk.

58 Nau naunade jachau haenauhauvaa, nau hathāhuk, Nananene jea hanehedāhene. Nau Peda hahagu, Henane, nananenau hegau.

59 Nau hee jasaye denauachauau waunee jachau haethauwunehene, hathāhuk, hethauwuu naa jea nanethenaedewaude; hanau nananede Gananaean.

60 Nau Peda hahagu, Henane, Nāhauwaene daunnesenehene. Nau chauchaunu, daunausunanadede, neauthuneāhe haenedu.

61 Nau Vahadāde haejaaagu, nau haenāauhauva Pe-

daheau. Nau Peda haethauchuthajaude hedanadedau-
nene Vahadāhenith, neesenehethāde, Hajesejeneduhude
neauthuneāhe, nananene hadnethedauwauchune nasau-
na.

62 Nau Peda haenaua, nau haeneenavewau.

63 Nau henanenauau henee daununauthēe Hejava-
neauthusaun haevavavanauchuhanauau, nau haedaudau-
auvaa.

64 Nau hāesajeājethauthēe, haeanadeāhenauau, nau
haenaunaudedanauau, Haeyāhe, hanaa henee hau-
dauauvāde ? nethāhuk,

65 Nau wauthanee haewauwauchuvaa nanāsanade-
thāde.

66 Nau chauchaunu hasenaugusājenee, vachauganane-
nauau henanedanede nau najanauau vevethahehehauau
nau wauthaunauhāhehauau haeauāchaudaunanauau,
nau haejedananauau hadauihanadethee,

67 Gauhanane Chris ? jeāedauwunāa, hathauhaugau-
nee. Nau haeāedauwuna, Hith Nananenau hāedauwu-
nathanagu, nananena hanājethauwaudaunena :

68 Nau hith nananenau jea naudedanathanagu, nana-
nena hanājauchuhananadesena, wauāthe hanājejena-
nena.

69 Hewaunehaa heee Heau henane hadtheaugude he-
javese naunaudāhenith Hejavaneauthu.

70 Hanaāenehethee vahee, Gauhanane Heau Hejava-
neauthau ? Nau haeāedauwuna, Hasenehena Nanane-
nau.

71 Nau hahagaunee, Hehauwauthevathēhāanauau nau-
dedauyaunauau ? hanau nehayau nandedaunaunauau Ne-
hayau hedenaa.

NEHEDAUNAU 23.

1 Nau haunauude henanedanede haegauhādene, nau
haeyehaudaunanauau Pinade.

2 Nau hanaāevavasevāde, Vaneenaunauau naa gau-
chuhuchaudede jajaesenanedanede, nau nedauduwaude

hadjevenauthee hauāyaunau Caesar, daunahagu Chris Nenauchuwude, nethadede, hathauhaugaunee.

3 Nau Pinade haenaudedana, Gauhanane Dahunau-chuwuhunene Jews? hathauhuk, Nau haeauchuhanāe-dauwunaa, Hethauvāne.

4 Hanaāēdauwunaude Pinade najanau vevethahehehau nau henanedanede, Nāhauwuveedenaune wausaunee naa Henane.

5 Nau haenaunauchauthedauhaudene, wauwayauchudedede henanedanede, hanechauhauthethāde hehethee vahee Jewsevedauauwuu, jejasesee hehethee Gananane nauu nuu vedauauwuu, hathauhaugaunee.

6 Hāene Pinade nedauwauthaude Ganane, haenaudedauva wauau hagananenane.

7 Nau chauchaunu hāesaenauau henee daunaadāde Herod hadaunajavanethe, haethavenane Herod, jea haenedau Dādaunedan hena hese.

8 Nau hāene Herod nauhauwaude Hejavaneauthusaun haevaseneethajau : hee devadaunauhauwaude dajauaunee hanau dauhauwauthanedauwauthaude ; nau haevadaunauhaudauwu jasaa venauneguthau hadnesedaunith.

9 Haenaunaudedana hauwauhuu hanadedana ; hau haejauchuhananadethaa.

10 Nau najanau vevethahehehau nau wauthaunauhāhehau haetheaugunenau nau haenaunauchauthevaa.

11 Nau Herod nauguu vauānanenau haejenananauaugaugauyaune, nau haevavavanauchuhanauau, nau haeneenuhanauau neaudahenene hu, nau haevenanauau jea Pinade.

12 Nau hajesesene Pinade nau Herod haenedae-hāvadenauau nesauu : hanau nedauwuu haesānavadenauau nehau.

13 Nau Pinade, hāesauānadethaude najanau vevethahehehau nau hauchuwunanenau nau henanedanede,

14 Haeāēdauwuna, Nananena nauuchaudaunena naa Henane, nanahagu henee gauchuhuchadede henanedanede : nau, naune, nananenau, haunauchuwuhauau ha-

thaāhena, nāhauwuveedenaune wausaunee naa henane heee henee hayauhuhau nanāsevasewauna:

15 Hegau, hehauwune Herod: hanau neathavejena-nauwunathane; nau naune, hehauwuneenauau hehauwugaudauwudau.

16 Hadnenesegauhaa, nau hadjenanauau.

17 (Hanau hadnaugauhuseenaasedaude hadjenanaude hanesāhenethe vasevethededauneagu.)

18 Nau haunauude haevasānadenauau jasānee, Hawsāguthaa naa, nau jejenanauwunāaa Barabbas, hahagaune:

19 (Nananede hanau jasaa nejaeuauāde hedan, nau hanau nenaade, nethānade duguhunauauwuu.)

20 Pinade henaheee, haevadaujenana Hejavaneauthusaun, haeanadetha jea.

21 Hau haeneānaune, Saethechuhuu, Saethechuhuu, hahagaunee.

22 Nau haeāedauwuna nanaseauwaunee, Dusee, dusewauchudau? Nāhauwuveedenaune hadneegaujauauthehaude: Hadnaasedaunau hadnenesegauhaa, nau hadnaāejenanauau.

23 Nau haeneenavasānadenauau, haeneenavadausae-thechuhunauau. Nau haeneānadenauau nau najanau vevethahehehauau haechauwauauwaunauau.

24 Nau Pinade haechuwardā henee hadnaasaunee hasvathehāthee.

25 Nau haejenanauwuna nananede henee hanau nejaeuauāde nau nenaade haethānau duguhunauauwuu; nananede heenedauwaudenenau; hau haevā Hejavaneauthusaun hathanauwauthee.

26 Nau hāejathechauhauthee, haedananaunau hanesāhenith Simoneau, hehethēe Cyrenene, hananeedesade vedauauwuu, nau hananene haenehanauwunanauau nau-gauchu, henee hadnanewauunauwunith thauguu Hejavaneauthusaun.

27 Nau hena haethauguhaa havathenedanede, nau hesānau, haeaudauwuthajauha nau haevewauhunauau heee.

28 Hau Hejavaneauthusau haejaaāne haeāedauwuna, Dādaunedan hedaunauhau, jevahevewauhuu heee Nananenau, hau heevewauhuu nehayau, nau heee hadāeyau-nevenau.

29 Hanau, naune, hese janādauuu, hadneenehedaunee, Haunauwuthajauau jenesaunehehauau, nau henaudauenau henee nejethauujanesāthee, nau hethanenau hehauwūnethuaunenau.

30 Heee hadnaāejaseseneheduu hauane, Gauduaunānauau; naa jauaudane, gaudauyauhunauau.

31 Hanau hith heenesedauhaugaunee nuu hayauhuhau janadanegauaheyaugaune hauhaudene, haudneeduse-daune wautheyaugu?

32 Nau hena haenesenauau gauchuhunee jea, wauwau-chudauhuhau, haenethaunaa hadnaugunaade.

33 Nau hāene hāedaduu, Calvary hanaaseenee, hena haesaethechuhunauau, nau wauwauchudauhuhau, hane-sāhenith hejavese, nau jachau nauwauthe.

34 Haenaāenehede Hejavaneauthusau, Nāchau jaegudanauwunene; hanau daujāenuu hasedauthee. Nau haejaanauwaunenau, hedāchaunene, nau haeheedau-dausadaunenau.

35 Nau henanedanede haetheaugudaune dauhasauhau-vade. Nau hauchuwunanenau jea nauguu haeauchau-danavaa, haseneheyaugaune, Nenayauhaude hauthauau; Nanehanenayauhadede hethauwuu Chrisdeyaugu, Neayāsanāde Hejavaneauthu.

36 Nau vanenanenau jea haenaunaugauthedaunaa, haeedasaa, nau haevenaa naneujaudenee dadajevene-naje,

37 Nau hathāhuk, Hethauwunajawaunaudagaunee Jews, henayauhade nehayau.

38 Nau haewauthaunau jea haewauthaunauhune he-javaa hedanadedauunene Greek, nau Latin, nau Hebrew, Naa Nanajawaunaude Jews.

39 Nau jachau wauwauchudahu chaunaunauaunith haewauwauchuvaa, Hethauwuu Chrisdenagu, henayau-hade Nehayau nau nananee, hathāhuk.

40 Hau jachau haeauchuhananadene haedauduva, Gauhajeadaunau Hejavaneauthau, hanau nananene nanesadee hathauchuwuhane? hathauhuk,

41 Nau neehanauau; hanau hanesedanauwunauau nanāседаunauau: hau Naa hehauwuwauchudau.

42 Nau hanaāenehethaude Hejaneauthusaun, Vahadāhene, dauyewuwuthedaune hāanauusanaune Hanajane-de.

43 Nau Hejavaneauthusaun hathāhuk. Hethauwuu hāedauwunathane, Nu desenee hadnethenaedevene Paradise.

44 Nau hāethauthaunesade, nau hanaāeveeyauau nadee vahee hathāauauvaa haunaude nanasuusee hēnauauchauau.

45 Nau hesese haeveenenauau, nau hauguthau Vadanauauwuu haethauwunauau nahethāe.

46 Nau Hejavaneauthusau hāevasānadede, Nāchau, hajadenea hadaunaunehau Navadathuwu, hahagu: nau hāesenehede nuu, haevadauwauthauwu.

47 Wauhā vanenenaja hāenauhaudauau hasedaudene-nee, Haeauwauaudauna Hejavaneauthu, Hethauwuu naa chaunuvāde Henane, hahagu.

48 Nau vahee henanedanede henee hathāejeauānuusathee hadnauhauwauthee, haenauhaudauwu hanasedaudenenee, haeanaदेशjāhedenauau, nau haejaajegauhudaune.

49 Nau vahee henedaehauhau, nau hesānau hethāethauguhādaunau hehethēe Gananee, haetheaugunenau vavāaune, haenauhaudauwu nuu.

50 Nau, naune, henane Joseph haeesee, najananadehe; nau haeethā, nau haechuvā:

51 (Naa haejechuwardā hasenehedaunenee nau hasedaunethe;) haenaadāde Arimathaea, hedan Jews: nananede jea nehayau haejauwuwude henajanedaunene Hejavaneauthu.

52 Naa haeyehau Pinade, nau haenedauwaude hedayayunene Hejavaneauthusaun.

53 Nau haejanana, nau haeauyauuna naunaujānaune,

nau haejenana nedauthānavathe gaujauaudahehehau hauunaugāe, haunauau henane haejethauujenana.

54 Nau hena hesee haesaanudaune, nau vadanese dayānauauchauau.

55 Nau hesānau jea, hejenauunethaunādaunau hehethē Gananee, haethauguhaa, nau haenauhaudauwu hadausaesenanethe, nau hedanayaunene hathaudanee.

56 Nau haejaenauthau, nau haesaanudenauau hathāneevaudenee nau chauayaunau; nau haedauyānusenuau vadanesee hasauau nanavaavede.

NEHEDAUNAU 24.

1 Wauhā nanedauwaudaa hese hauchauvadede, haje-sejevesesanith haejeedadauwu hadausaesenanith, haenauuchaudenauau hathāneevaudenee heesaanuthaunau, nau jasae hauthauau nauguu.

2 Nau haenauhauvanauau hauunaugane haesusānene hehethē hadausaese.

3 Nau haejedānauau, nau haejevedenauau hedanayaunene Vahadāhenith Hejavaneauthusaun.

4 Nau hethauwu daugaudauwuthajauthee hee, nane, hanesenethe henanenau haetheaugudaunā haenauasāunenau hedāchaunene:

5 Nau daunāthajauthee, nau haenaunauagunauau vedauauwu, haeāedauwunā, Naudu nananena haenaudehauna hanenaededaunau nethee gaujauaudahehehau?

6 Hehauwanedau hede, hau jaegauhāde: dauyewuwu neethāedauwunāna denausunanedaude Gananee,

7 Neesenehede, Heau henane hadvenavathe hejadenene wauwauchudaunanenau, nau hadsaethechauhude, nau nasese hadjaegauhāde.

8 Nau haedauyewuwunauau hedanadedanene,

9 Nau haenauwau hehethē needausaesenanith, nau haethedaunanauau vahe nuu hayauhuhau jasānee, nau vahe hauthauau.

10 Haenane Mare Magdalene, nau Joanna, nau Mare henaune James, nau hauthauauau hesānauau henee he-

nethaunādaunenau, neauthedaunauthēe nuu hayauhu-
hau vadauhanau.

11 Nau hedanadedaunenau hathanadauwuyaugaune
gaugauyaune, nau haejethauwaudaunaunauau.

12 Hanaāegauhāde Peda, nau haeyeseneegau hadausae-
senanith, nau haeewauguau, haenauhaude naunaujānau-
nee haeānaudanenau jessaa, nau haenaude, haegaugau-
nade hasaunee.

13 Nau, naune, hanesenethe haeyehaunenau henee ha-
jesesenee hajasee hauauwudan Emmaus haseagu, hehe-
thee Dādaunedan wauau nesaudauchu nau gauuu dau-
gauha.

14 Nau haenanadenauau wauhaunee vahee nuu hayau-
huhau hasaunee.

15 Nau hethauwuu, henee, dauanadethee wauhaunee
nau haenaunaudedadenauau, Hejavaneauthusau Ne-
hayau haeachauna, nau haenethauna.

16 Hau hesesānenau haedunenenuau henee hadjaenau-
nauthēe.

17 Nau haeāedauwuna, Hayewnau hadanadedaunenau
nuu henee nananena hānegudaudenenuau, daujajāwauau-
nadena, nau daudaneāauna ?

18 Nau jasaa hanaaseede Cleopas, haeauchuhananade-
thaa, Gauhanane vavade dauhadavesane nuu Dādaune-
dan, nau gauhājaene hayauhuhau hasedaudenee hena
nuu hesee ?

19 Nau haeāedauwuna, Hayewnau ? Nau haeāedau-
wunaa, Heee Hejavaneauthusau Nazareth, nananede
Haeyāhe naunaudāde hanasedaude nau hedanadede ha-
thaāhenith Hejavaneauthu nau vahee henanedanede:

20 Nau najanauau vevethahevahehauau nau hadau-
chuwunanevene neesevānethe gaujauaudahede ha-
dneauchuwuhade, nau nesaethechauhude.

21 Hau nejauwuwuhaunauau Nananede hadnenayau-
dede Israel: nau nauguu vahee nuu, desenee nanasāe
hesee hāsesenedaudenee.

22 Haa, nau jasae hesānauau jea hadahenauau nenā-
vānauau, naugusāge neanedauthēe hadausaesenanith ;

23 Nau dejevedethee hedanayaunene, nejenuusathee, neauthedathee, henee jea haenauhauvanauau hautheau-nau neethāhaugaunee henee daujaenaedeyaugaune.

24 Nau hauthauauau hānethaunādaunene deyhau-nauau hadausaese, nau haeveedenauau vavade hesā-nauau neesenehenethe: hau haejenauhauvanauau.

25 Hanaāēdauwunaude, Hau hāhauwaenava nau gaunauanu hadahenau hethauwardanee vahee henee haeyāhehauau nethauthedathee:

26 Naasauau Chris hadnasenede nuu, nau hadjedāde hadnedauvasāthaa.

27 Nau jeejasee Mosese nau vahee haeyāhehauau, neevavesāedauwunaude hee vahee hanathauthaunauhu-nee hayauhuhau hadnesenaedede Nehayau.

28 Nau haeeachauwu hajasee hauauwudan hasesathee: nau nehayau haenandedauneha hadjavesade.

29 Hau haeneenadaunanauau, hathauhaugaunee, Handedaunā: hayānaesade, nau hese hayāenauwusanauau. Nau haejedā hadnandedaunaude.

30 Nau hethauwu, daujanaugude haenethevetheheva, Haedane jauaujau, nau haevaveene, nau haejeane, nau haevena.

31 Nau hesesānenau haegaunanenenau, nau hanaāēnaunauthee; nau haeyauhaudenauau.

32 Nau hadāhene gauhauchāe hethauvaa, hanathadagaunee jae, deanadethānauau jāthee, nau hāegaunauwunānauau wauthaunauhanau?

33 Nau haegauhānauau chauchanu nau haejaeyehau-nauau Dādaunedan, nau haeveehanauau jasānee haenauudaunāhenenau, nau hauthauau henee hanedaunādaunenau,

34 Vahadāde gauhāde hethauwu, nau haenauhau-theha Simon, hathahaugaunee.

35 Nau haeauthedanauau hayauhuhau hanasedaunith hadesathee, nau hasaenaunāde daujeanauu jauaujau.

36 Nau daunausunanadethee, Hejavaneauthusau Nehayau haetheaugu nahethāe hadauthee, nau hathāhau-gaunee, Danādauyauau vanenathana.

37 Hau haenānauaunauau nau haenāthajaunauau, nau hasethajauhaugaunee henee haenauhauvanauau vadathu.

38 Nau hathauhuk, Naudu nananena haenāthajauna, nau naudu haegaugauuthajauna gauhānauha hadahe-nau ?

39 Nauhaudauwuu Najadenau nau Nauaudau, henee Nananenau nehayau: Vasanee, nau nauhauwuu; hanau vadathau hehauwudausānune nau hehauwudechaunave, hathauhauwuna.

40 Nau dauhanadede, haenauhautheha hejadenau nau heaudau.

41 Nau haejethauwuthajaunauau heee haunauwutha-jaude, nau haegaugauuthajaunauau, Haeāedauwuna, Gauhajeveheneva hede ?

42 Nau haevenanauau hanesāhenith nauwu haeaujau-nene, nau gauhauaugunaugauye.

43 Nau haedane, nau haevethe hathaājenethe.

44 Nau haeāedauwuna, Nuu nanāe hanadedaunau hāauthedaunathadenenau, denausunethenaedevathana, henee vahee hayauhuhau hadnethauwunauauchuu, hanathauthaunauhuu henanavaavede Mosese, nau haeyā-hehauau, nau psalms heee Nananenau.

45 Hanaāegaunanauwunaude hadnaenauwunethe, he-nee hadnaenauwunethe wauthaunauhanau,

46 Nau haeāedauwuna, Hathauthaunauhuu, nau naa-sauau Chris hadnasenede, nau hadjaegauhāde hehethee gaujauaudahede nasese :

47 Nau henee haugauthegaugauuthajaude nau hadjae-gudanee wauchudaudenau hadnautheduhunee heee He-neseede nanadee jajaesenanedanede, hehethee Dādaunedan.

48 Nau nananena haenauwuna nuu hayauhuhau.

49 Nau, naune, Nananenau vanenathana sayānee Nā-saunau hau theauguu hedan Dādaunedan, haunaude na-nanena hāchauwunagu naugu naudahede hehethee he-
javaa.

50 Nau haejasesenedauwauna hajechaudanee Bethany, nau haeegauha, nau haevethasa.

51 Nau hethauwuu, daunausuvevethauchaude, Hae-nautha, nau haeejehauhau jethee hejavaa.

52 Nau haevethedaunanauau, nau haejaeyehaunauau Dādaunedan nauguu vaseneethajaude:

53 Nau dajauaunee haenedaunauau jedauwuu Vadan-nauauwuu, hauwaunede nau haevethedaunanauau Hejavaneauthu. Hethauvaa.

